

**NATIONAL ASSEMBLY OF  
SEYCHELLES**

*Monday 21<sup>st</sup> November, 2022*

*The Assembly met at 09am*

*National Anthem*

*Moment of Reflection*

*Mr Speaker in the Chair*

**MR SPEAKER**

Bonzour tou Manm Onorab, nou bann zofisyé ki dan Lasanble, nou piblik ki pe swiv nou. Mon remersye zot pou zot partisipasyon ankor enn fwa.

Mon ti annan... Prefere lans direkteman dan travay lo Bidze ki devan nou ozordi, me mon santi mon bezwen pran en moman pou adres en size ki tous repitasyon Lasanble.

Sa i konsern kominike par Lasosyasyon ARID ki ti pase dan nouvel Vandredi swar, ki eksprim me kontantman avek Lasanble, akoz i dir bann Manm i fer remark e mon sit zot la "ki ensilte, degrade e imilye lezot".

Sa i en lakizasyon grav. Non selman i akiz bann Manm konman endividé, me i reflekte lo Lasanble an zeneral. E lo mon responsabilite pou kontrol, e asir bon deroulman Lasanble. Mon vreman tre konsernen par sa lakizasyon.

Mon pa pe rezet sa kritik konpletman, me mon krwar i bezwen ganny met an perspektiv. Mwan mon pou premye pou aksepte ki par konportman e parol bann Manm i pa touzour lo standar ki Lasanble i merite. Mon osi admet, ki Manm i souvan mank

respe e kourtwazi ver lezot Manm, oubyen ver bann Minis e zofisyé Gouvernman ki vin devan Lasanble.

Alor mon oule servi sa lokazyon, pou fer bann Manm note, ki i annan kritik kont nou konportman dan Lasanble. Me pou dir dan en fason zeneral ki bann Manm i ensilte, degrade e imilye lezot, mon krwar i en lakizasyon ki pa zistifye.

*ARID* koman en lorganizasyon o plase dan nou pei, i bezwen pran konsekans son bann deklarasyon e fer sir ki koresponn avek laverite. Mon pe demann *ARID* pou klarifye e eksplik avek mwan sa bann remark e pou dir kan, e koman, e osi pou nonm non.

Ozordi dan nou pei, nou annan en nivo laliberte lekspresyon e bann mwayen lekspresyon pli o e pli larz, ki nou'n deza annan. Mon santi ki annan en mank responsabilite dan la fason ki sa drwa pe ganny servi.

Alor mon repet lapel pou bann Manm pou vin legzanp lo la fason ki nou servi sa drwa presye e pou revwar nou konportman e pou zot adres bann size devan zot dan en fason egzanpler, e pa donn okenn lokazyon pou nou ganny akize ki nou pe ensilte, degrade, e imilye lezot. Mersi. Mon espere ki zot in note e mon espere ki zot a pran serye sa lapel. Avek sa, nou a kapab repas lo nou travay. Madanm reporter, mon a demann ou pou apel delegasyon ki pe atann nou silvouple, mersi.

**OFFICE OF THE PRESIDENT**

**MR SPEAKER**

Byen, bonzour e byenveni Vis-Prezidan Ahmed Afif, e mon swet byenveni osi Ms Astride Tamatave

*Comptroller General* dan Minister Finans, e Mrs Agnes Madeleine, son *financial analyst*.

E delegasyon Minis i annan osi Ms Margaret Bonne. Direkter Zeneral *Human Resources and Administration* dan Biro Prezidan e Mr Marcus William son *financial controller*.

Avek sa nou'n pare pou nou pran Bidze lo *Office of the President* ki lo paz 6 ziska 12 *Budget Book*, pou en total R63milyon314mil. Vis-Prezidan nou a konmans avek ou lentrodiksyon lo sa Bidze.

### **THE VICE-PRESIDENT AHMED AFIF**

Mersi bokou Mr Speaker. Bonzour Mr Speaker, *Leader* Biznes Gouvernman, *Leader* Lopozisyon, tou bann Manm Lasanble, tou Seselwa a lekout. Mr Speaker i en plezir pou mwan dan zot Staz Komite, pou prezant Bidze Biro Prezidan.

Parey zot a vwar dan sa gro liv, sa Bidze in sorti lo en sif revize pour 2022, R69.7milyon pou vin R63.3milyon, ki environ en rediksyon R7milyon. Sa Bidze li menm, i ganny klasifye dan 4 programm. E sa 4 programm,

Premye se Gouvernans ek Administrasyon, ki dan sa 63milyon, i pran 37milyon. Dezyenm, se Biro Egzekitiv se Biro Prezidan, ki li i pran 21milyon.

E trwazyenm, se Biro Konsey de Minis, sa ki organiz bann *Cabinet meeting*, li i pran 3.3milyon.

E finalman, katriyenm programm se pou Biro *Office of the Former President*, ki li i 2.3milyon.

Akoz i annan en - e mon a montre bann konparezon 2022 avek 2023; Lo kote *wages and*

*salaries*, i annan en logmantasyon ki sorti 16.8milyon revize pou 2022, pou vin 19.4.

Anba *goods and services* li i annan en rediksyon 48.8milyon 2022, ki vin R43.5milyon, ki environ en rediksyon R5milyon.

E byensir dan bann detay pou *goods and services*, zot a vwar sa ki plizoumwen bann rediksyon dan Biro Prezidan. Par egzanp pour biro li menm, *office expenses* ki'n sorti 13.6milyon, in vin 12.1. Transportasyon ki'n redwir 11.9milyon, ki vin 9.6milyon. Sa i enkli *overseas travel. Maintenance and repairs* li osi in tonbe sorti 6.9milyon, pou vin 6.1milyon.

E lot rediksyon prensipal, se dan Bidze kapital kot 2022 nou ti annan 4.1milyon, me pou lannen 2023 i annan zis R400mil, parske nou'n preski fini bann proze ki ti annan e zot pa pou ale dan 2023, parske nou pou fini sa bann proze o pli vit ki nou kapab sa lannen.

Vwala Mr Speaker, mon a zis avek ou permisyon, koz en pti pe lo rediksyon ki zot a vwar anba *transportation and travel* ki ti 11.9milyon in vin 9.6milyon. Sa rediksyon i prensipalman parske nou'n retir kou vwayaz bann Minis ek bann CEO. E nou'n transfer zot anba zot bann Bidze relevan.

So sa ki reste anba *transportation and travel cost* dan sa Bidze 2023 anba *President's Office* i pirman pou *President's Office*. Vwala an gro Mr Chair, Mr Chair i annan, si zot annan lezot kestyon adisyonnell, nou pou, nou annan dimoun ki kapab reponn ensi mon, kot mon kapab mon osi mon a ede. Mersi bokou.

### **MR SPEAKER**

Mersi Vis-Prezidan. Nou a konmans avek kestyon bann Manm. Mon a pran enn de non. Ankor enn fwa mon a repet lapel pou nou gard nou kestyon bref, direk e osi mon demann delegasyon osi pou gard zot repons direk lo kestyon. E sa i akoz bann kontrent letan. Onorab Aglae ou a konmanse *please*. Mersi.

### **HON EGBERT AGLAE**

Mersi Mr Chair. Bonzour VP ek ou *panel*. Bonzour Manm Onorab e tou dimoun ki a lekout.

Premye kestyon VP se kot i konsern, ou'n sit en pe bann rediksyon, me par kont i annan bann programm - programm 2 anba egzekitiv e osi anba *President's support and special events*, i annan logmantasyon ase signifikan sorti 16milyon pou mont 20milyon, environ 4milyon *increase*. SP1 13milyon pou vin 18milyon, environ aepre R5milyon.

Eski ou kapab donn nou en pti pe detay, sirtou anba bann '*events*', bann *major* sirtou. Akoz mon panse *State House* i bezwen annan li en kalandriye *of activities* ki i swiv. Si ou kapab petet donn nou en pti pe leklersisman, akoz i annan sa bann logmantasyon ase signifikan? Mersi.

### **MR SPEAKER**

Mersi. Vis-Prezidan, mon adres ou pou reponn. Si oule okenn lot zofisyé, zis endik zot silvouple, endik mwan, mersi.

### **THE VICE-PRESIDENT AHMED AFIF**

Wi Mr Speaker. Mr Speaker, anba sa ki Onorab in fer referans avek se programm 2 *Cabinet Office*. E anba la i annan 2 *subprogram*

'*presidential support services* ek *special events*.' E sa bann *special events* i annan ki nou kapab konsider anba 'vwayaz' osi e dan 'vwayaz' li menm mon kapab permet bann teknisyen donn plizyer lezot lenformasyon.

Selman parey zot konnen anba sa programm '*Executive office*', i kouver en kantite bann responsabilite ki li i annan pou etabli bann relasyon ant Sesel avek bann lezot pei ki byensir zot, zot anmenn bann benefis direk pou pei.

Zot a rapel ki par egzanp an 2021, sete atraver *visit* ki nou ti kapab ganny programm pou vaksen. Set atraver bann *visit* ki nou fer, kot nou partisip dan bann *forum* enternasyonal kot Sesel i ganny rekonnèt pour son zefor ki pe fer dan sanzman klima, par egzanp.

Se atraver sa bann *visit* ki nou prezans i ganny re santi aletranze. E Prezidan i trouv li enportan ki Sesel i ganny reprezante dan tou sa bann *forum*, pou fer si ki lavwa Sesel i ganny reprezante.

Mon kapab donn ou bann detay bann *visit* ki Prezidan i annan lentansyon fer, ki pou ganny kouver anba sa 2 programm. Selman zis, si ou permet mwan, mon a zis rod sa bann detay en pti kou pou mwan kapab elabore.

Par egzanp lannen prosenn i pou annan *African Union Summit* an Fevriye. So sa i pou en levennman enportan. Pou annan *Ocean Summit and EU Summit*, ki osi enportan pou Sesel ganny reprezante. Pou annan en lot ki apel *World Government* ki Sesel pou reprezante.

Ankor *CHOGM, Commonwealth Heads of State, UN Ocean Conference, SADC Summit,*

*TICAD, UN General Assembly, Sommet de la Francophonie, OACPS apre COMESA.* Sa i deza serten bann komitman ki nou pou annan an 2023.

Parey zot konnen Prezidan i osi in ganny apwente konman Prezidan Patron Losean pou bann Pti Zil. E ladan i pou annan plizyer *trip* ki enkli 2 dan Lerop e 2 dan Lafrik. Alors sa osi i pran en morso sa Bidze.

Larestan dan bann programm i pou plito bann vwayaz lokal;- par egzanp Praslin, La Digue kot Prezidan i vvar bann proze. I rankontre bann diferan groupman pou, ki *form* parti son travay. Mersi Mr Chair.

### **MR SPEAKER**

Wi, klarifye Onorab Aglae.

### **HON EGBERT AGLAE**

Mersi VP pou ou bann larepons. Zis en leklersisman akoz dan ou larepons VP, ou'n site pou dir i annan serten larzan la dan sa vot, ki pe ganny servi osi pou bann deplasman enternasyonal. E an vi ki osi i annan en vot ki santraliz anba Finans, ki kouver bann deplasman bann Minis, eski ou pe dir mwan pou dir petet Prezidan pou li apar, pou bann Minister i apar, ouswa i annan 2 landrwa ki kapab servi larzan pou fer sa bann *trip*? Mersi.

### **MR SPEAKER**

*Thank you.* Vis-Prezidan?

### **THE VICE-PRESIDENT AHMED AFIF**

Mersi. Mersi Mr Chair. Mr Chair pou napa okenn lenstans kot Prezidan pou servi son Bidze, demann en lot larzan anba en lot

Bidze. Prezidan son Bidze i pou son vwayaz, avek son lekip dan *President's Office*.

Si i pou ganny a konpannyen par en Minis sorti dan en lot Minister an 2023, e Finans i kapab konfirmen zot annan en Bidze separe pou sakenn Minister. So bann alokasyon pou bann diferan Minis, dizon Minis Zafer Etranzer ki pe al ek li, li i pou annan son Bidze ki'n ganny retire zisteman anba Biro Prezidan 2023 fer transfer anba son Minister, e pareyman pou tou lezot Minister.

So, i pou napa okenn landrwa ki nou pou bidzet menm keksoz 2 fwa. Mersi Mr Chair.

### **MR SPEAKER**

Mersi Vis-Prezidan. Onorab Esparon.

### **HON REGINA ESPARON**

Mersi Mr Chairman. Bonzour tou dimoun ki a lekout, Vis-Prezidan avek ou *panel*. Mr Chairman mon ti zis anvi en pti klarifikasyon anba *program for Office of former President* - mon konnen dan listwar Sesel nou'n annan nou 4 *former* Prezidan, e 2 in *passed away*. Nou annan nou 2 ki ankor vivan, eski sa Bidze pe *cater* pou tou le de sa *former* Prezidan ki ankor vivan, parski nou konnen enn pe viv Sesel, enn pa pe viv Sesel?

E mon'n realize letan mon pe regard Bidze, ki i annan en ogmantasyon dan *wages and salary*, sorti 725mil pou vin 893mil. E osi lo kote *overtime* osi anba sa *program 4*, mon ti ava zis anvi en lesplikasyon, si sa Bidze 2milyon346mil pe *cater* pou tou lede *former* Prezidan, menm si 1 pa pe viv Sesel? Mersi.

**MR SPEAKER**

Mersi. Vis-Prezidan.

**THE VICE-PRESIDENT AHMED AFIF**

Mersi bokou Mr Chair. Mr Chair sa Bidze 2.346milyon ki dan Bidze 2023 pirman pou *former President* Faure. I pa kouver okenn depans pour *former President* Michel. E tou sa bann depans ki ou trouve, aktyelman i en rediksyon 2.6 pou vin 2.3, se i annan pou fer direkteman avek son biro e son aktivite.

In redwir byensir, me i kouver zis pou li, i napa okenn lezot *former President* ki kouver anba la. Bann lezot *former President* si zot pe ganny en saler, par egzanz en pansyon, sa i ganny peye anba *Constitutional Appointments*. I annan en Bidze separe. I pa tonm anba Biro Prezidan. Mersi.

**MR SPEAKER**

Mersi. Wi, Onorab Esparon?

**HON REGINA ESPARON**

En pti klarifikasyon VP. Eski i pe *cater* pou 2 oubyen pou 1? Zis 1?

**MR SPEAKER**

Wi mon krwar sa ti dan son kestyon orizinal, VP.

**HON REGINA ESPARON**

Eski i pe *cater* pou 2?

**MR SPEAKER**

Tou le de?

**HON REGINA ESPARON**

2 *former* Prezidan oubyen zis enn?

**MR SPEAKER**

Wi, VP?

**THE VICE-PRESIDENT AHMED AFIF**

Mersi Mr Chair, Mr Chair i *cater* zis pou en *former President*. Mersi.

**MR SPEAKER**

*Thank you.* Onorab Henrie

**HON GERVAIS HENRIE**

Mersi Mr Chair. Mon annan en senp kestyon lo paz 11 *subprogram 2 Constitutional Appointments*. E ladan i dir ki "*administers and the salaries and terms and conditions of employment of all ministerial appointments and constitutional appointees and pensions of former Cabinet members, and constitutional appointees.*"

So, mon anvi konnen sa somm ki'n ganny *allocate* i pe *cater* pou konbyen, konbyen *former Cabinet members* nou annan la ki pe benefisyé osi avek *constitutional appointees*? Savedir konbyen ki pe benefisyé? Apre ki somm pli ba e somm pli o, si zot annan sa lenformasyon silvouple? Mersi bokou.

**MR SPEAKER**

Mersi Onorab. Vis-Prezidan.

**THE VICE-PRESIDENT AHMED AFIF**

Mersi Mr Chair. Mr Chair dan mon seri papye ki mon annan devan mwan, mon napa sa bann peyman pou bann *constitutional appointees* ki tonm anba Biro Prezidan. I pa pou ladan. Ou ti pe dir mwan anba '*Executive office*' ki ou'n trouv sa?

Bann *subprograms*, anba *Cabinet office*? Ok. *Subprogram includes support Cabinet meetings*. Dan pou mwan i lir koumsa '*Subprogram 1, Cabinet office secretariat funds, the Cabinet*

*secretariat functions, this includes staffing, support of Cabinet meetings, communicating Cabinet decision, Government entities for action follow up, Cabinet decisions and conducting media briefings.*

*Subprogram 2 - constitutional appointees administers salaries and terms and conditions of all ministerial constitutional appointees.”* Ok, savedir sa i en kou pou administre.

So i pa kou sa bann dimoun *constitutional appointees*, zot saler pa tonm anba la li. Sa se zis en kou ki bann *secretariat Cabinet office*, zot, zot ki fer *payroll*, zot ki pou anvoy bann lenstriksyon kot Trezor pou peye. Be selman ler i pou peye, i pou sorti dan Bidze *President’s Office*. Sa kou ki la i zis en kou administrasyon lo nivo sekretarya. Mersi Mr Speaker.

### **MR SPEAKER**

*Thank you, Vis-Prezidan. Klarifye Onorab.*

### **HON GERVAIS HENRIE**

Wi, zisteman parske lefet ki sa lofis ki pe administre, zot pe anvoy sa lenformasyon. *The question I asked* i se ki konbyen, zot bezwen konnen konbyen dimoun ki pe benefisyé anba la. Ki sif pli o, ki sif pli ba? *That’s what I asked.* Mersi.

### **MR SPEAKER**

Vis-Prezidan, si ou annan sa lenformasyon?

### **THE VICE-PRESIDENT AHMED AFIF**

Mersi Mr Chair. Mr Chair mon napa la toudswit avek mwan, selman mon pa konnen si Minister Finans pe posib i kapab annan, oubyen *DG* dan mon departman si i annan? Si

i napa, nou ava rod sa lenformasyon pou ou. Selman i byensir *available*, nou kapab donn ou.

### **MR SPEAKER**

Mon pa'n tro tann ou repons, eski ou'n adres Ms Tamatave pou donn sa lenformasyon si i annan? Wi-wi *Comptroller*?

### **COMPTROLLER GENERAL ASTRIDE TAMATAVE**

Mersi Mr Chair, bonzour Mr Chair, bonzour tou Manm Onorab. Mr Chair zis pou klarifye en pti keksoz, sa *subprogram*, tous nou pou get li i napa en Bidze *allocated to it*. Avan ti annan, me selman *going forward* petet nou pou zis tir li, akoz i zis en *subprogram without funds being allocated* pou li.

Me selman *in terms of constitutional appointees’ breakdown*, dan Liv Bidze anba seksyon 5, i annan lalis, i annan 8 seksyon anba seksyon 5, e 8 sou seksyon e ladan i annan bann detay saler pou sak bann *constitutional appointees*.

Sel bann ki ou pa pou war la kantite i *former Ministers*, par egzanp ou war en gro sonm, e sa i pou tou bann Minis. Nou kapab donn nou sa detay kantite *former Ministers* ki anba la nou annan sa detay. *Former Vice-President* i annan zis enn. *Former President* i annan 2 anba *constitutional appointees*.

Anba seksyon 2, ou pou war detay pou bann Manm Lasamble aktyel, apre i annan *former members* ki nou pou war zis en laliny, en gro sonm, nou ava donn detay pou sak sa bann.

Apre anba seksyon E, ou pou war tou bann *constitutional*

appointees, par egzanp Oditer Zeneral, Biro *Electoral Commission* avek *former Ambassador* li i zis sel laliny ki ou pou war en total. Apre deryer anba *f, g* ek *h* ou pou war pou tou sa bann dimoun.

So nou ava donn detay pou sa bann ki ou pe war zis son gran alokasyon; - *former Ministers, former Members of National Assembly, ek former Ambassador*. Nou ava donnen during the week. Thank you.

### **MR SPEAKER**

Thank you, Ms Tamatave. Prosen kestyion Onorab Vidot?

### **HON AUDREY VIDOT**

Mersi Mr Chair. Bonzour Mr Chair, tou Manm Onorab, VP avek delegasyon e tou dimoun ki a lekout. Mon kestyion premye i lo program 2 SP1, kot *transport and travel cost*, mon vwar i annan en logmantasyon ase signifikan pour *fuel and vehicles*, sorti 52mil, mon war sa lannen i pou 842. Eski VP i kapab eklersi lo la, akoz sa gran logmantasyon?

Apre anba *other goods*, menm programm, '*other use of goods and services*' mon vwar i annan en nouvo vot pou R480ekek mil konsernan *local consultancy*. Eski ou kapab dir nou petet kantite *local consultancy* zot pe konsidere, e ki petet saler zot pe mazin pey sa dimoun? Thank you.

### **MR SPEAKER**

Thank you Onorab. Vis-Prezidan.

### **THE VICE-PRESIDENT AHMED AFIF**

Mersi bokou Mr Chair, Mr Chair sa logmantasyon sirtou dan *consultancy* ki i pe fer referans

avek, i pou en *unit* ki pou responsab pou donn komunikasyon avek tou dimoun. Nou santi ki par ler dan Gouvernman li menm, nou pa pe komunik ase.

E nou santi lo nivo Biro Prezidan, i devret annan bokou plis komunikasyon. Senpleman pou fer kler keksoz ki'n ganny deside. I kapab annan en keksoz ki'n pase, ki dimoun pe rod lenformasyon e nou santi i nou devwar pou nou kapab donn sa lenformasyon pli vit posib.

Rezon i annan en konponan *consultancy* se parske nou pe dan prosesis etabli en *unit* ki pou donn lenformasyon. E dan pe *set up* sa *unit*, byensir i pou vin avek tou son fasilite ki pou bezwen. E pou sa, pou nou etabli li, nou pou bezwen kekfwa rod en sipor an deor.

Nou pa anvi kree bann *job*, konmsi ki pou permanan. So nou konmans avek en *consultancy* ki zis etabli li e apre i a kapab demar lo li menm anba en *fixed cost*. So i en pti pe sa.

Lo kote transportasyon e *fuel* mon a permet, avek permision Mr Chair ki *DG* a donn lenformasyon, mersi.

### **MR SPEAKER**

Thank you. Yes madam.

### **DIRECTOR**

### **MARGARET BONNE**

### **GENERAL**

Bonzour Mr Speaker. Bonzour tou bann Manm Onorab. With regards to *fuel* i pa vreman en logmantasyon, i zis ki avan dan Bidze tou *fuel* ti ganny mete anba programm 1. Me la avek *zero cost budgeting*, nou'n allocate *fuel* to the right program.

Parey pou gete dan sak programm zot *fuel* in tant pou - pa'n

monte, me ler nou'n fer alokasyon in tonm byen. Avan oparavan tousala nou ti'n met dan *program 1*.

### **MR SPEAKER**

Yes, en pwen klarifikasyon Onorab, wi?

### **HON AUDREY VIDOT**

Yes, *Mr Chair*. Mersi pou ou larepons. Zis en pti leklersisman VP. Ki pou rol *Information Commission* an diferans avek sa *unit consultancy* ki ou pe dir mwan?

E ou'n dir pou dir ou pa pou, zot napa lentansyon anploy en kantite dimoun, eski zot annan en nide kantite konsiltan ki zot pe mazinen, *at least* pou sa *unit*? Mersi.

### **MR SPEAKER**

Thank you Onorab. Vis-Prezidan?

### **THE VICE-PRESIDENT AHMED AFIF**

Mersi Mr Chair. Mr Chair mon pa krwar i pou plis ki enn ou de dimoun. Akoz i pou plito rod lekspertiz pou etabli li apre pou nou vreman etabli li.

Ti annan en lot kestyion ou'n demann mwan. Ki rol *Information Commission*? *Information Commission* i pa en biro ki pou donn lenformasyon lo Gouvernman li. Kekfwa *Information Commission* i par egzanp, si dizon demen *access to information* i tonm anba en *body* ki fer sa louvraz.

Be nou, nou pe mazin en *unit* ki plito vize ver komunikasyon avek piblik. Ki pa neseserman louvraz en *Information Commission*. En *Information Commission* en landrwa kot petet i kapab anmas lenformasyon. Gard li dan en fason,

i fer sir ki bann Minister i toultan donn lenformasyon.

Me selman sa enn la, la, i enn ki eksplik keksoz, i pa en *repository* ki gard lenformasyon. So i en keksoz differan. Mersi.

### **MR SPEAKER**

Mersi Vis-Prezidan. Onorab Mondon.

### **HON TERENCE MONDON**

Mersi Mr Chairman. Bonzour Vis-Prezidan avek ou lekip. Mon kestyion i en pe zeneral. Parmi bann defi ki zot pe fer fas avek, se retar dan *drafting* bann lenstriman legal ki Konsey Minis i aprouve. Mon mazinen sa i en problemm mendev.

Alor mon kestyion, eski zot in fer provizyon neseser dan Bidze, Lofis *Attorney General* pou adres sa problemm? Eski Vis-Prezidan i kapab donn nou en nide lo sa *backlog* ki zot pe fer referans avek, e si zot pe *explore* lezot alternativ, pou remedye sa problemm? Mersi Mr Chairman.

### **MR SPEAKER**

*Hold on, hold on* en pti kou. Onorab, mon permet ou fer komanter. Ou ti a'n lev lanmen, wi?

### **HON SEBASTIEN PILLAY**

Non, non, mon pe zis...

### **MR SPEAKER**

Ou pe koz en *point of order* la, non?

### **HON SEBASTIEN PILLAY**

Mon pa pe *raise* en *point of order*, mon pe zis dir *this is the wrong budget for it. We take this under the Department of Legal Affairs*.

### **MR SPEAKER**

*Legal Affairs, ok?*

(Off-Mic)

**MR SPEAKER**

Nou a les, *ok hold on - hold on*. Mon les VP adres size si i krwar nou devret pran li dan en lot letan. I kapab dir e nou a kontinyen. VP, size i dan ou lanmen.

**THE VICE-PRESIDENT AHMED AFIF**

Mersi bokou Mr Chair. Mersi Onorab. Mon krwar Onorab i annan rezon an term sa konsern, akoz Biro *Attorney Zeneral* ozordi, petet i trouv li kwense pou kapab pas tou bann - donn konsey, pas Lalwa, al Ankour, eksistema. So i definitivman en konsern ki nou partaze lo nivo Biro Prezidan.

Me selman parey ou konnen, son Bidze i en Bidze separe. I tonm anba *President's office*, be selman i annan en Bidze, en laliny spesifik dan *Appropriation Bill*. E mon pa pou dan en pozisyon la pou mon byensir koz lo la.

Be selman i kler pou dir i annan en bezwen. E mon mazinen anba son Bidze osi i pou annan serten provizyon ki'n ganny fer pou adres sa konsern. Mersi Mr Chair.

**MR SPEAKER**

*Thank you VP. Onorab Sandy Arissol?*

**HON SANDY ARISSOL**

Mersi Mr Chair. Bonzour Minis, VP avek ou lekip. Bonzour tou Manm Onorab, tou dimoun ki pe ekout nou dan lakour. Mr Speaker mon ti annan 2 kestyon pou VP an relasyon avek Bidze, ki nou pe donn ou dan *program 1 - governance management and administration - staff*.

Mon'n tann Prezidan dir byen for pou dir tou son *staff* pou ganny zot trezyenm mwan saler, akoz zot travay byen. Mon ti a kontan demann ou konbyen *staff* zot annan *State House*? An relasyon pou avek pandan sa 2an ki zot in laba, konbyen *staff* zot annan?

Konbyen ki'n arete? E si zot *staff* pe ganny trete byen koman bann travayer i devret ganny trete? E si zot annan etranze ki travay avek zot osi *State House*? Premye kestyon.

Dezyenm i an relasyon avek kestyon ki Onorab Aglae in demande, letan ou'n koz Bidze pou Prezidan, bann voyaz ki per fer la, Prezidan pe fer en pe voyaz. So, mon anvi demann avek ou VP, an relasyon ek Bidze ki nou pe donn zot, si sa bann voyaz la, pe aport fri pou pei? Nou ganny nou benefisyé atraver sa bann voyaz?

Kwa ki Lepep Seselwa nou gannyen an zeneral konman en pei, letan nou Prezidan pe fer sa lot bout travay voyaze, an relasyon ek bann lorganizasyon ki nou *form* par, oubyen bann lezot ki ou'n mansyonnen taler? Mersi bokou Mr Chair.

**MR SPEAKER**

*Thank you Onorab. Vis-Prezidan?*

**THE VICE-PRESIDENT AHMED AFIF**

Mersi bokou Mr Chair. Mr Chair premye kestyon an se moman nou annan nou 67 *staff*. Avan sa nou ti annan 74. So i annan en rediksyon. E rediksyon i vin plizoumwen *streamlining* ki nou'n fer. I annan ki'n kite, in *retire*. E esansyelman sa nou'n vin en pe pli efikas dan la fason nou fer travay. Etranze 0. Nou napa okenn etranze ki travay

koman en salarye dan *State House*, napa.

Vwayaz, Onorab, Prezidan inn fer plizyer vwayaz depi ki'n pran lofis. Sa bann vwayaz mon krwar in aport bokou fri pou pei, parey mon ti eksplike taler. Enn bann premye ki ti antreprann sete pou rod led dan sa sityasyon difisil, ki nou ti ladan. E nou ti ganny vaksen. E nou ti enn bann pei dan larezyon, dan Lafrik ki ti premye pou konmans vaksin dimoun. E sa mon krwar ozordi in aport bokou fri.

Mon krwar lo nivo enternasyonal, sa relasyon personnel ki Prezidan i devlope avek bann lezot pei, lezot Sefdeta an partikilye, i annmenn gran benefis pou Sesel. Mon krwar sa relasyon ki'n etabli, espesyalman avek mwayen nou riyan, UAE.

Par egzanp, i annan bokou benefis pou Sesel kot zot finans proze Sesel. Par ler zis en pti keksoz, par egzanp ti annan en dife lo *landfill* dernyen fwa, e toudswit nou ti realize nou ti mank nou serten lekipman esansyel, par egzanp bann *mask* ki bann *firemen* i bezwen pou zot al anler lo en *landfill*.

E pandan en peryod 24er, en avyon militer ti'n ganny avoye ki nou pa bezwen peye, ranpli ek *mask*. Plis ki 200 *mask* ki zot in avoye toudswit, ki nou bann *firemen* ti kapab servi. Parey ou konnen nou ti met sa dife anba kontrol ase vit.

Bann ptipti keksoz ki paler ou pa vvar son benefis direkteman dan en vwayaz, be selman atraver bon relasyon, bon lanmitye, sa i kapab aport bokou fri pou nou. I annan plizyer lezot vwayaz ankor kot Prezidan in ale dan Lerop,

Lanmerik, ki mon krwar in fer visit kot IMF, eksetera.

E tou sa bann *visit* i ede – i ede pou fer bann lenstitisyon regard Sesel bokou pli pre. E avek en ley ki bokou pli favorab, ki si zot pa zwenn sa bann dimoun ki fer desizyon dan sa bann pei.

E mon krwar sa par egzanp si ou get nou relasyon avek Labank Mondyal ek Fon Monneter Enternasyonal, i en relasyon ekselan. Kot zot in realiz bann benefis ki pep Seselwa pe gannyen ozordi. Zot in realize pou dir nou en Gouvernman ki serye, ki egzanpler dan larezyon. Egzanpler menm lo nivo enternasyonal.

E se sa bann kalite relasyon ki nou anvi devlope, kot atraver sa relasyon, menm demen ou kapab ganny bokou plis fasilité finansyel, e lezot fasilité ki finalman pou ed pep Seselwa. Mersi bokou Mr Chair.

#### **MR SPEAKER**

Mersi Vis-Prezidan. Onorab Cosgrow.

#### **HON WALLACE COSGROW**

Bonzour e Mersi Mr Chair. Bonzour tou dimoun ki a lekout. Mr Chair mon annan en pti *follow-up* kestyon lo sa ki Onorab Vidot in demande. I annan sa *consultancy* la en, ki mannyer zot in ariv lo sa pri, lo sa kou? E si zot in fer en *tender* pou sa, ouswa zot in fer en *selective bidding* dan en sans, kot zot in pran en dimoun ki zot in deza konnen, abitye avek?

Apre dezyenm Mr Speaker, mon annan detrwa laliny dan Bidze *President's Office* an sa ki konsern *internet*, R1.383milyon dan en lannen, mon war li i en pe bokou. Ki kalite *internet* zot servi laba anler? Mon war li en pe bokou

konpare avek lezot Minister an sa ki konsern zot laliny *internet*. Eski i annan en koneksyon differan, spesyal?

Osi dan menm laliny, *hospitality* pou *Private Office of the President*. I 1.38milyon pour *hospitality*, me 1.2milyon pou *internet*, en. Sorry mon'n konfiz sa 2 nimerou. *Hospitality* 1.383milyon an konparezon ankor avek bann lezot Minister kot ou pe war *hospitality vote* i apepre R90mil. So kwa ki *cater* anba sa bann vot, akoz mon war li i sibstansyel e bokou?

E osi *overseas subsistence allowance* i mont par 1.3milyon li osi pou lot lannen. So ki zot pe *cater* anba la? Mon konnen ou'n dir detrwa *trip* ki Prezidan pe ale, me sa 1.3milyon i mont signifikan pandan en lannen. So tousala i al ver Prezidan, ver son bann *travel*. So lannen pase ti annan 2.5, la i mont 3.8. So ki kantite plis *trips*, eski Prezidan pe ale?

E dernyen Mr Speaker, nou annan nou 64 *staff*, mon krwar *DG HR* in dir. Ladan nou konnen i annan resaman 2 *staff* ki ti ganny fer arete, me *still* nou war Bidze administrasyon lo kote saler i kontinyen monte,

So kwa sa logmantasyon? Eski i pirman *salary increase* ki Gouvernman in donnen. E ler *staff* i ganny arete, eski i bann prosedir, Departman *HR* ouswa i en direktiv sorti kot Prezidan? Mersi bokou.

### **MR SPEAKER**

*Thank you Onorab. Vis-Prezidan?*

### **THE VICE-PRESIDENT AHMED AFIF**

Mersi bokou Mr Chairman. Mr Chairman sa *consultancy* ki mon'n koz lo la taler, i en sonm environ

R40mil par mwan. Parey mon'n dir i pou probableman 2 dimoun. Eski nou'n fer *select bidding*? Non, parske parey menm dan *capital project*, dan Gouvernman ou bezwen fer en Bidze. Nou pa ankor selekte personn pou sa. E selman nou annan en sif apepre konbyen nou krwar i kapab arive, e nou'n met sa sif.

*Internet* 1.38milyon, nou krwar i rezonnab, parske nou ti annan sa menm an 2020-2021, i menm sif ki nou pe servi, i pa'n ogmante. Nou a pe servi bokou plis. Nou konnen poudir *internet* ozordi i en mwayen komunikasyon ki tre, trez enportan. E nou servi li en kantite. Ozordi bokou keksoz pe al *online*. En kantite tranzaksyon i *process online*. Nou pe tir papye.

Mon kapab dir ou Onorab par egzanp dan *Cabinet* ozordi, napa Minis ki vin ek papye anndan dan *Cabinet*. Tou Minis i vin ek en *laptop* oubyen en *iPad or whatever*. E en *tablet*, e nou travay. Nou pa servi papye. So sa i servi en kantite *internet*, parske tou keksoz i *online* i pe fer referans.

So nou, nou krwar se *the way to go*. Parey ou konnen nou Bidze an gro in redwir li. Be selman nou pe rod bann... Petet i annan enn de *item* ki a mont en pti git. Parey *internet* in mont par 800mil dan en lannen ki pa bokou. Be selman nou pe servi *internet* bokou.

*Hospitality*, mon pa krwar nou'n fer okenn gran logmantasyon. Wi i annan serten Minister. Me nou, nou Minister pou nou, *President's Office*, nou santi nou pe servi li byen. Napa labi ladan.

64 *staff* ki nou annan, logmantasyon se pirman pou *cater* pou logmantasyon ki'n ganny

anonse dan Bidze, apartir Avril. Sa 10poursan logmantasyon. I osi annan trezyenm mwan ki nou'n fer provizyon pou li.

E wi tou bann dimoun si i annan ki ganny fer arete, si annan problem disipliner, *President's Office* i pa par lao Lalwa li, i swiv tou prosedir.

Si i en *serious disciplinary offence*, i annan son prosedir ki ou swiv. Si i en lot kalite lofans, nou swiv Lalwa. Nou pa par lao Lalwa. E tou sa ki nou'n fer dan *staff*, i korek, a mon avi. E byensir si annan dimoun ki santi ki la fason ki zot in ganny trete i mal. Zot annan rekour nou dan en pei lib ozordi, zot annan rekour avek en avoka, Lalwa, *PSAB*. E tousala se bann lenstitisyon ki lib ozordi ki kapab fer zot travay. Mersi bokou Mr Chair.

### **MR SPEAKER**

*Thank you, Vis-Prezidan. Onorab Pillay.*

### **HON SEBASTIEN PILLAY**

Mersi Mr Chairman. Bonzour Vis-Prezidan, delegasyon, lekip Minister Finans e bann travayer dan Biro Prezidan. E bonzour tou koleg Onorab.

Mr Chairman, mon premye kestyon i pour retourne lo sa pwen ki Onorab Vidot in fer *regarding* sa novo departman, ki pou donn lenformasyon pour *State House*.

Dan Bidze pour lannen 2018 ek 19, ti deza annan en Departman Lenformasyon, ki ti pe fer menm travay, e ki ti pe si oule etablir sa ki zot apel bann *information kiosks*.

E pandan deba lo Bidze 2019 li menm Vis-Prezidan ki ti dan Lasanble Nasyonal, ti demande pou *freeze* sa larzan. Pour kreasyon sa

bann kiosk oubyen ti demande pour ki nou Lasanble pa siport sa alokasyon. Par le pwen ki sa pou vin en fason pour Gouvernman fer propagann.

E sa ti ganny siporte par Onorab, bann Onorab lo lot kote latab ozordi ki dan kote mazoriter.

So eski Vis-Prezidan i kapab reasir nou, poudir en tel departman, oubyen *unit* ki pe ganny kree dan Biro Prezidan, pa en fason pou servi larzan *tax payer* pour fer propagann politik lo non Biro Prezidan? Sa mon premye kestyon?

Mon dezyenm kestyon Mr Chairman, i an relasyon avek sa desizyon pou *move* depans, bann Minister anba zot vot respektif an sa ki konsern bann size *travel*.

Mon ti a kontan demann ek Vis-Prezidan lefe ki sa bann *travel* avan sa ti anba Biro Prezidan. E Biro Prezidan ki ti *maintained* serten kontrol e serten *oversight* lo sa bann *travel*, lekel ozordi ki pou annan *oversight* lo bann *travel* ki ganny fer par bann departman e bann Minister, vi ki la bann Bidze, i tonn anba zot departman pour zot?

Eski se Minister Finans ki pou port en lizye lo la, oubyen se *Cabinet office* ki pou port en lizye lo la? Akoz *travel* en Minis i annan lenpak, lo performans *Cabinet Minis*?

Mon trwazyenm kestyon Mr Chairman, i an relasyon avek *staff*. Resaman nou'n tande poudir i annan de *staff* ki'n ganny *terminate State House*. E dapre sa ki mwan mon'n ganny dir, se ki i annan *staff* in ganny *terminated* pour bann keksoz ki pa bann lofans disipliner.

So eski Vis-Prezidan i kapab dir nou, ler ou koz lo legzersis *streamlining*, eski ou kapab reasir

nou ki sa legzersis *streamlining* i napa nanryen pou fer avek politik? Me in plito en legzersis ki'n ganny fer dan bonn fwa, pour zisteman regard dan *staffing State House*?

Malerezman Mr Speaker, mon pa konvenki in ganny fer dan bonn fwa. Me mon pe demann Vis-Prezidan pour eksplik desizyon *State House* pou fer sa bann dimoun aret travay? Mersi.

### **MR SPEAKER**

*Thank you Onorab. Vis-Prezidan.*

### **THE VICE-PRESIDENT AHMED AFIF**

Mersi bokou Mr Chair. Mr Chair premye kestyon konsernan sa alokasyon R480mil, i parey mon'n dir i en alokasyon ki'n ganny fer pour nou mye kapab eksplik bokou keksoz ki Gouvernman pe fer. Nou pa dan biznes propagann. Nou pa dan biznes servi larzan Gouvernman pour fer politik atraver *State House*. Nou dan biznes enform pep Seselwa lo desizyon, Polisi ki Gouvernman Sesel i pran pou anmenn pei dan en bon direksyon.

Nou pa pou zanmen servi larzan Leta, pour nou fer okenn propagann politik. Si in arive dan lepase - kekfwa Onorab i konn pli byen - Me selman mwan mon pa, nou sertennman nou pa pe fer sa kalite travay.

Lo kote vwayaz, ki parey mon'n dir sa bann kou remet anba bann diferan Minister. Eski pou annan kontrol akoz, in al dan diferan Minister? Wi i pou annan kontrol, parske sa bann diferan Minis finalman, se zot ki pou ansarz e atraver zot *accounting officer*, zot Bidze.

E Minister Finans osi byensir pa pou pey en keksoz si i pa'n ganny bidzete. Me kontrol final, par egzanp lo bann vwayaz pour bann Minis, finalman i vin kot Prezidan. Son Bidze i pa pou pas anba Prezidan, me selman Prezidan annan *oversight* lo tou vwayaz par bann Minis e bann CEOs. So finalman i annan en kontrol.

Bann *staff* e ki mannyer nou'n, *staff* i ganny trete. *Staff* i ganny trete korekteman. I kapab annan *staff* ki'n ganny *terminated*, pour bann rezon discipliner. Latitud eksetera. I annan *streamlining* ki'n arive.

Me selman mon le fer kler poudir napa okenn desizyon, ni dan *streamlining*, ni dan aksyon ki ganny pran kont en *staff*, aksyon discipliner ki pour baze lo politik. I pa pour zanmen le ka. I pa'n zanmen le ka.

Me selman i pou baze lo produktivite, i baze lo latitud, dan travay e fason fer kot travay, pour fer sir ki tou dimoun, i azir dan en fason ki korek ki respe biro, ki respe Gouvernman ki la; ki respe piblik e ki donn en bon limaz Gouvernman. So vwala Mr Chair. Mersi.

### **MR SPEAKER**

*Thank you. Wi Onorab ou pwen klarifikasyon.*

### **HON SEBASTIEN PILLAY**

Mersi Mr Chairman. Mr Chairman mon pour return lo sa pwen, sa novo *unit* lenformasyon Gouvernman. Ler mon regard Bidze similer pour lannen 2018, mon vwar poudir ti annan sa Departman Lenformasyon ti pe entrodwir bann *information kiosk* pour zisteman fer sa.

E si mon pa tronpe se Onorab Henrie atraver ou Mr Chairman, ki ti enn ki ti enn bann dimoun ki t i koz fortman lo sa Bidze Departman Lenformasyon sa letan sete PS Denise Rose, ki ti ansarz sa departman. E sa letan Lopozisyon ti dir ki akfer ki Gouvernman i bezwen sa.

Pour kree sa bann kiosks ek sa bann Departman Lenformasyon. Sa ki pe arive la, nou pe al fer en pran en 400mil pour nou fer menm zafer. Menm zafer ki ti pou al ganny fer avan. So mon kestyion pour VP se akoz sa ki pa ti bon, yer ozordi *recently* in vin bon pour zot dan Gouvernman.?

E akoz sa sonm R400mil si sa i zis sipoze en senp *consultant* pou vwar ki mannyer Gouvernman pe fer sa? Akoz mannyer mon konpran dan sak departman Gouvernman i sipoze annan bann zofisyen Lenformasyon, ki dan zot konteks sa bann zofisyen Lenformasyon, e bann zofisyen PR, zot sipoze pe donn lenformasyon lo bann antite Gouvernman.

So akfer ki nou pe ganny en *duplication* e en depans - mon vwar sa koman en depans ki pa neseser - pou al fer en keksoz ki deza annan dimoun ki pe fer? *State House* i annan en PR, tou Minister i sipoze annan en *public relation officer* - en PRO. Akoz alors nou bezwen met sa depans? Sa i mon premye klarifikasyon.

Mon dezyenm klarifikasyon i an relasyon avek sa legzersis *streamlining*. Prenon kont ki *State House* i deside *streamlining almost* 8mwan pandan lannen. E lefe ki sa bann dimoun ki pe ganny *streamline* prezan i perdi zot trezyenm mwan. E eski *State House* pour konsidere, prenon kont sa

bann dimoun ki ou gannyen ki pou ganny *streamline* e ganny met deor ki zot bezwen *forfeit* zot trezyenm mwan, akoz i pa pou vin en *full* lannen - pou vwar ki mannyer zot kapab *deal* ek sa sityasyon, anmenn en pe *fairness*.

Akoz si ti napa konplent formel kont sa bann dimoun *initial* -. me sa bann dimoun in ganny fer arete - lo en baz lazistis, lo en baz *fairness*, akoz ki *State House* pa konsidere *reverse* zot desizyon, pour ki sa bann dimoun i *forfeit* zot trezyenm mwan saler - ki Gouvernman i fer sa bann dimoun *forfeit* zot trezyenm mwan saler. Mersi Mr Chairman.

#### **MR SPEAKER**

Mersi Onorab. Vis-Prezidan i adrese.

#### **THE VICE-PRESIDENT AHMED AFIF**

Mersi bokou Mr Chair. Mr Chair an sa ki konsern programm pou donn lenformasyon. Mon krwar sa ki nou pe fer diferan avek sa ki ti egziste, sa ki Onorab ti fer referans avek, Departman Lenformasyon oubyen bann kiosks sa letan.

Sa letan Bidze ki ti ganny propoze pour fer sa bann *kiosk*, e Bidze Departman Lenformasyon li menm ti 4milyon. La nou pe koz 480, *almost* 90poursan ou'n tire sa kou.

Nou pe rod fason pli modern, pour nou kominike. Ou pa kapab annan zero kominikasyon. Wi bann diferan departman, sakenn i annan son Bidze Kominikasyon. Me par ler i annan en kominikasyon nasyonal, ki ou bezwen fer pou eksplik en Polisi an gro, ki i konsern pei.

I pa zis en departman ki devret pe fer sa. Biro Prezidan i

annan en rol enportan pour li fer. E nou santi nou pa'n met en tel Bidze pandan sa dernyen 2an. Me selman nou krwar ler in arive pour nou komunik bokou pli byen. Nou krwar nou pe fer en kantite keksoz ki byen, ki par ler i ganny met de kote;- dimoun pa konnen, senpleman akoz nou pa pe fer ase komunikasyon ofisyel.

I pa komunikasyon parti, oubyen *LDS* sa. I komunikasyon lafason travay Gouvernman. E nou pa kapab konpar - *well* si oule konpar avek sa ki ti egziste avan - mon kapab dir ou i en fraksyon, enn pti fraksyon ek sa ki ti pe ganny propoze avan. Me selman i en travay esansyel, ki bezwen ganny fer.

An sa ki konsern *staff*, parey mon'n dir nou swiv Lalwa. Nou pa fer nanryen plis ki sa. Nou swiv Lalwa. Si Lalwa, si nou santi poudir en *staff* i pa pe perform selon lafason ki i sipoze fer, i annan aksyon ki ganny pran. E ler en *staff*, nou pran en aksyon kont li, i annan en Lalwa ki dikté *Employment Act* i dikté kwa ki *apply* pour li trezyenm mwan i tonm anba *Employment Act*.

E trezyenm mwan i dir lala bann kondisyon anba ki ou pey trezyenm mwan. Si Onorab pe dir, lo en *ground* konpasyon, nou devret konsider keksoz diferan, i en keksoz ki petet Gouvernman i kapab fer.

Selman, pa anba Lalwa Lanplwa. En keksoz diferan. Nou, nou swiv Lalwa, nou pa poudir be pour ou nou pou donn ou trezyenm mwan, pour sa lot nou pa pou donn li trezyenm mwan, kantmenm in kit avan.

Lalwa i Lalwa, i kler. E nou, nou swiv Lalwa. Sa bann zafer preferans ki nou fer, akoz Minis in dir donnen, petet ti en keksoz ki ti

egziste dan lepase. Be nou pa pou fer koumsa nou. Nou pou swiv Lalwa. Mersi bokou.

### **MR SPEAKER**

Mersi. *Point of order* Onorab – wi?

### **HON SEBASTIEN PILLAY**

Mersi Mr Chairman, mon pe regard bann Bidze presedan. E mon ti a kontan met lo rikord Lasanble, ki sa letan Departman Lenformasyon ti en departman.

E an relasyon ek sa bann *information kiosk* zanmen Bidze ti 4milyon. Sa ti Bidze sa departman an antye pour Departman Lenformasyon. *Information kiosk* ti zis en konponan dan sa Bidze. I pa ti tou sa ki sa departman i bezwen fer.

E dezyenmman Mr Chairman, mon krwar fodre nou kler la, eski Vis-Prezidan - mon ti a kontan demann atraver ou akoz sa konsernen dimoun - eski Vis-Prezidan pe dir nou poudir Gouvernman, pou konsidere dan sirkonstans kot serten dimoun in ganny met deor. E si *PSAB* i determinen, ki zot ti ganny *unlawfully* ganny met deor, oubyen zot lafason ki zot in ganny met deor pa ti korek, eski Gouvernman pe dir mwan pe konsidere bann *dues* ki sipoze ganny peye ek sa bann dimoun i ava ganny peye? Zis sa de klarifikasyon. Mersi Mr Chairman.

### **MR SPEAKER**

Mersi. Anfen lo ou premye pwen, ou'n konteste en mannyer Prezidan in met li, pa problem i ou enterpretasyon. Ok. Lo dezyenm pwen mon krwar Prezidan in deza reponn ki tousala i swiv Lalwa. Vis-Prezidan eski ou annan okenn

keksoz, pou azoute oubyen nou pou reste lo lanmenm?

### **THE VICE-PRESIDENT AHMED AFIF**

Mers i bokou Mr Chair. Mr Chair lo kote Onorab sa lenformasyon ki'n donnен lo kote Bidze Lenformasyon i korek.

Me selman e mon ti osi dir ti Bidze Departman Lenformasyon. Bann kiosk li menm ki ti ganny propoze. Ti en Bidze apar ki zot ti pe propoze ki pa ti ganny aprouve. Si mon pa tronpe, mon napa sif devan mwan, ti environ 2.5 ou R3milyon zis pou fer bann kiosk.

E sa lepok mon rapel, mon menm mon ti vwar li en pe eksesiv. Me se sa klarifikasyon ki ou pe rode. Mwan mon ti dir Departman Lenformasyon, ki annan en lot, i pa ti pe donn lenformasyon li - i ti siperviz serten lorganizasyon tel ki SBC, News Agency, NISA eksetera. Sete sa ki i ti pe fer li. I pa ti pe donn lenformasyon li, be se sa ki nou'n arete.

So i de keksoz diferan. An sa ki konsern parey ou'n dir Mr Speaker lo dezyenm, mon'n reponn nou swiv Lalwa. Si PSAB i donn en *ruling*, nou swiv *ruling* PSAB. E keksoz i ganny mars selon Lalwa e regilasyon. Mersi bokou.

### **MR SPEAKER**

Mersi Vis-Prezidan. Onorab Gill ou kestyon.

### **HON CHURCHILL GILL**

Mersi Mr Chair. Bonzour VP ek ou delegasyon. Bonzour tou Manm. VP mon le atir ou latansyon lo *strategic objectives and measures*, anba *program 3 Cabinet office table 8*. Kot i donn bann poursantaz, fason pour

amelyor efficiency avek effectiveness dan service delivery.

Lo pwen nimo 2, "percentage of ministries consistently reporting on implementation of Cabinet decisions". 2022 ti 50poursan, e 2023 i 80poursan.

Pwen nimo 3, *percentage of Policy staff in MDAs who attended training on policy development* 2022 ti 25poursan, 2023 i 50poursan. Nou tou nou konn gravite service delivery ozordi mannyer i ete.

Akoz ki pwen 2 i 80poursan, pwen 3 i pa plis ki 80poursan. E pwen 3 i zis 50poursan, dan plas petet 75-80poursan, given sityasyon service delivery mannyer i ete, ki nou tou nou'n agree ki vre i devret annan amelyorasyon lo la? Mersi.

### **MR SPEAKER**

Mersi Onorab. Vis-Prezidan?

### **THE VICE-PRESIDENT AHMED AFIF**

Mersi bokou Mr Chair. Mr Chair mon krwar mon konpran kestyon Onorab ki i pe dir lo kote service delivery, lenportans ki li osi i atase avek service delivery. Pareyman nou osi nou atase.

Me mon krwar anba 3.3 "percentage on Policy staff who attended training on policy development" *Policy development* i pa neseserman, *service delivery* li. I plito pou eksplik diferan *policy* dan bann diferan Minister ki egziste. E mon mazinen, nou baze lo travay ki'n ganny fer par bann *unit* ki *monitor*, ki sirvey bann *training*, bann program *training*, zot santi poudir i an 2023 nou a double zefor ki nou'n fer an 2022.

E answit i ava al 80poursan an 2024. Me selman wi nou dakor avek ou poudir *service delivery* i en konponan enportan dan programm. Me selman i pa *feature* antyerman dan pwen 3. Mersi bokou.

### **MR SPEAKER**

Yes, ou pwen klarifikasiyon Onorab?

### **HON CHURCHILL GILL**

Mersi Mr Speaker. Mersi VP pour ou larepons. Zis selman nou bezwen pran kont ki sa bann Polisi la ki dan sa bann Minister, se sa ki sa bann travayer Minister pe travay lo la, *basically*, ki zot pe *execute*.

So dan sa laliny ki mon pe dir, menm si Polisi, me dimoun ki pe travay, zot pe *execute* sa bann Polisi.

Alors petet ti a pli bon en pli bon poursantaz, i ganny ankouraze pour zot swiv, pour asire ki nou vvar en rezulta dan sa direksyon.

### **MR SPEAKER**

Mersi VP oule azout keksoz?

### **THE VICE-PRESIDENT AHMED AFIF**

Mersi Mr Chair. Mr Chair nou, nou pouz tou sa ki nou kapab. Kantmenm i 50, si nou kapab ariv 60, si nou kapab ariv 80, nou pou pouse. Parske parey ou, nou krwar poudir *service delivery* i en konponan enportan ki pep Seselwa i ekspekte de Gouvernman.

E otan ki nou kapab pouz dimoun pour kapab ariv bann pli o nivo, nou pou fer li. Mersi.

### **MR SPEAKER**

*Thank you, VP.* Bon avek sa nou'n pare pou pran vot lo Bidze pour *Office of the President* ki pou en

total R63milyon314mil. Manm ki aprouv sa Bidze lev lanmen silvouple? Mersi Manm ki kont?

Lo Biro pour *Office of the President* pour R63milyon314mil 18 Manm in vot pour, 0 kont e 9 Manm in *abstain*. Bidze in aprouve par Lasanble.

Mon poudir orevwar Vis-Prezidan e son delegasyon la. Me mon pe regard letan e mon pa anvi perdi tou sa lekonomi letan ki nou'n fer. So sa ki mon pou fer, letan pran poz nou pou pran en poz teknik, pour 3minit.

Mon pou demann reporter pour regarde ki sityasyon delegasyon i ete. Si zot pa ankor vini, zot pa la, mon pou demann Madanm Clerk pour verifye si zot pou kapab ariv avan 11er - koman dan 11 er mwen en kar, enn ant le de.

Swa nou a kapab pran sa 30minit ki reste nou aepre la, oubyen nou a pran *break* ziska 11er mwen en kar, e nou a repran 11er. Nou a pran poz e Madanm Clerk i a donn mwan en rapor. Mon a demann bann Manm pour reste an plas silvouple.

Mersi Vis-Prezidan e delegasyon bonn zournen bonn kontinyasyon.

*(technical break)*

### **MR SPEAKER**

Mersi Madanm Clerk in rapport ek mwan ki i kapab aranze pour *next* delegasyon la pour 10er 45. So nou a profit avek sa lekonomi nou a komans lot antite en pe pli boner ki lo programm. Mersi nou a pran poz ziska 1045.

***(BREAK)***

## **DEPARTMENT OF DEFENCE**

### **MR SPEAKER**

Byen en pe salitasyon premye Vis-Prezidan, i retourne avek nou, e nou pe konsider Bidze *Seychelles Department of Defence* e mon swet byenveni

*Brigadier Michael Rosette, Chief Defence Forces, Colonel Jean Attala Chief of Staff, Mrs Aselma Pilate Director General, Ms Nellie Coopoosamy financial controller.* Mersi zot tou pour zot partisipasyon,

Bidze *Department of Defence*, lo paz 32 ziska 37 pou en total R455milyon 238mil. Vis-Prezidan nou a ekout ou lントrodiksyon.

### **THE VICE-PRESIDENT AHMED AFIF**

Mersi bokou Mr Chairman. Bonzour ankor Mr Chairman e tou bann Manm Lasanble. Mr Chair sa Bidze, 2022, ti 343.6 koman *revised budget* 2022. E parey zot vwar pour 2023, i R455.2milyon, ki en logmantasyon R111.6milyon. ler ou konpar li avek Bidze 2022.

Sa logmantasyon malgre ki i paret gro i pour prensipalman *non-financial assets*, ki total diferans i R106milyon e an gran parti sa i pou reflekte *acquisition* en novo bato, ki pour Departman Defans ki pou resevwar an 2024, me byensir son bann peyman i pou ganny fer an 2023.

Anba *wages and salaries* Mr Speaker, Bidze in mont par R13.9milyon, prensipalman akoz trezyenm mwan ki'n ganny *allocate* an 2023, ki li pou ariv 6.7milyon; revizyon saler ki osi afekte militier ki pour 7.1milyon. E osi novo larzan pour *recruit* 30 novo solda.

Anba *goods and services* li in redwir, par 8.4milyon sorti 138 dan Bidze 2022, pour li vin R130milyon an 2023. *Wages in kind* in redwir par 1.3milyon, akoz Ladefans in donn landrwa reste, bann travayer *Sri Lankan* lo son baz, olye dan bann lakaz lwe. Alor nou'n nobou redwir sa *wages in kind*.

Bann depans pour biro, *office expenses* li in redwir par 1milyon konpare ek Bidze Revize 2022. Akoz nou'n reisir kapab - nou pe mazinen nou pou kapab redwir kou elektrisite.

Anba *travel, transportation and travel cost*, li in ogmant par 1.3milyon. E parey mon ti eksplike boner, bann Bidze pour vwayaz, bann diferan *CEO* avek Minister, zot in ganny transfer anba bann Minister respektif.

Alor pour sa i annan 1.3milyon ki li in monte, senpleman parske in ganny transfer sorti dan en lot Bidze pou vin isi. I pa vedir ki i annan plis vwayaz.

*Maintenance and repair* li in desann. Akoz *SDF* in kapab konplet travay lo reparasyon radar ek *camera*, ki ti lo programm *maintenance* avyon an 2022. E sa travay in konplete. E parey nou'n vwar, *minor capital outlays* li, in redwir par 4milyon. Akoz nou'n kapab termin sa Kontra ek avangard ki'n sorti net an 2023.

E sa Kontra li i ti annan pou fer avek *maintenance* li menm. Vwala an gro, bann gran detay sa Bidze Mr Speaker. Mersi bokou.

### **MR SPEAKER**

Mersi en moman silvouple. Ok mon annan Onorab Vidot, Andre e Aglae touzour, lezot a lev lanmen an mezir ki - . Onorab Andre i komanse.

**HON CLIFFORD ANDRE**

Mersi Mr Chair. Mr Chair mwan an referans avek Bidze, mon napa en kestyon akoz etan ki Komite Ladefans, mon ti a kontan met lo rikord ki nou'n ganny en leksplikasyon, lo sa logmantasyon ki VP fek dir nou. An referans avek en gro bato.

So parey nou'n deside, par lefe ki Komite Ladefans in ganny sa leksplikasyon, alors lezot laspe Bidze i kapab ganny diskite.

Me sa i reste en lenformasyon, pour lemoman ki ankor konfidansyel an term son depans an referans avek sa. Mersi Mr Chair.

**MR SPEAKER**

*Thank you.* Onorab Aglae ou kapab pran laparol.

**HON EGBERT AGLAE**

Mersi Mr Chair. Mon *welcome* de zofisyen militer. An sa ki konsern, programm 2, i annan sa VP ou'n sit en pe, me selman parey in dir - mon pa konnen si tou detay, ou kapab donnen vi ki annan *sensitive matters - security matters*.

Me i annan sa gran logmantasyon, ki napa nanryen pou fer avek bann *non-financial assets* sa. *Almost R38milyon*, dan programm 2, ki pou fer avek sirveyans ek *response*. Petet si zis briyevman ou ti kapab donn nou enn pti detay, ki sa logmantasyon pe *cater for* li menm?

Apre dezyenm se ki kot i konsern *fuel*. *Fuel*, mon ti a kontan petet konnen, an vi ki dan lepase in annan bokou bann mansyon kot i konsern transportasyon li menm. E osi kot i konsern maritim *ok*?

An vi ki i annan separasyon dan sa de vot, petet donn nou en

leklersisman, kot i konsern *fuel* ki ganny servi - sirtou lo later avek bann militer li menm li. Kantite transpor ki zot annan aktyelman la ki zot pe servi, an vi ki ti pe tir serten transpor. Sa donn nou en kontrandi, lo la.

E osi kot i konsern *Coast Guard* osi vi ki i annan *quite* en pti logmantasyon li osi. Petet ki mannyer zot pe zer sa? Mersi.

**MR SPEAKER**

*Thank you.* Onorab Vis-Prezidan ou a diriz ou delegasyon mannyer ou le.

**THE VICE-PRESIDENT AHMED AFIF**

Mersi bokou Mr Chairman. Mr Chairman. Premye kestyon ki konsern bann programm, avek ou permision mon ava demann petet enn nou zofisyen Ms Coopoosamy i kapab eksplike. Lo kote *fuel* osi mon mazinen i ava eksplike.

Sa trwazyenm kestyon ti lo, konsernen *Coast Guard* nou a pran li ansanm. Mersi.

**MR SPEAKER**

*Ok tre byen. Lev lanmen sa ki pou pran premye. Yes Madam go ahead.*

**FINANCIAL CONTROLLER NELLIE COOPOOSAMY**

Bonzour tou dimoun. Mersi Onorab pour ou kestyon. Konsernen programm 2 son *increase*, nou saler i sorti *85million* i mont *104milyon*. Li i annan pou fer avek *salary increase*, apre trez mwan saler ki pa ti la an 2022.

Lo kote *goods and use of services* i desann, i sorti *107milyon* i desann *100milyon*.

Pour *capital expenditure*, in monte sorti 11milyon pou vin 134milyon. Ki'n annan proze *jetty*, bato ki nou'n mansyonnen, apre sa bato ki nou'n mansyonnen. Mersi.

Lo kote *fuel*; nou *fuel* son total Bidze pou *fuel* anba depans pour transpor i 2.6milyon. Nou'n *maintained* li osi tou, an 2023 nou'n kit li 2.6milyon. I annan *several keksoz* nou pe fer, nou pe *monitor fuel*, nou aste koupon e nou donnен. Nou al donnен lo *Shell*, nou *distribute* li ek nou bann drayver.

E nou menm nou, nou annan nou bann dimoun Defans ki met *fuel* dan transpor Defans. E nou osi pe mazinen pour nou *digitalized the fuel process, also*.

Lo kote *fuel* pour *Air Force* li in reste parey 5milyon. *Fuel* pour *Coast Guard* li in monte sorti 11.5milyon pou mont 14.5 milyon.

Li in monte akoz kantite loperasyon ki pe ganny fer pour lemoman. Mon krwar mon'n reponn ou kestyion.

### **MR SPEAKER**

*Thank you.* I annan lot pwen ki ou bezwen adrese, oubyen nou'n fini la? Wi Onorab Aglae.

### **HON EGBERT AGLAE**

Ok mersi pour larepons, mon krwar ou'n kouver. An vi ki Departman Defans, ti pe fer en legzersis pour revwar zot *fleet* transpor osi, eski zot in termin sa legzersis, e osi si zot *acquire* nouveau transpor pour zot? Mersi.

### **MR SPEAKER**

*Thank you.* Onorab. Wi Madanm?

### **FINANCIAL CONTROLLER NELLIE COOPOOSAMY**

Nou ankor pe fer *the exercise*, in regards to nou transpor ki nou mazinen by the next budget nou pou'n complete li by the first quarter of next year. E nou napa nouveau transpor ki nou pe aste dan Bidze pour 2023.

### **MR SPEAKER**

*Thank you.* Onorab William.

### **HON WAVEN WILLIAM**

Mersi Mr Chairman. Mersi Vis-Prezidan avek ou lekip. Mr Chairman mon ti a kontan demann avek *panel*, mon vvar ki anba *programme expenditure SP1*, mon vvar ki an 2021 ti annan en total, R423milyon ti ganny depanse. E 2022 mon trouv 108 e la mon vvar poudir an 2023, i annan zis 2mil, 35milyon.

Mon anvi konn enn pe avek *panel*, si zot kapab dir nou enn pti pe loperasyon, pour nou kapab konpran enn pti pe bann depans, ler i annan pou fer avek dizon en sorti en bato, oubyen en avyon.

Ki kantite larzan en loperasyon, i kapab koute? Konmsi pour publik osi kapab konpran enn pti pe. *What is the cost*, letan zot pe fer en sorti an term finansyel? Mersi.

### **MR SPEAKER**

Tre byen. *Panel.* *Panel* zis sinal mwan lekel. Wi *Brigadier*.

### **CHIEF DEFENCE FORCES**

### **BRIGADIER MICHAEL ROSETTE**

Wi bonzour Mr Chair e bonzour tou bann Manm Onorab. Onorab mersi pour ou kestyion. An term bann loperasyon ki nou pe fer pour bann bato, i tou depan bann groser bato, ki nou pe servi. Son depans sakenn, i varye.

Me selman an mwayenn si nou pe vvar, bann bato model parey Topaz, *Etoile*, apepre 900mil pour 1milyon pour apepre en semenn, en semenn edmi, letan i lo lanmer. Mon annan par egzant sa enn pli gro *Saya de Malha*, li i pran en pe plis depans. Me selman, i annan plis lotonomi, pou al pli lwen.

Avyon en patrol environ 150mil pour en patrol. Apepre 4-5 erdtan patrol. E ki nou pe fer pour kapab redwir bann depans, lo bann patrol, sirtou se travay bokou avek lentelizans.

E sible bann loperasyon baze lo lentelizans, olye zis fer patrol rode. Ler ou annan lentelizans lo en aktivite ilegal ki pe pase. Alors ou sible ou patrol direkteman pour al direkteman pou fer en loperasyon.

E se sa ki nou pe vvar an travayan avek lokalman avek bann diferan partener. Avek bann partener etranze ki pe lesanz lentelizans avek nou. E nou krwar sa i pou anmenn nou pou kapab redwir en pe nou bann depans ki zis nou ale nou vire fer letour, fer patrol. Mersi.

### **MR SPEAKER**

Mersi *Brigadier*. Onorab Vidot?

### **HON AUDREY VIDOT**

Mersi Mr Chair. Mr Chair premyerman mon le zis asir *Brigadier*, ki nou lo sa kote nou pou donn sipor zot Bidze. Menm si nou pou annan kestyton. Me nou annan en gran respe pour travay ki zot pe fer, pour proteksyon pei ek nou bann sitwayen.

Mon kestyton ki mon annan se lo *current challenges*, mon pa pe vvar ki zot, zot pa'n met nanryen konsernen group *brass band*, akoz

nou konnen letan Komite Ladefans nou ti vizit sa group. Nou'n santi ti annan serten konsern, pour nou kapab donn zot sa lankourazman e ankouraz lezot nouvo pour zwenn. E dan stratezi osi, mon pa pe vvar.

E Minis dan son prezantasyon i ti tous en pe lo konsernan bann *Scheme*. E nou le konnen si pour *brass band* i pou annan, i pou ganny afekte. mon konnen ti annan travay, ki zot ti'n komans fer e ki zot kapab asir nou bann zenn ki ti a voudre zwenn lafors byensir.

E ki *package* zot pe fer pour sa group dimoun? Mersi.

### **MR SPEAKER**

*Thank you.* Onorab.

### **CHIEF DEFENCE FORCES**

#### **BRIGADIER MICHAEL ROSETTE**

Mersi Onorab pour ou kestyton. Pour konsernan *brass band* i annan travay ki nou pe fer lo la apre zot vizit. *In fact* nou'n annan serten diskisyon entern pou vvar ki mannyer nou kapab fer *brass band* bouz lo en lot nivo.

An term lekipman mon a les avek *FC* apre pou donn en pe plis detay. Me nou deza pe dan prosedir pe rod nou en pe lekipman an plis. Nou annan bann zenn ki anba nou programm *cadet* ki deza pe travay pe ganny antrennen pour zwenn *brass band*.

I annan detrwa ki ariv laz ki'n zwenn resaman. E nou pour kontinyen travay ankor lannen prosenn pour fer *brass band* bouz sa lot nivo.

E an term zot *Scheme of Service* osi, nou dan *process* pe revwar lo la. Mon ava petet pas avek mon *FC* Ms Coopoosamy ki kapab

donn enn pti pe plis detay lo la ki nou pe fer. Mersi.

**MR SPEAKER**

Mersi. Wi Madanm?

**FINANCIAL CONTROLLER**  
**NELLIE COOPOOSAMY**

Mersi Onorab. Lo kote *brass band* lekipman, nou pe rod en pe lekipman, ki mank zot la an 2022. Lo kote *Scheme* ler nou ti fer Bidze ti napa okenn antite Gouvernman ki ti pe ganny *Scheme*.

Me selman nou pe travay lo en keksoz. Dizon ler *Scheme* i aranze pour nou kapab aranz pour *brass band* osi.

(Off-Mic)

**FINANCIAL CONTROLLER**  
**NELLIE COOPOOSAMY**

Non, i pa dan Bidze la.

**MR SPEAKER**

Byen. Mersi. Ok nou'n fini reponn. Onorab Sandy Arissol, ou kestyion.

**HON SANDY ARISSOL**

Mersi Mr Chair. Bonzour VP ankor enn fwa avek delegasyon. Mon pe retourn lo pwen ki Onorab Vidot in koz lo la. Parske dan Bidze napa nanryen pour *brass band*. Kantmenm Ms Coopoosamy pe dir ek nou i pa dan Bidze lannen prosen, i en keksoz ki'n la pour plizyer lannen sa.

*Brass band* in ganny met ater li;- *brass band* i zis ganny servi pour parad. Sak fwa nou koz lo *brass band* zot dir ek nou i pa dan sa Bidze sa lannen, i pa dan Bidze lannen prosen. Nou pa konnen kan.

*Brass band* bann manrmay zot napa en *Scheme of Service*. I annan zot ki'n al lekol la, i ankor pe

esper zot logmantasyon, zot pa kapab gannyen, akoz zot pa konnen anba ki zo t tonbe. Zot napa lekipman apropriye.

Zot pe zwe avek bann vye lenstriman, ki'n la pandan en bann lannen. Zot napa en landrwa pour zot *store* zot lekipman. Zot napa en landrwa pour zot konn enn pti group *bass band*.

Dernyen fwa zot ti ganny en vizit se 1993. *Brass band* letan nou annan nou parad, zot zwe akonpannyen par bann Endyen, be zanmen zot ganny en sans pour al zwe en kou dan pei Endyen zot osi. Les zot al zwe en kou dan pei Endyen!

Konmsi *brass band* nou vvar zot. Me selman personn, pa pe *take care* avek zot, zot napa en paren ki responsab zot. Dan Bidze mon pe rode menm, napa en alokasyon, napa en landrwa ki mansyonnen *brass band*!

E zot liniform i en problem, e mon krwar i en *issue* ki nou bezwen *tackle* koman Vis-Prezidan i la avek Mr Rosette ansanm ek Finans pour nou rode ki manyer nou asiste *brass band*.

Akoz souvandfwa zis zot la. Ler zot fini fer zot sa, apre zot disparet lo map nou pa vvar zot ankor. Mwan mon pe fer en *plea*, koman en Manm Komite Defans ki ti al vizit sa group dimoun, nou pou bezwen fer keksoz pour *brass band*. Mersi bokou.

**(APPLAUSE)**

**MR SPEAKER**

*Thank you. Panel* lekel ki pou adrese VP, in pare. Wi?

**THE VICE-PRESIDENT AHMED AFIF**

Mersi Mr Chair. Mersi Onorab. Mon krwar konsern in eksprimen ase for, tou le de kote. E mwan osi mwan, mon siport zot nide ki nou devret donn plis latansyon *brass band*. E dan sa bann prosenn, sa sertennman sa lannen ki vini, nou pour rod fason ki *brass band* i trouv son plas enportan dan *SDF*.

E ki bann Manm ki dan *brass band*, zot a santi zot ase byen ekipe, pour zot delivre sa travay ki zot pe fer. So Onorab nou take *onboard* sa pwen e nou a fer le neseser. Mersi.

### **MR SPEAKER**

*Thank you. VP. Onorab Lemiel.*

### **HON SYLVANNE LEMIEL**

Mersi Mr Chair. Bonzour VP avek ou novo delegasyon. Mon kestyon i konsern zot pwen stratezik nimero 2, kot zot in dir zot le *strengthen internal capacity* kot *SDF*. So an menm tan ou'n mansyonnen ki i sipoze annan en *recruitment*.

Mon ti pe regarde avek *SDF*, apard sa *recruitment* ki zot pe mazin fer, eski Bidze 2023 i annan okenn keksoz ladan, ki pou ed zot ankor plis, pour zot *strengthen* zot bann kapasite e pour zot kapab delivre pli byen posib zot *mandate* ki zot annan pour zot delivre a pei e a Seselwa? Mersi.

### **MR SPEAKER**

*Thank you. Onorab panel. Brigadier pour reponn?*

### **CHIEF DEFENCE FORCES BRIGADIER MICHAEL ROSETTE**

Wi mersi Mr Chair. E mersi Onorab pour ou kestyon. E petet si ou pas byen dan Bidze ou pou vvar, enn bann keksoz fondamantal ki nou pou fer pour *increase* nou kapasite, se annan en stasyon Praslin.

E nou pou annan *recruitment* pour 15 dimoun. Savedir nou pou tir en pe dimoun ki nou pou fer deplas Praslin an Zanvye. Ler Port authority i *vacate* sa vye lasose nou, nou pou pran kontrol sa vye lasose enkli son bilding.

Kot nou pou annan en stasyon avek bato pour re pozisyonnen Praslin, ki pour kouver bann zil Praslin, La Digue, Mahé, Felicite, bann zil zalantour. Si i annan en *response* pou fer dan sa rezyon i pour bokou pli vit, ki parey avan nou ti pe sorti Mahé pou al Praslin.

E Praslin osi, nou *process* pour nou stasyon radar, de stasyon radar e i dan *process* pe ganny konstrir la an se moman. Enn Pointe Cabris, enn Zimbabwe. Konstriksyon i *ongoing right now* pour nou met son *base*. E nou ekspekte lannen prosenn, sa de radar osi pou dan sa rezyon, i ava kouver e donn siper sa tim ki pou Praslin, pour travay.

E parey ou'n vvar sa lannen nou'n ganny nou, en novo bato, *Saya de Malha*.

E li en bato avek en kantite lotonomi, i kapab al pli lwen. E nou deza pe servi la pour koman en bato ogzilyer si oule, nou pou servi li pou *refuel* oubyen pour *replenish* nou bann stasyon lo bann Zil Elwanye.

Nou'n servi resaman asiste SFA pou anmans bann *fad* lo zil, ki'n tonbe lo bann brizan. E la resaman nou'n fer, nou pe fer en *fisheries patrol* avek SFA lo la.

E i en bato ki annan en ta kapasite, pour nou al pli lwen, pour nou fer sa. E nou pour servi li *maximum* lannen prosen, pour fer bokou plis patrol e pe pli lwen, menm enn pti pe dan *border* nou

rezerv, menm si i posib an deor, si i neseser pour nou ale.

Sa enn pti pe nou plan pour lannen prosenn, pour ogmant nou kapasite, fer nou vin pli efektiv dan bann loperasyon. Mersi.

### **MR SPEAKER**

Mersi Brigadye. Onorab Woodcock?

### **HON WAVEL WOODCOCK**

Mersi Mr Speaker. Bonzour Mr Speaker, Brigadye. Tou Manm e tou dimoun a lekout. Annefe mon kestyon in ganny reponn en pe, Lemiel in *preempt* mon kestyon regardan sa baz *Coast Guard* ki pou baze kot *currently Inter Island Ferry* i baze.

Mon kestyon i ler mon pe get anba *PSIP* pour *Department of Defence*, pour bann proze kapital, mon pe vwar en alokasyon bidzeter. Zis mon ti anvi konnen akoz sa lasose i annan serten travay lo la. Mon pa konnen si zot ki pe al antreprann sa bann travay ouswa si Lotorite Por. Definitivman i pou *incur an additional cost*.

Apere konbyen zot pe prezimen pour koute, lo baz bann solda laba? E petet mon mazinen i pou bezwen serten *travay* ki zot pou fer pour *obviously*, pour zot travay ki zot annan apre zot bato baze laba.

Konmsi enn pti pe donn nou en pe nide, konbyen environ zot anvizaze zot pou depanse pour - *I don't know pour refurbish* sa landrwa, ouswa pour zot kapab enstale laba, pour sirtou kontinyen sa lalit ki zot pe fer kont drog? Mersi.

### **MR SPEAKER**

*Thank you. Panel? Brigadier ou adrese?*

### **CHIEF DEFENCE FORCES** **BRIGADIER MICHAEL ROSETTE**

Mersi Mr Chair e mersi Onorab pour ou kestyon. An sa ki konsern pour Praslin nou deza pou travay avek *SIA* lo reanmenazman sa biling, apre bann lezot fasilite, ki pou annan pour nou aranze par egzanp met en baro pour bann kontrol.

Nou napa en kout total la akoz *SIA* i ankor pe travay lo la. Me selman pour bouz laba, i pa pou anpes nou bouze, ler Por i sorti swa Desanm oubyen Zanyye.

Nou pou annan ase fasilite pour nou kapab komanse. Me ler nou laba sa bann travay, i a ganny fer firamezir. E de ki *SIA* i kapab determin en kou egzakt, nou kapab partaz sa kou avek zot. Mersi

### **MR SPEAKER**

*Thank you Onorab Gabriel?*

### **HON CONRAD GABRIEL**

Mersi Mr Chair. *Welcome VP* ek ou delegasyon. Mon dir *welcome* tou dimoun a lekout. Minis i annan en bon logmantasyon dan zot Bidze, pre R100milyon pour 2023.

Mon'n note ki Bidze pou *Maritime Operation and Surveillance* pe ganny ogmante. *VP* nou ti abitye vwar bann joint *military exercise* avek bann lezot pei etranze. E sa ti ede pour amelyor nou kapasite defans lo lanmer par egzanp.

Eski nou pou kontinyen ek sa bann travay, oubyen pou annan en poz lo la?

Dezyenmman, *Coast Guard* in fer bokou larestasyon lo lanmer, eski sa bann solda ki ganny deplwaye, pour sa bann loperasyon, eski zot ganny okenn rekonpans pour zot travay ki zot fer? Mersi.

**MR SPEAKER**

Mersi Onorab. Tre byen *Colonel Atalla.*

**CHIEF OF STAFF COLONEL JEAN ATTALA**

Onorab mersi pour kestyon. Lo kote bann ou'n koz lo bann legzersis, nou annan plizyer legzersis ki nou fer avek nou bann partner etranze, lo en nivo rezyonal osi internasyonal.

E sa pour definitivman kontinyen akoz i annan bann legzersis ki programmen ki nou fer anyelman parey *Cutlass Express*, ki avek bann Ameriken avek lezot partner. E sa pour pran plas lannen prosenn. I annan osi bann legzersis avek parey bann Franse, La *Reunion* e i osi i *ongoing*.

Tou sa bann legzersis ki nou ti pe programmen, i *still* pe pran plas. E sa i ed nou, pour nou kapab konpran ki mannyer nou bann lezot partner i travay, akimil bann nouvo konesans dan bann diferan kalite mannyer fer loperasyon.

Ou kapab konpran poudir dan medya ou pou tande poudir, plizyer lafors etranze, pe fer preske menm zafer ki nou pe fer. Zot pe rankontre sirtou bann dimoun ki pe trafik bann dan narkotik. E sa bann leksperyans ki zot *translate* avek nou, i ed nou en kantite.

E *SDF* pou kontinyen angaz nou dan diferan sa bann kalite legzersis dan lefitir ankor. Nou asir ou ki sa pour kontinyen. E nou bann finansman ki nou'n mete, i ed nou osi pour nou kapab kontinyen partisipe dan sa bann loperasyon ek sa bann legzersis.

Pour ou lot kestyon Onorab lo kote si bann solda i ganny rekonzanse ekstra? Nou napa en provizyon pour nou donn okenn

rekonzans bann dimoun ki partisipe. E mon krwar petet. Mon pa tro krwar si i en bon zafer, poudir nou met en *Scheme* kot nou rekonzans dimoun ler i fer serten louvraz. Petet i ava anmenn petet bann lezot kalite devlopman apre dan lefitir.

Me zot sa ki zot gannyen mon krwar dapre nou larzan ki nou'n bidzete i ase pour fer sir zot kapab rann sa bann servis ki zot donnent. E toultan *SDF* i fer sir ki ler nou konplet en loperasyon ki *successful*, nou fer bann dimoun konnen. E nou rekonnent zot pour zot bann devouman ek zot bann travay, ki zot fer, ki byen ganny fer.

**MR SPEAKER**

Mersi. *Brigadier* pour azoute.

**CHIEF DEFENCE FORCES BRIGADIER MICHAEL ROSETTE**

Mersi Mr Chair. Mon le zis azoute, petet bann loperasyon ki nou fer avek sikse, si i annan petet serten solda ki'n fer bann akt ki an deor enn pti normal, nou donn zot en meday, parey koumsa. Nou fer zot fyer zot annan sa meday an plis ki zot gannyen, oubyen nou donn zot en sertifika ki rekonnent zot lo la.

Me an term monneter, zot deza pe ganny kouver. Pa zis zot saler, me bann alawenns ler zot lo lanmer zot ganny serten alawenns an plis ki kouver zot pou bann aktivite ki zot fer lo lanmer. Mersi.

**MR SPEAKER**

Thank you, *Brigadier*. Onorab Roucou.

**HON MICHEL ROUCOU**

Mersi Mr Chair. Bonzour VP, *Brigadier* ek lekip. *Brigadier* si ou kapab dir nou, ant *regarding*

*uniform.* Mon konnen poudir dan lepase ti annan enn pti pe konsern *regarding uniform* pour bann solda, espesyalman si sa in kapab rezourd?

E osi ler mon pe get lo zot latab, mon vvar diferan *unit*, sakenn i ganny son Bidze pour *uniform*. Si zot fer li par *unit* oubyen si zot fer li an zeneral, militer?

E osi nou vvar poudir se ki ler i ariv lo kote liniform mon pa konn landrwa ki zot pe koud *uniform* be solman souvandfwa i annan sa konsern kot bann solda zot menm zot, zot bezwen al re rod bann lezot landrwa ankor pou al fer bann serten pti *touch up* avek *uniform*. Mersi.

#### **MR SPEAKER**

Mersi. *Brigadier.*

#### **CHIEF DEFENCE FORCES** **BRIGADIER MICHAEL ROSETTE**

Mersi Mr chair e mersi Onorab pour ou kestyion. An sa ki konsern liniform sa lannen, nou'n fini fer en travay odit lo tou bann liniform ki ganny mete.

E parey ou konnen nou'n sanz non lafors pou vin *SDF*. I annan serten bann pti akseswar ki nou met lo nou liniform, ki pe ganny sanze. Sa i dan *process* nou pe fer la. E nou bezwen fer en travay prezan pour sak dimoun pou get zot liniform, kalite liniform ki zot bezwen e asire ki zot annan *at least* de set ganny donnen par lannen pour zot servi.

I en *ongoing* travay ki nou pe fer. E i annan serten limite, ki pe servi en kalite liniform ki spesifik a zot limite. Par egzanp *Air Force* i annan en konbat *dress* ki zis pour *Air Force* pe servi. Nou donn zot sa lotonomi pour zot kapab rod zot

konbat, *order* pour zot menm, se sa ki nou donn zot sa larzan direkteman anba zot.

E *Coast Guard* osi par egzanp i annan son liniform blan, ki li osi i annan en pe larzan i rod zis sa bann liniform lo la. I annan bann serten liniform ki santralize, ki zeneral sa nou santraliz li lo la. E mon asir ou ki liniform nou lo en bon semen, nou pe - sa lannen nou'n nobou *tackle* en bon pe, sa problem liniform.

E la i reste zis pour asire. I pa zis nou, me i sa solda li menm i son responsabilite pour asire ki son liniform i annord, tou son bann akseswar i byen lo li. I pa kapab esper zis Lotorite anler bann zofisyé pour pase, pou vvar. I son responsabilite osi pour asire ki son liniform i annord. Mersi.

#### **MR SPEAKER**

Mersi *Brigadier.* Onorab Pillay kestyion?

#### **HON SEBASTIEN PILLAY**

Mersi Mr Chairman. E bonzour *Brigadier* avek *Colonel Attala*. Premyerman felisitasyon pour ou lapwentman. E mon le swet tou solda ki pe swiv, tou bann zofisyé Lafors Defans ki pe swiv nou, nou lenteraksyon lo Staz Komite ozordi e tre bon lazournen.

E parey toulstan, nou nou'n deza fer lo sa kote latab nou a reaffirm nou sipor pour zot - ozordi i pa pou en lenspeksyon. Me mon kontan pou vvar ki Gouvernman *LDS* in sanz son lapros lo kote ferm Larme. Ozordi i fermeman byen kontan son Larme.

Mr Chairman mon ti a kontan ganny detrwa klarifikasiyon lo serten size dan Bidze. Ki petet *Brigadier* ouswa Vis-Prezidan dan

son kapasite ki pe re prezant Minis pour Ladefans, i kapab reponn nou.

Premyerman i annan sa size konsonmasyon *fuel* par bann bato ki ti anmenn en Bidze Siplementer sa lannen. Eski Vis-Prezidan i kapab dir nou ki bann mezir ki pe ganny pran, pour *deal* avek sa sityasyon, konsonmasyon *fuel*?

E eski larzan ki'n ganny mete pou *fuel* dan Bidze safwasi, in pran an konsiderasyon sa logmantasyon ki ti vin atraver sa Bidze Siplementer, ki nou ti gannyen resaman pandan milye lannen, lo *Mid-year Review*?

Mon dezyenm kestyion, Mr Chairman i an relasyon avek serten prononsman ki'n ganny fer lo bann *Scheme of Service*. Mon'n tann koz lo *Scheme of Service Brass BAND*. E mon apresye tann Onorab Arissol in koz en pe for lo sa *brass band*.

Mon ti a kontan demann avek zofisyen Minister Finans ki la aprezan Mr Chairman, an vi ki sa i Bidze Ladefans, eski i pou annan serten antite an relasyon avek serten *Schemes of Service* ki pa ankor ganny revwar, ki Minister Finans pour konsider fer sa revi en pe pli vit, ki pour lezot - prenon kont kondisyon travay ki sa bann dimoun i ladan? Oubyen mezir ki sa departman oubyen antite i le pran - dan sa konteks Departman Ladefans an relasyon ek bann dimoun ki dan *brass band*?

Mon trwazyenm kestyion Mr Chairman e sa mon pou aret la, pour sa trwazyenm kestyion;- Mr Chairman mon vvar poudir Bidze Ladefans in ogmant signifikaman e nou'n ganny dir poudir i annan serten akizisyon serten bato.

Mwan personnelman mon konsider sa koman en size sekirite nasyonal, so mon pa pou al an

detay lo akizisyon en bato par Ladefans.

Me sa ki mon ti a kontan demande, eski pou annan en *modus operandi* lo lafason ki bann resours Lafors Defans i ganny servi, sirtou pour bann vizit ofisyel ki L'Egzekitiv i fer pandan lannen, pour asire ki napa en - si oule mon pa le servi sa term labi - me napa en *overuse* bann resours militer pour bann aktivite, ki *State House* i le fer? Mersi Mr Chairman.

#### **MR SPEAKER**

Mersi Onorab. *Panel? VP?*

#### **THE VICE-PRESIDENT AHMED AFIF**

Mr Chair avek ou permisyon mon a permet Ms Cooposamy, pour adres bann kestyion ki konsern *fuel*. E mon mazinen, Minister Finans i kapab fer son komanter lo *brass band* e *Scheme of Service*.

An sa ki konsern *modus operandi* pour bann vizit ofisyel par Prezidan mon krwar *Coast Guard e Seychelles Defence Forces*, zeneralman zot annan en lobligasyon pour protez L'Egzekitiv sirtou Prezidan, Vis-Prezidan oubyen bann Minis ki deplase.

Personn pa deplas akoz zis in anvi deplase. Zot deplase dan zot kapasite e dan zot fonksyon ofisyel. Personn pa *enjoy*, demann en bato *Coast Guard* pou deplase, si nou pe al gete ki mannyer pe aranz lasose Praslin.

Si nou anvi al gete ki mannyer pe aranz lasose La Digue. Si nou an anvi la gete ki nivo devlopman pe arrive lo Lopital La Digue. Nou bezwen deplase. E i form parti zot responsabilite, lo en Bidze ki'n ganny aprouve par sa Lasanble, pou ofer sa proteksyon

pour Prezidan e son delegasyon ler zot al sa bann.

Mon krwar tou sa bann vizit ki'n ganny fer, nou'n osi transparan ki nou'n kapab, napa okenn labi dan sa. Annefe Onorab otan ki nou kapab nou esey minimiz depans pour *Coast Guard*.

Par egzanp si i annan en fason kot nou kapab deplas laplipar dimoun dan par ler, lo avyon nou fer li e *Coast Guard* a donn sa sekirite dizon lo Praslin La Digue.

Me selman nou rod tou fason, e *CDF* li se zot ki pou swazir groser bato. Me toulstan zot fer li dan en fason kot atraver zot loperasyon zot minimiz sa kou depans, deplasman ki annan.

Par ler bann deplasman i kout pli ser, parske i *involve* bann Zil Elwanye, enn pti pe pli - i kout plis me selman sa i pa ariv toulezour.

So mon kapab asir ou Onorab ki lo kote, loperasyon nou, nou fer sir ki *Coast Guard* i annan resours, resours in ganny aprouve, e napa labi dan sa prosesis. Mersi Mr Chair.

### **MR SPEAKER**

*Thank you.* Nou aprezan pas kot financial controller.

### **FINANCIAL CONTROLLER** **NELLIE COOPOOSAMY**

Mersi Onorab pour ou kestyon, lo kote *fuel* nou *Revise budget 2022*, pe montre *additional funds* ki osi tou reflekte dan nou *2023 figures*. So *revised 2022* ti 14.8, la 14.5milyon. Mersi.

### **MR SPEAKER**

*Thank you.* Ms Tamatave your turn.

### **COMPTROLLER GENERAL** **ASTRIDE TAMATAVE**

Mersi Mr Chair. Mr Chair revizyon saler Gouvernman in ganny fer par an de faz. Petet zis pou met en pa keksoz dan perspektiv. Premye faz ki'n ganny anonse ki pou ganny enplimante dan Bidze 2023, se sa konsolidasyon saler pour sa 5 *allowances* e kot travayer sekter publik i ganny sa logmantasyon 10poursan e apre i ganny *map to the grid*.

Dezyenm legzersis ki pou ganny fer an 2023, se pour revwar tou bann *Scheme* ki an egzistans konmela. So si letan sa legzersis pe ganny fer, sa Komite ki pou pe fer sa legzersis, i vvar ki i annan serten *cadre* ki bezwen ganny *realign*, e si i annan en logmantasyon saler ki pou ganny donnen, sa i ava form parti sa legzersis.

Me selman a sa moman mon pa kapab dir egzakteman *what would be the outcome of* sa legzersis. Nou bezwen les sa legzersis pas dan sa prosedir, letan nou pe fer dan sa dezyenm konponan kot parey in ganny dir, pou revwar tou sa bann *Scheme of Service*, pour gete dan ki nouvo kad saler pour bouze. Mersi Mr Chair.

### **MR SPEAKER**

Wi Onorab Pillay?

### **HON SEBASTIEN PILLAY**

Mersi Mr Chairman. Mr Chairman mon le premyerman remersi Ms Tamatave ki'n donn mwan en larepons Kontroler Zeneral, ki mon le asire ki nou finans pei i dan bon lanmen.

Me selman Mr Chair Polisi pa pour Kontroler Zeneral ki pou deside, Polisi se Gouvernman ki pou deside. So alors i ava en pwen

pour Vis-Prezidan, pou *take onboard*. Mon osi remersi Vis-Prezidan pour son *commitment* ki pour napa labi lo bann resours Leta.

Mon'n note koman en Manm ansyen, koman en Manm sizyenm Lasanble ki mannyer Vis-Prezidan li menm, ti kritik ladministrasyon avan dan servi resours Leta, pou fer sa bann tel vizit. Mon vwar ki la byen alez avek.

So mon krwar i tre byen pour nou not sa koman publik Sesselwa.

Me lo sa pwen *fuel*, mon le retourn lo sa pwen *fuel* e petet *Brigadier* i kapab ed nou. Enn bann rezon ki nou ti gannyen *regarding* sa logmantasyon lo *fuel*, se ki ler bato i lo *shore* - i pa lo patrol i lo *shore*, zot bezwen servi son masin pour kit son bann sistem an mars. E la zot bezwen bril sa kantite *fuel*.

So kestyon ki mon pe demande avek akizisyon en lot bato, ki probableman li oi i pou bezwen lo *docking*, o moman ki pa pe fer patrol, ki probableman li osi pour bezwen pe met son masin *on*, pour *utiliz fuel*, eski sa pour en ka kot zot pour bezwen ankor responsabilite adisyonnell pour *fuel*?

Akoz rezon mon pe demann sa kestyon Mr Chairman, i akoz, koman Chairman FPAC, enn bann size ki nou'n diskite pandan plizyer lannen e Vis-Prezidan ler i ti Vis-Chairman FPAC, i a rapel byen, sete litilizasyon *fuel* par *Defence Forces*. So, eski nou kapab ganny klarifikasiyon lo ki bann mezir zot pe pran pour *mitigate* sa?

E mon petet en dernyen pwen Mr Chairman, mon'n vwar a plizyer repriz bann zofisye, bann personnel Lafors Defans partisip dan bann loperasyon. Me osi bann

loperasyon softaz e dan bann loperasyon avek Lapolis, an sa ki konsern sekirite pei.

Mon zis swete ki a tou moman ki nou servi bann personnel militer, nou realize ki mannyer nou pe servi zot e lenportans ki zot annan pour defans nou pei. E non pa pour ganny servi pour entimid nou popilasyon. Mersi Mr Chairman.

### **MR SPEAKER**

Mersi. Wi nou a kapab adres sa de dernyen pwen *fuel* apre servi ... *Brigadier* ou a komanse?

### **CHIEF DEFENCE FORCES BRIGADIER MICHAEL ROSETTE**

Mersi Mr Chair e mersi Onorab pour klarifikasiyon lo sa kestyon. Mon krwar petet i annan en malantandi lo sa kestyon *fuel* - lo la. *Shore power* pour bato se kouran elektrisite e se sa nou ti demann 2milyon an plis, pour elektrisite. Akoz *shore power* pe pran lo koneksyon elektrisite.

An sa konsern *fuel*, se sa lannen an term loperasyon. Nou'n annan plis loperasyon sible par bann target. Mon krwar zot in vwar kantite bato ilegal lapes, bann dav Iranyen ki nou'n anmennen.

E bann lezot loperasyon ki nou'n fer, li ki'n bril plis *fuel*. Se sa ki'n fer nou demann sa 3milyon. Nou'n ganny sa 3milyon an plis pour *fuel* pour sa. Sa de i separe. *Shore power* pour kouran, *fuel* an plis ti pour loperasyon lo lanmer.

An term loperasyon avek Lapolis, mon krwar petet Lapolis ti kapab i pa la pour reponn serten kestyon. Sak fwa in annan serten loperasyon, ki zot in vwar petet ti annan nesesite pou demann ranfor nou'n ale, nou'n sey asiste zot.

Me nou pa annan okenn nide pour fer okenn entimidasyon, me plito pour protez popilasyon; partisip dan bann loperasyon pli sible, pour asire ki nou pei i anpe e napa okenn dezord dan pei. Mersi.

### **MR SPEAKER**

*Thank you.* Onorab Henrie.

### **HON GERVAIS HENRIE**

Mersi Mr Chair. Bonzour tou dimoun. Mr Chair mon apresye travay ki *SDF* pe fer e sirtou fason ki zot pe pran en nouveau lelan dan regard piblik. E mon krwar i nou Manifesto letan nou ti pibliye paz 17 ti dir ki nou pou re-aliny rol e responsabilite sak bann *unit*. Me non pa pour ferm Larme. Si dimoun ti'n lir nou Manifesto pa ti poudir bann keksoz koumsa dan Lasanble.

Kestyon mon anvi poze Mr Chair, premyerman i lo lide pour met en baz lo Praslin. Mon anvi konnen ki kalite lenpak pozitiv, sa pou annan lo zot Bidze, sirtou a lonterm.

E petet osi ki mannyer sa - annou apel li sa *pilot project* - i kapab lenfliyans bann lezot desizyon en pe parey a lavenir? Premye kestyon.

Dezyenm kestyon ki mon ti ava kontan petet *VP* i reponn pour donn nou en lide en pe pli zeneral, se ki i annan sa lobzektif *SDF*, pour redwir lakantite e kalite aktivite ilegal dan nou teritwar.

Larme pa pou kapab fer sa travay li tousel. Pour la senp ki sa bann problem i koze par bann pei pour nou. Alor mon anvi repons *VP* i reponn sa, konmsi ki kalite travay ki nou kapab, ouswa nou merit pe mazin fer, pour travay avek sa bann zil vwazen?

E la mon pe mazin sekter *Foreign Affairs*, Lapes akoz zot, zot en pe pli pov ki nou alor *cross border*, zot vin fer bann keksoz zot pa devret fer dan nou lanmer.

So ki mannyer nou kapab travay avek zot - e la sirtou mon pe al koz lo la akoz i annan demars pour relans Lasosyasyon Parlmanter Losean Endyen, ki mon krwar, sa osi i en topik ki nou bezwen koz avek nou bann zil vwazen, pour ki alor zot redwir lannwi ki zot donn nou? Mersi.

### **MR SPEAKER**

*Thank you.* Onorab. *VP* i a komanse? Tre byen.

### **THE VICE-PRESIDENT AHMED AFIF**

Mersi bokou Mr Chair. Mr Chair mersi Onorab pour ou kestyon. E travay ki *SDF* pe fer sirtou vizavi bann aktivite ilegal e ki mannyer nou kapab annan meyer kolaborasyon ek bann zil.

Parey ou konnen nou losean i *vast*, e nou baliz avek *Madagascar*, *Maurice* lo en kote *Comores* apre lo kote was Lafrik;- nou pe ganny *Mozambique* e *Kenya* sirtou, ki nou baliz avek. E *Tanzania* byensir. Nou annan en travay ki nou fer, koman ne Gouvernman, kot atraver Minister Zafer Etranzer, nou partaz bokou bann konsern ki nou annan, konsernan aktivite ilegal sirtou.

Ilegal ou pe ganny pwason ki pe ganny, zot pe lapes ilegal. Me osi i annan bann aktivite drog, ki pe sirkil dan larezyon. E i annan en travay ki ganny fer lo en nivo Zafer Etranzer, me osi lo en nivo militer, kot bann lafors militer atraver bann lazans tel ki *RCOC* ki egziste, ki son sant i isi Sesel. Kot zot koz avek lezot pei. Par egzanp *Maurice*

*Madagascar*, kot zot kapab partaz lenformasyon lo bann loperasyon rezyonal ki zot, zot pe fer ki nou, nou kapab zwe nou bout nou osi.

Lo en lot nivo ou annan kot *SDF* ek *Coast Guard* e *NISCC* kot zot osi zot, zot kapab servi lentelizans ki zot annan, demann lasistans pour bann loperasyon ki konsern Sesel li menm. Kot nou, nou kapab entervenir.

Nou krwar sa korperasyon i tre enportan pour nou, parske san ganny lenformasyon ki nou servi pou ganny lentelizans lo ki pe arive otour nou. I pou difisil pour nou fer bann entervansyon, avek sa nivo sikse ki nou'n annan resaman.

E sa in vin vreman atraver travay ki *Coast Guard* i fer, travay ki Lentelizans i fer, Lapolis i fer, avek bann lezot Lazans dan larezyon kot nou kapab idantifye dan en fas on tre efikas, olye zis anvoy en bato pour al patrole pour rod en dimoun.

Nou servi tou lezot resours ki annan pour konn egzakteman lekel ki pe trafike. Kote zot ete, keler ou kapab ganny zot. E sa la kot bann lafors zot zwenn ansanm avek Lapolis ek militer ek lezot Lazans deor pour zot kapab konnen kan pour ale. E ki lekipman ki zot pour servi. Pour ki zot kapab aret sa operasyon, oubyen redwir sa loperasyon.

Nou'n fer sa ase byen, e mon profite poudir mersi tou bann lezot Lazans ki'n travay ansanm avek *SDF* pou fer sa arive. E nou pou kontinyen fer li. A lavenir nou pou kontinyen sa loperasyon avek lezot pei. Parske se sel fason ki nou kapab met sa sityasyon drog e bann lezot aktivite ilegal anba kontrol isi Sesel.

E nou pe fer en travay ki mon krwar i formidab. E avek sa led ki *Coast Guard* pe donnen sirtou ek *SDF* mon krwar zot in fer bokou progre pandan sa bann lannen. Mersi. Mon mazinen *Brigadier* i kapab koz lo baz ... *Colonel Attala* a koz lo baz Praslin. Mersi.

#### **MR SPEAKER**

Ok wi nou a pas a gos. *Colonel Attala*.

#### **CHIEF OF STAFF COLONEL JEAN ATTALA**

Mr Chair Onorab. Mersi pour ou kestyion. E i zisteman sa ki ou'n koz lo la. I dan nou plan e toultan mon krwar en kantite dimoun in koz lo la.

Menm zot isi dan Lasable, pour nou *move away from* annan zis en baz Mahé, akoz parey nou konnen nou dir Sesel i annan en gran teritwar maritim e bann zil i eparpiye partou. E nou bann *threats* i sorti lo lanmer, prensipalman.

E nou pa pou kapab annan en baz santralize Mahé ekspekte ki nou kapab *conquer* tou sa bann aktivite ilegal e bann menas ki annan pour nou pei.

E alor annan en baz premyerman en *outpost* Praslin, i enn dan bann komansman. Nou konnen poudir nou annan plan osi, pou annan plizyer lezot bann *outpost* lo bann lezot zil. E sa osi i kapab redwir cost ki *Coast Guard* e *SDF* i annan.

Vi ki ou deza annan bann lafors deza pozisyonnen lo sa bann landrwa, i redwir sa letan kot ou bezwen *transit* sorti Mahé pour ou al afektye en led, en lasistans, ou en lentervansyon ki oule fer.

Par egzant sorti Mahé pou al Praslin, ou konnen poudir rezyon *Inner Island* parey Praslin i en landrwa kot i annan bokou aktivite bato e menm aktivite ilegal ki inisyé e pran plas pour li petet ariv Mahé, pli tar.

E alors i dan sa loptik ki nou bezwen annan sa, nou vvar poudir i neseser ki nou annan en *outpost* Praslin. E i a ed nou e nou'n vvar nou menm kan nou Praslin, nou kapab sorti Praslin al fer bann loperasyon dan bann lezot zil ki bord avek Praslin, lo bann zil pres.

E asire poudir nou annan en prezans. E nou kapab deploy a en fason pli vit ki nou kapab *deal* avek bann sityasyon kan i arive. Me si ou pou reste Mahé, i pran ou en kantite letan, avan ou kapab donn en lasistans dan en lenstans kot i annan en lensidan ki o bor Praslin, ou menm Praslin.

E parey mon dir, i pa pour zis Praslin e dan le fitir nou pou bezwen bouz pli lwen. Pour asire ki lo tou bann bout nou teritwar nou annan en prezans, ki kapab fer sir ki poudir nou kapab atrap bann keksoz avan ki ariv lo nou kapital isi, kot nou annan *maximum* dimoun i ete isi Mahé.

E i a fer ki poudir Lafors i annan en pli gran kapasite pour vey nou teritwar; - ki parey nou dir i annan en gran teritwar.

### **MR SPEAKER**

Mersi kolonnell. Onorab Cosgrow?

### **HON WALLACE COSGROW**

Mersi Mr Chair. Bonzour tou bann nouvo Manm *panel*. Mr Speaker mon pe swiv en pe sa deba ozordi la e mon vvar poudir i annan problem lanirman ant Onorab Henrie Sekreter Zeneral LDS avek

sa ki Onorab Ramkalawan ti dir dan Lasanble konsernan larne.

Onorab ti dir klerman nou pa bezwen en larne. Alors mon pa ganny en konpran, akoz Mr Onorab Henrie i dir sa ozordi. Mr Speaker nou lo kote sa latab nou pou, nou pa pou *freeze* Bidze Lafors Defans nou en?

Nou pou vot pour zot akoz nou konnen, nou konnen ki travay zot fer ki lenportans travay zot fer. An dizan sa Mr Speaker, i annan 3 pwen mon le koz lo la. Enn i, *Scheme of Service* dan sa legzersis ki Minister Finans avek *Public Service Bureau* pe fer dan sekter piblik, pour konsernen *Scheme of Service* serten ki pe *merge* dan avek saler.

Eski sa loperasyon i pour afekte Lafors Defans bann zofisyé. *Well solda*, zofisyé Lafors Defans an term zot bann *allowances* ki zot gannyen, eski sa osi pou ganny *merge* avek zot saler or zot pa ganny touse zot?

Dezyenm i konsern *procurement of food ration*. Mon pe gete dan Bidze, across the budget i annan apepre R23milyon, pour tou bann Departman Lafos Defans, apepre R23milyon.

Mon ti ava kontan ganny en pti pe - en *summary* lo procurement process of sa bann *food ration* an term legim, pwason, lavyann, manze an zeneral.

Ouswa osi par egzant lekel bann *service provider*, ki pe provide *takeaways*, bann keksoz koumsa, ouswa si zot cook centrally kot *Coast Guard*. Akoz i en substantial amount e ki mannyer zot procure sa bann zafer?

Trwazyenm i about zot *strategic priorities*, an sa ki konsern - mon pa vvar. Akoz zot in ganny en

nouvo manda anba Konstitisyon, pour zot enterfer dan bann - pa enterfer - me solman pour zot entervenir, pardon - dan bann lenstans kot Lapolis i bezwen zot our lord ek lape, parey Konstitisyon, nouvo lamannman Konstitisyon in fer.

Mon pa vwar okenn nanryen dan *strategic priorities* ki fer zot, pran sa manda met li *into effect*. So eski zot annan en Bidze *somewhere*, ki pour siport sa loperasyon? Akoz nou anvi vwar li ganny byen fer. In annan serten ka kot piblik i santi ka entimidasyon.

Be nou, nou anvi vwar li ganny met byen dan en Bidze, byen ankadre, kot sa travay avek Lapolis i mars byen *seamlessly*. Mersi Mr Speaker.

### **MR SPEAKER**

Mersi *panel*. Nou a les pase sa premye pwen, nou a swiv e nou annan sa 3 pwen pour adrese si zot in note. Vis-Prezidan.

### **THE VICE-PRESIDENT AHMED**

#### **AFIF**

Mersi Mr Chair. Mr Chair mon ava adres sirtou sa dernyen pwen lo ki mannyer travay ki militer i fer, i entegre avek tou larestan travay sekrite. Mon krwar ou a dakor avek mwan, pou napa en laliny ki pou mete travay ki ou fer ek Lapolis. Mon krwar militer i en lenstitisyon dan li menm. E enn son rol se donn sekrite e donn sekrite atraver patrol, atraver donn proteksyon, serten lenstitisyon. E proteksyon lo nou bann lafrontyer.

Kot i konsern travay avek Lapolis ek lezot Lazans. Nou pa bezwen en laliny, akoz ti toulstan la. I ti toulstan la, menm avan sa

lamannman, militer ti pe entervenir lo lanmer.

Annefe an 2019, ti annan en lamannman ki ti permet militer zisteman *Defence Act* pour li travay ek Lapolis ek Imigrasyon ek lezot pour entervenir lo lanmer, kot i annan keksoz ilegal ki pe pase.

Nou napa en laliny spesifik pour sa. E sa lamannman ti senpleman regulariz en sityasyon ki ti deza eggiste. Alors i napa en laliny spesifik, me son travay pour ganny fer dan en fason profesyonnel.

Pou napa okenn sityasyon kot militer pour servi lafors, ki ekstravagan oubyen dan en fason ki pou britaliz dimoun. Se pa sa lentansyon, pa sa son manda. Nou pour travay ek Lapolis kot i konsern entervansyon, kot ou pe ed Lapolis dan en fason ki swiv Lalwa. Tou Lalwa nou pei.

E pour napa personn ki pou al ganny anmennen an kasyet, pou al ganny bate. Si sa in deza arive avan i pa pou arive anba sa ladministrasyon.

E nou pou fer keksoz drwat, keksoz onnet, e keksoz legal. Mr Chair avek ou permisyon, mon a permet lezot Zofisyen. Ms Coopoosamy i ava reponn lo *Schemes* avek *Procurement*. Mersi.

### **MR SPEAKER**

Wi mon vwar *financial controller* in lev lanmen. Yes Madam?

### **FINANCIAL CONTROLLER NELLIE COOPOOSAMY**

Mersi Onorab pour ou kestyon. Lo konsernan *Scheme of Service*, nou osi tou pou *merge* bann *allowances* ki'n ganny mansyonnen dan *basic*, parey in dir dan *speech* Bidze. Nou pa'n *exempted*.

Lo kote *food and ration*, nou annan de pli gro - STA ki provide ki kwi manze dan the central *Coast Guard kitchen* pour preski tou *unit ladefans*.

E apre nou annan *Procurement approval*, pour nou al avek STC pou nou rod nou bann konmisyon.

### **MR SPEAKER**

*Thank you, Madam. Ok mon krwar nou'n adrese bann pwen. Oule klarifikasyon Onorab. Wi.*

### **HON WALLACE COSGROW**

Enn pti klarifikasyon. Mon pa'n tro konpran *Procurement approval* pour *procure* avek ki lakonpannyen?

### **MR SPEAKER**

Mersi. *Financial controller*, ou a repran?

### **FINANCIAL CONTROLLER NELLIE COOPOOSAMY**

STC.

### **MR SPEAKER**

Mon pa tro konpran ki'n pase. *Financial controller* ou'n adrese son dernyen pwen? *Ok tre byen*. Mersi nou a kontinyen. Mon annan Onorab, kote isi ti Onorab Adelaide. Ki ti soz - yes *ok* Onorab.

### **HON FRANCOIS ADELAIDE**

Mersi Mr Chair. Bonzour VP avek ou delegasyon. Dabor SDF, mon le felisit zot pour sa bon travay zot pe fer. Sa lannen i paret mwan zot in fer rikord lo bann entersepsyon. So mon felisit zot, e mon dir zot nou donn zot tou siper.

Dezyenmman, mon anvi felisit, nou *Colonel*, nouvo *Colonel* Mr Attala en manrmay Baie Lazare. So *Chief of staff* Baie Lazare. So

Lasanble annou donn li en lanmen pour son ...

**(APPLAUSE)**

### **HON FRANCOIS ADELAIDE**

Mersi bokou Mr Speaker. Mon kestyion pour zot i en pti kestyion. Nou'n tande poudir dan sa Bidze, i annan sa trezyenm mwan saler. E vi ki zot, zot en lafors ki sipoze disiplinen, mon le konnen si petet zot in fer zot kalkilasyon, konbyen dimoun pour ganny 100poursan son trezyenm mwan saler? E si i annan bann ki pou ganny zis 50poursan, parey egzanp ki Lopozisyon ti pe fer krwar?

Apre dezyenm, petet enn pti komanter, ler nou t i dan sisyenm Lasanble nou ti fer en *freeze* 120milyon. E SPDF pa ti zanmen vin reklanmen. Savedir ti annan vol ki ti pe pase.

E ozordi mon fyer, poudir tou sa bann larzan ki nou, nou pe depanse, mon konnen i pe al dan bon lanmen akoz zot bann dimoun ki kalib. E Onorab Cosgrow pour napa ankor pti lanvlop gri pour li al serse. Mersi Mr Speaker.

*(laughter)*

### **MR SPEAKER**

Mersi. Silvouple.

*(Interruption)*

### **MR SPEAKER**

Silvouple, annou evite adres direkteman bann Manm lo lot kote latab. Ou pe adres kestyion avek panel. Si zot in fer en komanter, ou annan drwa koz lo la. Onorab Loze ki ou pwen? *Sorry* ou pa ti ou ti'n, ou pe lev lanmen pour kestyion oubyen ou pe ...? *Point of order, ok?*

**HON JOHAN LOZE**

Mersi Mr Speaker. Mr Speaker mon le zis klersi en mis-apreansyon ki'n leve. Ti napa okenn larzan ki zot ti *freeze*. Zot ti *freeze* en Don Endyen ki ti'n fini deza ganny depanse. E sa ti en mansonz, ki Onorab Afif ti koze dan sizyem Lasanble! Mersi Mr Speaker.

**MR SPEAKER**

Onorab. Petet sa term 'mansonz', i demann enn pti pe plis refleksyon avan zot servi li. Parske si en kote in mansyonn en - in fer en *statement*, i pa neseserman deliberaman pe fer mansonz. Si ou annan en lot enterpretasyon, ou fer.

Si in fer en fot, i posib. Me selman annou evite servi bann term ki kalonmni lezot Manm Lasanble oubyen zofisyen Gouvernman. Mersi.

Onorab Adelaide ti fer de pwen, me selman ant i ti annan en kestyon. *Panel* i pare pour adres li? *Financial controller*. Ale silvouple. Nou a ekoute.

**FINANCIAL CONTROLLER  
NELLIE COOPOOSAMY**

Mersi Onorab pour ou kestyon. Konsernan trezyenm mwan saler, tou nou bann Kontra i an plas. E komansman Desanm nou komans revi pour determinen lekel ki pwen ki tou dimoun i gannyen.

So nou annan *deadline* pour tou, pour nou *provide* avek Trezor, pou fer peyman pour *next year*.

**MR SPEAKER**

*Thank you, Madam.* Klarifikasyon Onorab?

**HON FRANCOIS ADELAIDE**

Wi Mr Speaker. Zis enn pti klarifikasyon. Vi ki Lafors Defans i

en lafors ki disiplinen, petet *Brigadier* ouswa *Colonel* i kapab *at least*, dir nou enn pti gin, ki mannyer zot in vwar zot lafors in *perform*? E si nou ekspekte ki laplipar pour ganny zot 100poursan saler, konpare a ki Lopozisyon ti dir zot pou ganny zis 50poursan. Mersi.

**MR SPEAKER**

Ok. Madam Financial Controller in eksplik Polisi lo Trezyenm Mwan Saler, nou pa bezwen repas lo la. Selman petet *Brigadier* i kapab adres pwen, ki mannyer in vwar son bann zomm dan lafors? Mersi *Brigadier* si oule.

**CHIEF DEFENCE FORCES  
BRIGADIER MICHAEL ROSETTE**

Mersi Mr Chair. Mersi Onorab. Mon krwar zot menm in fer sorti ki zot satisfe, me si nou gete an zeneral mon krwar pour sa lannen, nou satisfe avek performans lamazorite konmsi nou bann zomm, fason ki zot in delivre lo la. Mersi.

**(APPLAUSE)**

**MR SPEAKER**

Onorab Ernesta.

**HON PAUL ERNESTA**

Mersi Mr Chair. Vis-Prezidan, *Brigadier* e tou bann koleg Onorab e tou dimoun a lekout, bonzour. Mr Speaker mon le osi anmenn mon sipor ki lo sa pwen ki mon koleg in fer pli boner - Onorab Cosgrow lo sa zafer zot pa ti le larme. Wi *akoz* nou annan laprev ki, wi Prezidan li menm li i ti dir zot pou ferm larme. So i enportan ki dimoun nou klarifye sa, dimoun i kler lo la.

Mon kestyon i annan pou fer anba SP1 mon krwar, lo *training*

anba *other uses of goods and services*. Mon'n vvar logmantasyon plis ki, i ariv aepre 440 ekek lo *training fees*. Eski mon ti a kontan konnen - ganny leksplikasyon lo la kwa sa logmantasyon?

Eski i annan pou fer ek bann *local components*, ouswa i zis lo kote, bann *training* si oule lo kote administrativ? Mersi Mr Speaker.

**MR SPEAKER**

Mersi. *Financial controller* in lev lanmen? Wi?

**FINANCIAL CONTROLLER**  
**NELLIE COOPOOSAMY**

Mersi Onorab pour ou kestyion. Konsernan *training fees* anba 1.2. i pou fer avek nou *instructor* pour *brass band* ki an 2022, sa *budget* pa ti *sufficient*. La an 2023, nou'n met li *correctly* pour reflekte byen. Mersi.

**MR SPEAKER**

Mersi. Onorab Georges.

**HON BERNARD GEORGES**

Mersi Mr Chair. Mersi pour donn mwan laparol. Mr Chair bonzour Vis-Prezidan, bonzour *Brigadier*, bonzour *Colonel Attala* ek ou tim.

Mon ti anvi zis adres sa pwen, ferm larne, pa ferm larne. Avek ou permision, mon krwar nou devret *deal* avek sa *once and for all*.

Sa ki'n pozisyon parti ki mon'n reprezante toultan e ki ti pozisyon sa dimoun, ki ti Prezidan ozordi ler i ti *Leader Lopozisyon* sete pa ferm militer. Sete ferm o tan ki posib redwir *l'armée de terre*, e anvoy resours lo *Coast Guard*.

Se sa ki ti toulstan...

(*Interruption*)

**MR SPEAKER**

*Order!*

**HON BERNARD GEORGES**

Se sa ki ti toulstan...

(*Interruption*)

**MR SPEAKER**

*Order!*

**HON BERNARD GEORGES**

Se sa ki ti toulstan Polisi akoz *l'armée de terre* ti pe asize dan 2 barak pe vey de Prezidan se tou. Se sa.

(*Interruption*)

**MR SPEAKER**

*Order please!*

**HON BERNARD GEORGES**

E nou pa kapab fer politik lo la ozordi, akoz se sa larealite. E Mr Speaker si nou regard byen ozordi sa in marse. Akoz nimo 1 ek nimo 2 isi, tou le de pa sorti dan Larne de ter parey zot ti ete avan, zot sorti kot *Coast Guard*. Alor sa Polisi in marse, e se sa Polisi ki nou devret defann. Mersi.

**(APPLAUSE)**

**HON SEBASTIEN PILLAY**

(*Off-Mic*)

**MR SPEAKER**

Non, mon pa pe antre dan en deba. *Point of order*. Ale ki ou *point* Onorab Pillay.

**HON SEBASTIEN PILLAY**

Mr Speaker wi mon *point of order*, i anba Lord 8 nou *Standing Orders*, ki dir ki ou ki desid lo prosedir, *ok*.

Annou les mwan ganny en konpran byen. Mon konpran poudir VP Onorab Vis-Prezidan i la koman Vis-Prezidan. En *panelist* pour reponn nou bann kestyion.

Mon konpran ki nou de zofisyne byen estimen dan Lafors Defans, dan la personn de *Brigadier* e son *Chief of Staff* - de *panelist*. Mon konpran ki byensir n ou annan nou tre doue *Comptroller General* ki la osi. Ms Astride Tamatave *panelist*. E byensir nou annan nou FC ki la ki'n byen reponn kestyion. Mon pa konnen kote Onorab Georges i *feature* lo *panel*, ki ou bezwen donn li loportinite pou eksplik en pwen dan Lasanble.

So si i pou donn li en ...

*(Interruption)*  
*(Mic switched off)*

### **MR SPEAKER**

Onorab Pillay in fer son *point of order*. Mon pou reponn li lo son *point of order*. I annan plizyer komanter, in ganny fer par Manm Lopozisyon lo *statement*, ki parti lot kote, an mazorite ti fer oubyen zot predeserer ti fer dan Lasanble. Se sa. Sa in vin en konversasyon komanse par bann Manm Lopozisyon ki Onorab *Leader* Biznes Gou ...

### **HON SEBASTIEN PILLAY**

*(Off-Mic)*

### **MR SPEAKER**

Onorab Pillay ou a ekout mwan silvouple. E mon pa pran byen pli ale, bann lenteripsyon ki ou fer ler mon pe koze. E les mon a dir poudir sa osi, ou le realize i kont *Standing Orders* ki ou quote toultan. Mersi.

Mon pe dir, sa konversasyon arrive ant de kote Lasanble;- en kote

in fer serten komanter, serten kote in fer e Onorab *Leader* Biznes Gouvernman in termin lo la. I pa en kestyion ki i pe pran rol *panel*. Mersi.

Avek sa nou a pran vot lo Bidze pour *Department of Defence* ki pou en total R455milyon238mil Manm ki an faver lev lanmen?

### **HON CHURCHILL GILL**

*(Off-Mic)*

### **MR SPEAKER**

Pardon? Mon pa'n vwar ou, eskiz mwan, eskiz mwan Onorab Gill. Mon a kontinyen ek mon vot lo Bidze. Manm ki an faver lev lanmen silvouple? Mersi, tou Manm in vote.

*(Interruption)*

### **MR SPEAKER**

Silans silvouple! Vot lo Bidze pour *Department of Defence* pour R455milyon238mil, 31 Manm in vot pour, 0 kont e 0 abstansyon. Alor Bidze in aprouve inanimite.

Departman bann zofisyne Larme e zot zofisyne ki akonpanny zot. Mersi pour zot partisipasyon. Nou a termin la pour bomaten. E travay a repran apre midi 2er, lo Bidze *DICT*, swivi par *Public Service Appeals Board* e *Seychelles Intelligence Service*. Nou a pran poz. Mersi bann delegasyon e bonn ranatre.

***(BREAK)***

### **DEPARTMENT OF INFORMATION AND COMMUNICATION TECHNOLOGIES (INCLUDING THE NEW AUTHORITY) SEYCHELLES COMMUNICATION REGULATORY AUTHORITY**

**MR SPEAKER**

Bonn apre midi tou dimoun Manm e piblik. Madanm reporter nou'n pare pour lot delegasyon. *Thank you.*

Bonn apre midi tou dimoun e byenveni Vis-Prezidan Afif pour rezwenn nou e pour Departman Lenformasyon Teknolozi komunikasyon. Nou annan Mr Benjamin Choppy son PS. Mrs Suzy Rosine son Direkter pour Ladministrasyon e *Human Resources* Mr Randy Barra son *Procurement Manager*. Byen e byensir zofisyel Minister Finans.

Bidze pour *DICT including the new Authority Seychelles Communication Regulatory Authority* lo paz 60 ziskan 68 e 82 ziskan 85 pou R72milyon802mil.

Nou a demar avek lントro diksyon pour sa Bidze VP silvouple.

**THE VICE-PRESIDENT AHMED AFIF**

Mersi bokou Mr Chairman. Mr Chairman, bonn apre midi, bonn apre midi tou bann Manm Onorab. Sa Bidze ki devan nou se Bidze *DICT*, konparezon ant 2022 ek 2023, se R71.3milyon kont R72.8milyon ki environ en logmantasyon R2milyon.

Parey zot vwar, napa bokou ki'n sanze dan sa Bidze, sof *wages* ki'n mont enn pti morso sorti 2022 pou al 2023. E ladan i reflekte en pe konponan *Scheme* ki Gouvernman anonse sa nouveau logmantasyon pour tou travayer apartir Avril.

Anba *uses of goods and services*, ankor napa gran sanzman sof ki *use of goods and services* lo kot *other uses of goods and services* ki li i ti annan en depans R32milyon

an 2022. Aprezan i 26milyon an 2023.

Me sa i annan an parti pour fer avek travay regilatwar ki *DICT* pou fer avek kreasyon en nouveau *unit*, ki pou fer en nouveau Lotorite pour Kominikasyon. Sa i redwir en pe bann kou anba sa *head*. Vwala an gro Mr Chair se Bidze *DICT*. Mersi bokou.

**MR SPEAKER**

Pour kestyion, oubyen pour *point of order* Onorab?

**HON SEBASTIEN PILLAY**

Non i pa en *point of order* Mr Speaker, i en *matter*. I en keksoz ki konsern prosedir ki mannyer nou pou prosede ozordi apre midi. Mon ti a kontan ganny en klarifikasyon.

Anba dokiman ki nou'n gannyen pour bann *schedule*, mon vwar ki nou'n mete poudir nou pe pran Departman pour Lenformasyon e Kominikasyon. E sa i enkli en nouveau Lotorite *Seychelles Communication Regulatory Authority*.

Ler mon regard *Appropriation Act, Appropriation Bill*, mon vwar ki enn bann *budget line* ladan se - enn bann *heads* ladan se *Seychelles Communication Regulatory Authority*.

Sa i vedir ki nou pe pran de vot. Nou pe pran en vot nou pe pran de vot. Enn pour *DICT*, enn pour *Seychelles Communication Regulatory Authority*. Prezan mon kestyion Mr Chairman, i vin lo pwen ki ou ti fer, i ava fer prezan dezyenm antite ki Lasanble prezan pou al vot lo son Bidze, avan ki a antite informen.

Mon konpran ki legzanp dernyen fwa ti ganny servi, sete legzanp *IECD*, me sa ti en keksoz ki

ti ariv plizyer lannen pase. Baze lo sa ki ou *statement* ki ou ti fer Mr Chairman, mon ti a kontan konnen ki pou arive prezant akoz nou, nou *in the dark* an sa ki konsern sa Lotorite son fonksyon. Akoz nou pa ankor aprouv sa Lalwa, Lasanble pa ankor desid sa Lalwa.

E sa pe *presume* ki Lasanble prezant pou al aprouv sa Lalwa, apre ki sa Bidze in pase.

Premye legzant sete legzant ki nou ti gannyen semenn pase e la nou pe ganny ankor en legzant la. So mon ti a kontan ganny gidans avek ou, akoz mon pa konfortab pour mwan ankor enn fwa aprouv en Bidze, pou en antite ki pa ankor ganny kree, ki nou pe zis met larzan dan Bidze me nou pa konnen, ki sa antite pou fer, lekel bann dimoun, ki mannyer son fonksyonnan pou ete, nou pa ankor ni debat lo la.

Pour mwan mon vwar sa senserman Mr Chairman, mon santi poudir sa i en, i en keksoz ki afekte privilez Lasanble Nasional. Mersi.

### **MR SPEAKER**

Mersi Onorab. Bon nou'n pas lo sa deba, nou'n eggamin son pour e kont e osi son defayans e osi kote Lasanble i kapab stand. E nou pour prosede parey nou ti prosede pour *Home Care Agency*. Nou pou pran sa Bidze, apre nou pou pran sa Lalwa, apre dan letan ki avan recess ler nou pran bann Lalwa. Mersi. Yes Onorab?

### **HON SEBASTIEN PILLAY**

Mr Chairman, baze lo gidans ki ou ti donn Lasanble, ki ou ti aksepte poudir pour *Home Care Agency*, nou pou prosed koumsa. Me ki ou ti menm dir poudir apre ki ou ti a prefere, e swetab ki Lasanble, i

ganny sa Lalwa avan e aprouv sa bann Lotorite.

Eski ou pe dir mwan ou pe fer en *departure from statement* ki ou ti fer devan Lasanble an relasyon avek lamannman, avek sa provizyon Lalwa, ki devan nou silvouple?

### **MR SPEAKER**

Non. Mersi. Non, ler mon ti fer mon *ruling* lo *Home Care Agency* mon ti dir, mon'n remarke ki i annan lezot antite dan sa Bidze, ki pour osi parey. E ki pour sa, Bidze nou pe kontinyen avek sa prosedir e nou pour fer li. E napa nanryen ki depar avek mon *ruling*. Onorab Georges, ou pe adres menm pwen?

### **HON BERNARD GEORGES**

Yes sir, Mr Chair avek ou permision, mon ti anvi zis fer en klarifikasiyon. Mon dakor avek ou pwennvi. Me sennla *voici, Communication Bill* i devan Lasanble. Nou pa ankor vot lo la, nou pa ankor diskite.

Me nou konnen ki bann atribisyon sa *Regulatory Authority*, pou annan, akoz i dan en *Bill* ki'n deza ganny Gazete. Alor *the situation is not the same*.

E dan safwasi ler Onorab *Leader Lopozisyon* i dir ki i pa konnen, ki sa bann fonksyon. Sa pa byen akoz nou konnen ki sa, sa bann fonksyon. Si nou lir *the Communication Bills as amended* i ava konnen. Mersi.

### **MR SPEAKER**

Mersi. I annan lot pwen ki Onorab Pillay in leve, si nou pou pran 2 vot lo la. Mon vwar in met 2 laliny apre in met en vot ansanm. Mon ti a kontan demann Minister Finans, si i annan en pozisyon lo la?

Lo ki i devre arive. Nou kapab pran 2 vot si i neseser, napa problem. Si i a satisfer - sa i en keksoz nou kapab fer la, nou kapab aranze, nou pa bezwen al difikilte pour fer li. Si zot le nou a pran de vot.

Mersi. Nou a komans deba avek pa deba kestyon *sorry*. Mon blyie, poudir mon dan *Committee Stage*.

Nou a komans avek Onorab Woodcock.

### **HON WAVEL WOODCOCK**

Mersi Mr Chairman mon kestyon baze lo zot *current challenges*. Enn bann pwen dan zot *current challenges* ki “*unsatisfactory access to affordable broadband services by the population.*” E osi zot *strategic priorities, 2023 to 2025* ki dir “*increase access and usage of broadband by promoting competition and strengthening the regulatory framework.*”

Mwan kestyon i baze lo ankouraz konpetisyon e osi pou fer desann kou *internet*. Ou konnen ozordi lemonn antye pe koz lo sa fame *Starlink* ki *affordable, low latency broadband* ki annefe koman en Nasyon nou kapab *order* sa servis.

Mon kestyon, eski sa in dan konsiderasyon nou pei, pour nou *order* servis avek *Starlink* ki pour fer provizyon *internet* bokou pli abordab, ki pou kout nou bokou pli mwens;- son *speed*, son kou, tousala i pou bokou pli mwens ki bann *current service provider* pe ofer dan nou pei Sesel? Mersi.

### **MR SPEAKER**

Mersi Onorab. Vis-Prezidan.

### **THE VICE-PRESIDENT AHMED AFIF**

Mersi bokou Mr Chair. Mersi Onorab. Onorab parey ou konn enn bann defi ki nou fas, nou'n toulstan fer fas avek, sete pour regard fason ki, nou kapab fer a la porte piblik. Plis servis *internet* a en kou bokou pli abordab.

Mon krwar si ou konpar, si ou konpar pri *internet* ozordi avek pri 2an pase, oubyen menm 3an pase, ou pou vvar poudir i annan en rediksyon, ou pou vvar poudir i annan en rediksyon ase konsiderab dan pri ki dimoun i kapab ganny *internet*.

Pour la senp rezon, ki ozordi i annan en kantite bann *package* ki *unlimited*. Mon konn dimoun par egzanp ki ti pe pey en *package* dizon R4mil par mwan, be ki ozordi avek mwens ki R1mil i pe ganny *unlimited* e i byensir i pour servi plis *data* osi.

Me ler ou pe get son rediksyon, dan pri, i sibstansyel. Me tousala i vin avek serten konplikasyon;- par egzanp i annan serten ki dir ou. Wi in ganny *unlimited*, me selman son *bandwidth* i limite, par ler i ganny serten problem.

Nou pe sey rezourd e nou pe travay avek bann operator pour nou kapab fer sa vin bokou pli abordab. An sa ki konsern, *Starlink* ek bann lezot posibilite pour anmenn konpetisyon dan Sesel, wi nou'n ganny apros-e, par *Starlink* pour zot osi kapab ofer servis *telecoms* Sesel. Enkli *bandwidth*, donn *internet, data, eksetera*.

Nou pozisyon se ki nou ti a kontan resevwar otan konpetisyon. Me an menm tan, nou bezwen osi regard ki lenplikasyon, ki kapab negativ lo Sesel. Lo en kote pozitiv,

ou kapab ganny rediksyon dan pri, ou kapab ganny posib, ou kapab ganny lezot kalite servis pli vit osi. Me lo kote ki nou bezwen port latansyon, e nou pa ankor pran en desizyon lo la, se nou bezwen gete ki lenpak sa pou annan lo lezot operator *telecom Sesel*. E pa blyie zot, kontribye en sonm tre enportan dan Bidze.

Ou pe koz ou detrwa santenn milyon Roupi zis dan bann *tax* ki serten i peye. Zot pe anploy bokou dimoun. Tou lede lakonpannyen zot anploy dimoun. Zot osi envestir, enkli Gouvernman dan en kab soumaren.

Sa teknolozi *Starlink* pa enplik en kab soumaren. I zis servi en satelit, i anvoy sa signal direk kot ou e i servi lezot kab, oubyen lezot *network*, lezot landrwa.

Alor wi i en possibilite. Me nou, nou ti a kontan fer en keksoz, ganny sifizaman konpetisyon dan Sesel ki redwir pri. E donn plis varyete avek nou bann konsonmater, nou ti a kontan fer sa.

Me an menm tan tou ti a kontan, kapab prezerv bann lenvestisman konsiderab, ki'n ganny fer par bann lakonpannyen Seselwa, ki enkli lo kote *submarine cable*, kot Gouvernman osi i annan par ladan.

Nou bezwen osi kapab garanti, ki bann lenvestisman, pour kontinyen deservi sa popilasyon, bann dimoun ki dan lanplwa ozordi dan sa bann lakonpannyen, i kapab osi kontinyen zwir zot lanplwa. E nou bezwen fer sir ki i pa vin dan en fason ki i enteronp sa sekter, i enteronp lavi nou sitwayen, dan en fason ki petet nou pa'n kalkile.

Alor avan nou retourne avek zot, pour donn zot en larepons ferm,

nou ti a kontan e nou pe travay ansanm avek Minister Finans pour nou kapab trouv bann meyer fason ki nou kapab fer sa rive.

Wi nou ti a kontan, ki annan plis sa konpetisyon. Me nou bezwen fer li dan en fason kalkile, dan en fason kot tou dimoun i santi poudir zot osi zot annan en par dan sa lendistri. Mersi.

#### **MR SPEAKER**

Mersi Vis-Prezidan. Onorab Mondon.

#### **HON TERENCE MONDON**

Mersi Mr Chairman. Mon osi mon ti annan en kestyon lo *Starlink*, me selman in fini ganny adrese.

Alor mon lot kestyon i annan en provizyon 412mil pou *subscription*. Mon ti a kontan ganny en pe detay konmsi kwa ki zot *subscribe*? Akoz i ti napa en provizyon lannen pase. Mersi Mr Chair.

#### **MR SPEAKER**

Mersi Onorab. *PS* pou reponn? *Go ahead*.

#### **PS BENJAMIN CHOPPY**

Mersi Onorab. Sa provizyon ki pa ti egziste se, lannen pase bann *overseas travel* pa ti anba bann MDAs ti zere par santralman. Yes, sorry. Pa *travel* ti pou sa *amount* ti bann *subscriptions* avek bann lorganizasyon enternasyonal.

Dan ka *DICT* nou annan 2 *main subscription*, enn avek *ITU International Telecommunications Union* epi lot avek *Commonwealth Communications Organizations*.

So sa i kouver sa bann peyman, ki nou fer sa avek sa bann lorganizasyon. Avan sa ti santralize anba *MFA* e *MFA* ki ti pe peye. Mon

panse i rezon Polisi, sa prezan in ganny *reallocate back to bann parent Ministries*. Sanmenm sa son lorizin. Mersi.

### **MR SPEAKER**

*Thank you. Onorab Lemiel?*

### **HON SYLVANNE LEMIEL**

Mersi Mr Chair. Bonn apre midi nouvo delegasyon avek VP. Mon kestyon i konsern zot plan stratezik 2023-2025 kot zot pe mazin moderniz servis piblik par ogmant lakantite nonm e vizaz *digital channels* dan *public service*.

So, mon ti a kontan konnen petet atraver Bidze 2023 si zot annan larzan pou sa, ki mannyer zot pou fer li? E donn nou en pti pe plis detay kwa ki pou nouvo petet ki zot pou pe anmennen pour ki bann *public service* li menm, i ava kapab pe delivre en pli bon servis atraver zot sistem ki zot, zot pou met an mars? Mersi.

### **MR SPEAKER**

Mersi Onorab. *Panel, PS.*

### **PS BENJAMIN CHOPPY**

Mersi Onorab. Pour sa *area* ki ou pe demande, i vreman bann *e-services* ki nou oule Gouvernman i kapab ofer. Prezaman- la komela nou pe baz lo en *matrix* ki nou servi. Nou annan en ventenn *areas* kot ou annan bann *main public services*, ki nou oule zot annan pa zis zot bann sistem *IT*, me selman zot osi tou annan bann *channel* nimerik anver kwa zot kapab delivre sa servis.

Dan Bidze li menm, i annan en lokasyon dan enn nou bann *new spending proposals* kot nou pe servi plis *outsourcing* pou sa. I annan en *extra* mon krwar 6.5milyon ki'n mete, so sa pou ed nou kapab met plis servis, plis proze pou nou fer.

E osi tou i annan en serten konponan ki nou pe fer sa bann solisyon *in-house*. So i en konbinasyon tou le de. An term alokasyon Bidze *that's the main one* ki nou'n ganny *allocate* pou servi. Epi byensir lot nou servi nou bann *in-house personnel* pou en lot kategori.

Pou bann mon pa konnen si oule en diferaman, nou pe- i pe vreman differan nou pe vreman *increase* kantite *areas* kot nou pou annan sa bann servis.

Son lalis zeneralman mannyer nou pe travay la nou annan en lalis ki nou'n prozekte la komela. Selman epi *then* atraver *Digital Economy Steering Committee*, then nou finaliz sa, akoz Gouvernman li in anmenn en long lalis bann proze *IT*. E *once* sa i finalize *then* nou egzekit sa bann proze.

Mwan mon pe ekspekte bann keksoz ki *in the pipeline* pe vini la, bann keksoz parey *business registration*, akoz son solisyon in pratikman in fini zis en kestyon plito Lalwa mon krwar Lalwa ek *Registrar* pare pou servi.

I annan bann *areas licensing* ki'n komanse, selman nou pou, i annan bokou plis lentegrasyon pou nou fer. So sa nou pou ekspekte. Epi okenn annan lezot *areas* osi tou ki egziste. Selman i annan bann nouvo solisyon pli avanse ki pe vini;- par egzamp dan *tax*, sa en lot *area*. Mersi.

### **MR SPEAKER**

Mersi PS. Onorab Aglae.

### **HON EGBERT AGLAE**

Mersi Mr Chair. Bonn apre midi *PS* ek ou *panel*. *PS* mon pou kontiny mon kestyon dan laliny ou derny

larepons, kot i konsern *digital economy*.

Premyerman, nou war poudir i annan sekter ki pe bouz ase vitman kot i konsern *digital economy*, sirtou parey Sekter Finansyel. E letan nou pe get dan servis piblik, nou ankor war bokou papye pe ganny ale vini *ok?* E mon konnen poudir i annan bann lesey atraver bann diferan departman, pou sey *digitalize*.

So petet donn nou anliny gidans zot vizyon petet, kan eski nou pa'n war serten bann departman - parey Minister Lasante ki ankor annan en prosedir ase *manual*, avek bann lezot departman ki kapab fasilit bann prosedir li menm, pou kapab ganny fer ase vitman san ki ou bezwen *physically appear* dan sa lenstitisyon? Sa i enn.

Dezyenmman kot i konsern komunikasyon li menm, ankor mon ti anmenn kestyion dan Lasamble nou ankor annan serten landrwa kot *coverage* i *very poor* lo la.

Eski travay pou komunik avek sa bann *service providers*, kot zot kapab fer sa legzersis pou *map out* sa bann landrwa kot napa *coverage*. E fer le neseser ki i ava kapab kre-anmenm sa *coverage* li menm.

E dernyen kot i konsern *rental* mon war en pti logmantasyon environ R100mil dan zot *rental*, si ou kapab dir nou akoz i annan sa pti logmantasyon? Mersi.

### **MR SPEAKER**

Mersi Onorab. Panel? PS, wi?

### **PS BENJAMIN CHOPPY**

Mersi Onorab. Lo kote bann servis e pou dan bann *public service*, wi i vre diferan lorganizasyon i a diferan

nivo an term adopsyon, solisyon nimerik.

E i vre wi istorikman bann landrwa finansyel tou letan zot tant pou al pli vit ladan. Selman mon bezwen dir pa neseserman dan nou ka Sesel, *actually* nou'n trouv *Planning Authority* par egzanp, i enn ki bokou pli avanse an term litilizasyon. So i diferan lorganizasyon, diferan sekter.

Ok, ou'n demann spesifikman avek *Health*, *Health* sa i pe enplimant son *HIS*. Sa lannen zot in komans - zot in fini enplimant *registration*; - bann *registration* ler dimoun i vin akse servis lasante. Epi zot in komans la enplimant *EMR* - which is *electronics medical records*.

So, mon ekspekte ki dan bann mwan ki pe vini zot pou osi tou entegre laboratwar, *packs*, bann zafer *diagnosis imaging*. So nou, nou pe ekspekte ki *by end of next year*, i pou son enplimantasyon pou konplet. Selman *Health* ou pa kapab fer tou keksoz *remotely* e ou bezwen ou kapab fer serten keksoz. Ou bezwen vin dan en sant pou ou ganny serten latansyon pou *diagnose* keksoz, eksetera.

So, *Health*, nou'n ganny en pti pe retar avek li akoz nou'n- i en proze ki nou fer ki'n ganny *funding* *Exim Bank* e zot prosedir i en pti pe *heavy* pou sa. So nou annan en *procurement* ki *outstanding* avek sa proze. Nou ekspekte nou fini li *end of next year*.

So sa lo kote *Health*. *Timeline* bann lezot landrwa ki nou pe al met lanfaz lo la lo kote *e-services*, i annan avek Imigrasyon, *Civil Status* - si ou pou demann renouvelman sa bann *personal documents*. *Licensing* parey mon'n

dir nou pou pouz bokou plis lo la epi dan *regulator*.

Rezistrar son *registration* biznes ek asosyasyon in pare, solman nou pe al *focus* avek zot lo *cost registration services*. Par egzanp ler en dimoun in bezwen *submit* - mon pa konnen son *anything* ki son *Registrar* i bezwen parey son *financial statements*, eksistema. So sa mon krwar in kapab fer en amelyorasyon ladan.

Epi bann lezot ki lo nou lalis ki nou pou apres bann Minister. Par egzanp i annan bann *online environment permits* bann keksoz koumsa.

So donn nou en *target* defini, kan pou fini, i vreman difisil pou sa. Selman nou apres li lannen par lannen. Nou annan en *target* apepre ler ou gete apepre 15 proze pou fer nou pe target fini apepre 2 tou le lannen - 2 a 3 depandan, 2 grosistem apre 4 *e-services*. Sa ki lo target, so, nou *hopefully* nou pou fer plis progre en pe pli vit lo sa.

Ou ti annan en kestyion lo komunikasyon *coverage*. *Coverage* wi, anmezir zot bann landrwa i dir napa *coverage*, then ou nou anmenn sa a latansyon bann operator. E operator then i gete ki i kapab fer. Akoz i dan zot lentere osi tou pou *provide coverage*.

Selman mwan mon konnen nou ekrir par egzanp *whenever* nou annan bann ka ki monte dan Lasanble, nou *actually* ekrir MNA e si zot kapab donn nou sa bann landrwa spesifikman, then la nou kapab *engage* avek sa bann operator, akoz nou bezwen sa bann landrwa spesifik pou nou kapab fer en progre lo la.

Lo kote sa pti logmantasyon i ou'n trouve dan *rental*, li i akoz ti annan en *discount* ki nou ti

gannyen 2020 ek 2021, be sa aprezan son *normal contract* in retournen, sanmenm sa ki *account* pou sa logmantasyon. *Ok?*

### **MR SPEAKER**

*Thank you PS. Onorab William.*

### **HON WAVEN WILLIAM**

Mersi Mr Chairman. Bonn apre midi Vis-Prezidan avek ou delegasyon. Mr Chairman mon anvi demann avek *panel*, mon vwar ki anba "government process transformation and the electronic service delivery channels" i annan en logmantasyon apepre plis i R5milyon.

E mon ti a kontan demande letan nou pe koz *e-government* a ler aktyel la, ki poursantaz nou ete avek sa transformasyon? E anliny avek *the fiber optic cable*, ki poursantaz ki nou pe itilize a ler aktyel la?

Epi finalman mon anvi demann avek *panel*, *anyway* sa mon'n ganny *demande* par publik dan rezyon was, tanzantan nou pe ganny problem *outage* avek servis *Airtel*, *TV* e i annan *outage* wi. E publik pa vreman konpran kwa me solman i annan bann *blackout*, kot dimoun pa pe gannyen televizyon plizyer moman dan bann mwan ki'n pas.

So donn nou en pti pe leksplikasyon konmsi kwa egzakteman ki fer sa? E nou santi poudir amelyorasyon pa pe ganny fer kantmenm i annan dimoun pe peye pou en serten *package*, me ou pa pe ganny tou sa bann *coverage* ki ou sipoze gannyen, ouswa bann *channels*. Mersi.

### **MR SPEAKER**

Mersi. Nou a kontinyen avek *PS.*

**PS BENJAMIN CHOPPY**

Mersi Onorab. *Ok an term nou progresyon lo e-government;- a sa dernyen mezir nou ti apepre 35poursan bann public service areas ki nou pe targete ki nou annan bann e-services.*

*Out of sa bann diferan public services ki nou pe targete, nou annan apepre 70poursan zot nou annan bann line of business systems, konmsi ki pe ganny servi deryer. So nou'n kapab- parey ou'n kapab trouve la nou annan sistem selman sa ki nou bezwen met bokou plis zefor se pou annan sa bann channel nimerik, pou kapab offer sa bann servis full elektronik.*

*So that's kot nou ete lo la an grosso modo. Lo kote submarine cable usage currently mon estimen sa sistem ki premye sistem ... li i en pe apepre 10poursan son kapasite teknik, i pe ganny servi. So i annan lespas pou servi plis ladan.*

*Lot lo kote was, mon pa konnen;- mon pa annan sa lenformasyon Onorab egzakteman ka dan was, mon pou bezwen al gete. Selman sa ki kapab si ou pe dir mwan televizyon mon prezimen bann televizyon par kab.*

*So zeneralman ler ou annan problem pou sa bann se, usually ler zot annan some sort of lenteripsyon dan zot network;- kab i kase, bann keksoz koumsa. So mon pa pou konnen egzakteman selman mon pe prezimen sa. Mon pa konnen ki zot eksperyans sa avek tou le de operater ouswa avek zis enn?*

*Zis enn, ok so be sa spesifikman fodre mon al tyeke avek sa operater. Mersi.*

**MR SPEAKER**

*Thank you PS. Next one Onorab Cosgrow.*

**HON WALLACE COSGROW**

Mersi Mr Chair. Bonn apre midi tou dimoun. Mr Chair mon pou diriz VP ouswa PS lo program 3 "government process transformation and electronic service delivery channels" ki actually pran pli gro konponan dan Bidze DICT sa lannen R56milyon,8mil.

E ladan i annan apard wages and salaries i annan detrwa konponan ki sibstansyel par egzanp internet i R11milyon, 700mil; software license fees i 132milyon. E osi nou annan acquisition of software systems ki apepre 5.5milyon pou sa lannen e bann lannen ki pou vini ziska 2025.

So mon ti anvi Mr Speaker si VP ouswa PS i kapab donn nou en leksplikasyon par egzanp lo internet, sa kantite eski i pou the whole government network kot tou bann Minister? Ouswa zis DICT an term bann software license fees ki sa i entail? Ki bann license fees?

Apre acquisition of software systems. Eski nou pou azout ankor software? Eski i pou annan en lenpak lo bann license fees ki apepre i entail?

Apre dezyenm Mr Speaker ki annan en issue mon pa konnen si i tonn anba DICT menm, me solman dan bann dernyen konversasyon ki mon'n gannyen avek detrwa artis, i annan sa issue of YouTube. Ou konnen i annan artis pa pe profit YouTube akoz zot dir ki zot pa pe benefisy avek YouTube, akoz zot pa pe kapab ganny reminerasyon.

I annan en Lagreman en Lagreman ki Sesel i bezwen annan avek YouTube pou kapab - pou zot kapab benefisy sa. Mon pa tro sir

si i tonm anba kot fer zot, ouswa si i tonm anba en lot landrwa. Me solman si i posib i kapab sa, si non mon ava rod en lot leksplikasyon.

Apre dernyen Mr Speaker si i kapab dir nou apepre kantite *staff* zot annan, kantite *staff* ki pandan 2022 ki'n kit zot? Mersi.

### **MR SPEAKER**

Mersi Onorab. *Panel lekel ki pare pou ...? PS?*

### **PS BENJAMIN CHOPPY**

*Ok, premye kestyon lo internet. Sa internet ki ladan i pou Gouvernman antye. So i mon pou dir preski 90 sepa 95poursan Biro Gouvernman i actually ganny servis through sa. So i government wide, i pa zis pou DICT. Ok, lo kote software list i annan en ase gran lalis, mon pa konnen ki oule mon go through? Ok mersi.*

Selman i annan en kantite e nou pa devret sirprann akoz software an mezir nou al plis dan nimerik, ou Bidze pou software naturelman license pou montre, akoz sanmenm sa ki drive li.

Sa 5.2 nouveau wi pou nouveau software selman nou pe target spesifikman pou outsourcing pou aste sa.

Akoz DICT nou annan 2 kalite bann solisyon. Nou annan bann ki nou fer nou menm ki nou bann teknisyen i devlope ki nou siporte. Solman nou, nouveau stratezi nou oule akseler menm pli vit kantite solisyon ki servi. So sa nou pe servi nou pe leverage outsourcing pou nou fer sa.

So sa 5milyon ekstra i target sa - sa bann solisyon. YouTube mon pa tro konnen sa enn Onorab. Mon panse sa i plito dan bann area, mon pa konnen- copyright, intellectual

property en keksoz koumsa. So me i pa en area ki mon kapab donn en larepons lo li.

Ti annan enn dernyen, ok nou staff nou annan apepre 76 dimoun dan DICT la. Bann ki'n ale ki nou bezwen e ranplase i annan apepre en 10.

### **MR SPEAKER**

*Thank you PS. Next Onorab Vidot?*

### **HON AUDREY VIDOT**

Mersi Mr Chair. Mr Chair mon oule demann avek PS. PS parey bann communication tower avan ler okenn i ganny enstale dan en lokasyon, i bezwen demann approval Planning. E mon mazinen avan sa i bezwen pa atraver zot DICT, is that correct?

Ou a koriz mwan si mon byen. E si ou kapab dir nou ki from anormalman ki enn sa bann tower i annan drwa ganny son lokasyon, ki i otorize pou ganny enstale, en serten zistans avek bann landrwa rezidansyel?

Mon pe dir sa akoz i annan serten konsern par son zabitan ki annan enn dan nou rezyon. So si ou kapab eklersi zot lo la.

Apre mon regard lo zot facility for events, mon vwar zot in met 250mil, zis ou ti kapab elabor en pti pe petet ki zot annan lentansyon fer 2023 anba sa vot?

Lastly, mon konnen zot travay pti avek bann lezot Lazans parey Biro Statistik. Nou annan en konsern ki parfwa letan nou pe prezant Sesel, i annan bann serten statistik ki nou pe rode espesyalman lo kote gender balance. Nou vwar ki i annan serten bann demarkan napa en proper system an plas, pou zot kapab rikord byen dan bann data.

Petet dan zot bann travay ki zot pe fer, pou ed zot fasilit zot, eski sa Bidze i annan bann loportinite ki zot kapab ed bann departman, pou zot kapab anmas en pe plis bann lenformasyon, ki pou fasilit bann delegasyon Sesel, ki ler zot pe voyaze zot kapab *provide* bann statistik pou montre bann konparezon Sesel avek bann pei rezyon? Mersi.

### **MR SPEAKER**

*Thank you Onorab. Panel? PSi pare – wi?*

### **PS BENJAMIN CHOPPY**

Mersi Onorab. Pou *communication tower* li i ganny gide par *Tower Sharing Policy, Communications Tower Antenna Policy*. Sa ki aplik li se *Planning Authority*.

*DICT* i en *Referral Agency* ki donn *inputs* lo la. Selman desizyon final akoz sa i en *physical structural* keksoz. Nou ler nou get li nou get li dan loptik plito *coverage*.

So, selman bann lezot antite ki kontribye ladan, i get son laspe environmantal, eksatera. E wi i an paramet dan sa Polisi ki donn sa bann keksoz. Now mon panse sa enn Roche Caiman sa, *Planning Authority* ti'n get li otan i mwan mon rapel e i ti'n donn *clearance* pou fer.

Mon panse sa ki petet arive se somewhere zot pa *factor in*, ki lo en *plot* pre pou annan lezot devlopman. Se sa ki mon sa ... Solman sa ki mon konpran i annan diskisyon lo ki pe *ongoing* ki *MLH Planning Authority* ki pe *lead* pou get sa ka spesifikman.

So i pa *approval first* avek *DICT*. I pa tro mars koumsa. Nou, nou en *Referral Agency* ki get en laspe okenn *tower*.

E pou sa 250mil pou *event* sa, now si ou realize, enn nou bann *areas* priyorite se *cybersecurity*. E ladan enn bann konponan se *sensitization*, ledikasyon dimoun. E sa i sa ki nou pe planifie, servi li pou fer. I annan osi tou pou nou planifie bann *cross organizational drills* ki ou bezwen fer *next year*.

So nou devret ekspekte dan en meyer pozisyon pou nou komans fer sa bann keksoz koumsa. I annan bann enteraksyon. So ou bezwen get en pe sa bann *events* pou ou kapab ammenn mesaz. So sa i pou sa enn.

Lot, statistics lo *gender balance*. Lo kote *DICT* nou, nou *agnostic* lo la. *I mean* pou nou si sa departman li ki determinen ki *data* ki pou ganny kolekte. So mon krwar keksoz ki pli enportan, se ki ler i pe -dizon ki si i pe travay avek nou pou en sistenn, i pli bezwen fer sir ki i annan sa bann koleksyon sa bann *gender information*, pou li epi kapab *disaggregate* apre.

So selman lo nou kote zeneralman, sa ki sa *MDA*, ouswa sa ki sa lorganizasyon i demande, nou pou fer. Mersi.

### **MR SPEAKER**

*Thank you PS. Onorab Bistoquet?*

### **HON ROSIE BISTOQUET**

Mersi Mr Chair. *Good afternoon* Mr Chair. Bonn apre midi VP avek ou delegasyon. Mon annan 2 pti kestyon tre senp.

Minis mon pe get dan ou *P3, governance and under wages and salaries* e kot i konsern staffing, mon pe regarde i annan *recruit and returning graduates allowance* mon pe demande konbyen *new graduates* zot ti pe ekspekte, anba

sa domenn ki pou retournen dan zot sistèm?

Eski zot annan *expatriates* ki deza pe travay avek zot, akòz mon get zot *housing allowance* malgré in desann, *still* konmsi i an en bon pti sonm 216mil.

*And* anba *minor capitals* i annan *foreign consultancies* ki dan diferan groupman - mon pe regarde, i annan ki'n monte i annan ki'n desann. Be selman i annan enn ki ariv 1.9milyon. Donn nou en pti pe leksplikasyon lo la silvoupe? Mersi.

### **MR SPEAKER**

*Thank you. PS?*

### **PS BENJAMIN CHOPPY**

Ok lo kote staffing DICT 95poursan son *workforce* i Seselwa. Nou annan - mon pou reponn ou dezyenm kestyón tou - nou annan 4 etranze, 4 *expatriates* ki travay ek nou.

E mon krwar mazorite ladan eksepte enn petet ki lo *expatriate contract*, bann lezot i osi i lo *local contract*. Sa lo kote *expatriate*. So sa larepons pou sa enn.

Lo kote *foreign consultancies* sa *additional* ki ou'n trouve, sa i *primarily* pou - i reflekte dan *NSP* pou sa. Sa akòz nou bezwen nou pe planifye servi pou fer sa *national* - sa ki nou apel en i parey sa ki nou apel en *national cybersecurity audit*. *Actually* i apel en *CMM* - en *Cybersecurity Model Maturity Assessment*.

So sa li ki pe son *cost* kot i sorti. E sa i pa en *expertise* yet ki nou annan lokalman.

### **MR SPEAKER**

*Thank you. Byen, next one Onorab Henrie.*

### **HON GERVAIS HENRIE**

Mr Chair mersi. Bonn apre midi tou dimoun. Mr Chair mon premye pwen i konsern *rent* 6milyon, e pa en kestyón me en komanter an vi ki VP i la.

Akoz sa bann sonm son a lonterm ki kout nou en kantite e mon krwar la nou merit koman en pei, fer plis zefor ki bann lorganizasyon koumsa, i annan en batiman kot nou pe bezwen depans lo *rent*. Letan sa *new regulatory body* pou antre li osi 2milyon, la in fini fer 8milyon. Be ler in fini pas 6an, 8an *it's a lot of money* pou *tax payers* peye.

So, mon ti ava kontan ki koman en pei tou le de kote latab nou tonm dakor ki sa nou adrese malgré ki serten dimoun pou vini pou dir be non, bann dimoun prive i fer batiman, i fer biznes ek Gouvernman.

Mwan mon prefere vwar ki sa larzan taks ki mwan mon depanse, i al dan Ledikasyon i al dan Lasante, i al dan Transpor - bann keksoz ki mon bann fer ek ser i benefisyé pli direkteman, olye ki en boug ki annan bilingue prive i vin pli ris.

Mon dezyenm pwen i konsern *receipt of DICT*, mon vwar i en pti pe pti gin. Mon panse krwar poudir zot ti en lorganizasyon ti kapab fer bokou. E sirtou letan mon vwar zot met sa *system development*. Ek lekel prensipalman zot bann kliyan? Mon ti ava kontan ganny en leksplikasyon lo la.

Konsernan *e-government*. *E-government* mon panse krwar ki i mank en pe piblisite otour sa size. Letan ou zwenn bann dimoun ki ansarz bann diferan MDAs, ou koz ek zot e ou vwar poudir *there's a lot of keksoz pozitiv* ki pe arive anndan.

Be solman nou piblik an zeneral nou pa konnen.

E vwala bann landrwa kot nou medya nasyonal i merit al rod bann lenformasyon, pase fer dimoun ki konnen poudir nou *public service* pe travay. E wi zot pa ganny li 100poursan toulstan byen me i annan keksoz ki pe arive dan nou pei.

E mon ti ava prefere osi vwar i ti annan dan lanbisyon en pe pli targete. Si mon pou konpar par egzanp - si ou get bann lakonpannyen telekominikasyon, tou le swar ou war zot an piblisite ki donn ou lenpresyon zeneral poudir zot pe vreman bouze avek letan.

E si nou *public service* osi ti pe kapab fer parey avek bann *online product* ki zot pe *rollout*, i ti ava fer nou dibyen. So i annan 3 pwen la Mr Speaker. *Rent, receipt* avek kestyon *e-government* pou nou annan en lanbisyon epe pli targete. Mersi bokou.

### **MR SPEAKER**

*Thank you. PS, yes?*

### **PS BENJAMIN CHOPPY**

Mersi Onorab. Lo kote *rent* wi - *I mean DICT* mon pa panse ki poudir nou annan en diferan lopinyon ki sa. Nou osi tou nou panse ennler ki i *better* nou ti annan en *purpose built-building* ek son bann facilite pou cater.

Selman sa tou letan i balanse avek bann *availability CAPEX* dan Gouvernman pou *actually* fer. Selman sa i en pti pe i en keksoz ki kekfwa nou al lo nou kote nou kapab tou letan sizere. Selman avek Minister Finans ki bezwen gete si sa i fezab *or not*. Selman *yes*, i en keksoz ki mon met li pou nou

kekfwa annan en diskisyon avek Minister Finans.

Lo kote *receipt*, wi nou *receipt* i *low*, akoz sa *receipt* aktyelman i sorti avek *payroll system*, ki lontan - ti annan en letan lontan kot Gouvernman ti premye annan *payroll system*. Prezan ti annan en bann lakonpannyen prive ki ti osi tou servi sa *payroll system*. E *historically* i annan serten ki'n reste.

Nou, nou - i *low* akoz nou pa pe met lanfaz lo la, akoz nou osi tou konpran nou bezwen kit lespas pou sekter prive kapab dan sa akoz i annan bann *payroll system* prive eksetera. So i pa en keksoz ki nou, nou *go out of our way* pou nou promote, komersyalize.

So sa i vreman en pozisyon Polisi. Depi en bon pe letan sa - depi mon krwar 2006 koumsa, konmsi kot nou pa oule ganny vwar, ki nou pe *compete in the private market*.

E la kommela i *low* koumsa, akoz nou annan zis forse 4, 6 lakonpannyen ki *still* pe servi. Mon pa konnen si mon oule mon dir zot non, pa bann - i pa kekfwa tro apropiye. I pa bann gro konpannyen sa. E i pa en keksoz ki *DICT* in ganny dir, konmsi i nou direksyon Polisi.

So pou nou sa i eksplike akoz i ptigit. E *overtime* amwen Polisi i sanze *overtime* nou *aim* se definitivman pa *compete* dan sa *space* e i devret desann to zero eventually. Sa nou lekspektasyon.

Lo kote target lo kote *e-government* wi, mon pou dir ou i annan en bon pe keksoz ki pe arive dan eternman e dan Gouvernman. Selman wi, mon bezwen admet sa pe en febles pou nou kominik sa deor dan piblik e *sensitize*. Nou pou

met plis zefor definitivman *end of the year - beginning of next year* pou nou sey amelyore.

Akoz ou bezwen pou osi tou i realize Onorab, pou kout nou i plito bann dimoun, bann analis, bann *software engineers*, i pa neseserman nou annan sa spesyalizasyon ki kot konmsi vreman konmsi zot nou bon menm dan komunikasyon. So sa en keksoz kekfwa nou bezwen travay en pe plis lo la, ouswa rod *expertise* ladan. Mersi.

### **MR SPEAKER**

*Thank you PS. VP a kontinyen.*

### **THE VICE-PRESIDENT AHMED AFIF**

Mersi Mr Chair. Mr Chair mon ti pe zis azout lo sa ki PS in dir an sa ki konsern *rent* avek sa kestyion reveni.

Lo kote *rent* mwan mon antyerman dakor avek ou Onorab. Nou pa kapab koman en Gouvernman, pe pey sitan bann gro sonm dan *rent*, ki ler ou kalkile ou ti a dir be ou ti'n ganny letan dan 3an, 4an fer en batiman pou ou menm. E ou annan absoliman rezon lo la.

Nou ki nou'n fer, se nou'n esey negosye otan ki nou kapab sa *rent* pou li vin en tarif abordab. Me i annan serten legzanp dan Gouvernman, kot nou pe fer mouvman lo kote sorti dan *rent* pou li dan batiman.

Par egzanp Libreri Nasyonal ki ozordi pe ganny refer, ki plis ki 5an - menm plis ki 5an mon krwar pa ti pe servi, ki la nou pe refer li pou nou zisteman Departman Kiltir ek lezot bann lorganizasyon ki *involve* dan kiltir plito, pou al bouz ladan *library*, eksetera.

*Independence House* i deza, Annex ti deza en legzanp ki pou vin pou Gouvernman, me selman Gouvernman in vin parey pey en *rent* selman efektivman i vin pour ou. Nou pou rod plizyer lezot legzanp;- enn ladan mon kapab mazinen se SRC, ki ozordi pe pey bann sonm ase sibstansyel dan *rent*.

E ankor enn fwa i pou fer, in fini komans prosedir pou annan son prop batiman e avek sa i pou sov li en kantite larzan dan *rent*. Onorab lo kote *rent*, ti osi annan en proze ki ti apel *Government House*. Zot a rapel ti en proze plizyer santenn milyon Roupi ki ti pou ganny finanse par Gouvernman Lenn.

Me pour serten rezon, sa finansman pou administrativ lo kote Lenn i pa'n materyalize; pa lo nou kote - in tarde. E alor sa in met nou retar, parske nou ti pe kont en kantite lo sa finansman, pou nou kapab ganny en batiman ki ti ava parey i dir *Government House* - bokou batiman Gouvernman ti ava antre ladan, ti a sov nou en kantite *rent*.

So, mon antyerman dakor ek ou me nou pou fer tou zefor ki nou kapab, pou nou bouz bann etablisman Gouvernman dan bann landrwa, kot i pa pou bezwen pey otan *rent*.

Lo kote *receipts* mon sel komanter se ki mon dakor antyerman sa ki PS in dir. Me osi nou pran kont poudir *DICT* son rol prensipal, se pou donn servis Gouvernman. Savedir dizon Imigrasyon i annan en problem ek son sistem, li i devret primordyal li, li ki premye pou al donn li sa lasistans.

E si i annan en lot Departman SRC, *Registration Division*, tou bann lezot landrwa - *Licensing* son latansyon, son resours i devret premye pou zot. E byensir li i pa pe sarz zot en *fee* parske ki Gouvernman li antre nou. So son latansyon i deza la. I deza kwense lo la.

Alor si nou pou dir ek li be *ok* be servi en pe ou resours, fer lezot travay dimoun an deor, i deza pa kapab delivre ase pour sa ki i bezwen fer entern, se sa rezon ki son *receipts* i en pe ba.

Me selman mon krwar zour nou'n ganny sifizaman resours, kot anndan tou keksoz pe mars byen, byensir i ava en keksoz ki mon krwar i fer sans pou nou regarde osi. Mersi Mr Chair.

### **MR SPEAKER**

*Thank you.* Bon si mon pa'n mank personn. Klarifikasyon.

### **HON GERVAIS HENRIE**

Zis en pti pwen, ki mon ti oule fer se ki ler mon dir bann bon keksoz ki pe arive dan Gouvernman, konmsi pou les biblik konnen-

E zisteman Mr Chair mon rekonforte parske dan Bidze *President's Office* ki nou ti vote bomaten, kreasyon sa *post* ki en dimoun i a kapab vin en portparol Gouvernman, ki ava komunik sa bann bon lenformasyon avek biblik. E pa pou fer politik ki mon krwar Lopozisyon bomaten pa'n sezi. Me zisteman pou nou biblik Seselwa konnen kwa ki pe pase dan nou pei. Mersi.

### **MR SPEAKER**

*Thank you. VP.* Panel i ti en komanter mon pa konnen si ot oule ...? Wi VP?

### **THE VICE-PRESIDENT AHMED AFIF**

Mersi Mr Chair. Mr Chair mon krwar Onorab in fer en pwen ki tre valab. Enn bann febles ki nou aksepte dan Gouvernman, se nou pa koz ase lo nou bann sikse. E nou devret koz - pa pou fer politik - me senpleman pou enform biblik Seselwa, pou zot konnen ki bann novo keksoz ki pe arive e pou zot kapab met enn avek enn pou fer de, pou zot konnen ki pe pase.

Akoz ler ou konnen ki pe pase, i fer ou mye kapab zwenn ek Gouvernman, fer ou bann tranzaksyon. Parske ou konnen novo servis ti la, me ou pa ti konnen sa i elektronik. I annan en kantite keksoz ki byento avek sa rezon elektronik ki nou pe mete otour pei, ki bann lakonpannyen prive pe mete.

Me an menm tan *DICT* pe devlop bann servis entern pou bann diferan Minister, ki pou fer ki en kantite tranzaksyon i pou komans ariv bokou pli vit e bokou plis a laporte dimoun, san bezwen neseserman al dan en biro.

So, o fir-a-mezir ki nou fer sa bann keksoz - o fir-a-mezir ki nou pou pran bann lezot desizyon ki afekte sitwayen, i enportan ki nou kominike. So, mon antyerman dakor avek ou Onorab nou pa fer sa pou okenn rezon politik, nou fer sa pirman pou fer pep Seselwa konnen ki bann servis ki nou pe anmennen zot laport. Mersi.

### **MR SPEAKER**

Bon mon ti pe dir si mon pa'n mank personn sa voyaz. Nou a prosede avek vot lo Bidze. Manm ki an faver lev lanmen silvouple. Pardon, mon pou demann zot en leskiz. Mon pa'n

nonm sonm Bidze e apre osi i annan sa *issue* si nou pou pran 2 vot.

Madanm Tamatave i a eklersi mwan mon konpran ki vot pou *DICT* i pou sa sonm R72milyon, 802mil e lot vot pou *Seychelles Communication Regulatory Authority* i pou R9milyon 276mil. Korek?

**COMPTROLLER GENERAL**  
**ASTRIDE TAMATAVE**

Yes, Mr Chair.

**MR SPEAKER**

Korek. Bon nou a prosede avek... Ou annan en pwen Onorab? Wi Onorab Pillay.

**HON SEBASTIEN PILLAY**

Mr Chairman ler mwan mon lir mon *Standing Order* nou pe vot lo *schedule* e *schedule* i sa *Appropriation's Bill* ki devan nou avek son bann diferan antite. Nou pe pran en vot lo *DICT* la, *following that* ou bezwen pe ouver en deba lo sa lot antite. Nou pa kapab pran tou le de vot ansanm.

Akoz sa lot antite lala son non dan Bidze i *Seychelles Communication Regulatory Authority* pou 9.2milyon. Nou pa pou kapab dir nou poudir ou pe fer en sel vot, be nou pa'n konsider sa antite dan bann kestyion.

**MR SPEAKER**

I vre. I vre wi ou annan en pwen lefe ki mwan aksepte sa pwen, lefe ki ler mon ti entrodwir Bidze mon ti dir *DICT* e mon ti mansyonn sa sonm *ok*? So la nou a pran vot pou *DICT* e apre nou a kapab konsider *Seychelles Communication Regulatory Authority*.

Donk mon re fraz mon lapel. Nou'n pare pou vot lo Bidze pou *DICT* ki lo paz 60 ziska 68 pou en total R72milyon 802mil. Manm ki an faver lev lanmen silvouple? Mersi. Tou Manm in vote. *Thank you. Ok.*, vot pou *DICT* pou R72milyon 802mil, 27 Manm in vot pour, 0 kont e 0 abstansyon. Sa laliny Bidze in aprouve par Lasanble.

Nou a konsider *Seychelles Communication Regulatory Authority*. Onorab Loze, wi.

**SEYCHELLES COMMUNICATION REGULATORY AUTHORITY**

**HON JOHAN LOZE**

Mersi Mr Speaker. Mr Speaker mon ti a kontan *raise* en *point of order*. Mon anvi kestyion *ruling* ki ou'n donnen pli boner anba *Order 60*. Baz pou ou *ruling* e baz lo lekel Onorab Georges in ale se ki *Bill* in ganny pibliye e Gazete.

*Order 60* i koz spesifikman lo antisipasyon deba lo en *Bill* ki'n ganny pibliye e Gazete ki nou pa devret pe antisip deba. So mon anvi koz en kestyion avek ou Mr Speaker pou nou Lasanble resevwar ou gidans, *is your ruling acting outside of the Standing Orders* Mr Speaker?

**MR SPEAKER**

Ok. Mersi Onorab. Non, *Bill*- pwen ki mon'n fer ki mon pe reste lo la, se *Bill* ki nou pe fer konsidere la se *Appropriation Bill, 2023*. So nou kestyion ki devan Lasanble se sa alokasyon dan *Appropriation Bill 2023*.

E i sa la nou pe konsider dan Komite bann alokasyon pou donn diferan ki dan sa *Bill*. So, nou pe debat lo *Seychelles Communication Regulatory Authority Bill*. Mon pe

esper ki sa i satisfe a Manm. Onorab Pillay, wi?

### **HON SEBASTIEN PILLAY**

Mr Chairman, be mon annan en problem avek sa *statement* ki ou'n fer. Inevitableman nou pou napa swa be pou nou entrodwir bann eleman ki dan sa *Bill*, pou nou kapab ganny en konpran bann eleman bidzeter. *Which would mean* ki nou pou bezwen pe pran bann keksoz ki pe konsern *Bill*, dan en lot deba ki pa konsern sa *Bill*.

Sa ki pe arive dan Lasanble, i fer dezyenm fwa ki i arive e mwan mon pe vwar sa en mank latransparans, me osi ki Lasanble Nasyonal pe vin zis en ekstansyon Egzekitiv. Akoz i kler anba nou *Standing Order*, *Order 60* i dir nou ki nou pa kapab antisip deba lo en *Bill*.

E sa ki nou pou pe fer ler sa i vini nou pou pe antisip deba e Onorab Georges i konn sa tre byen li! Problem ki nou pe rankontre dan sa Lasanble ozordi se ki, Gouvernman pe refize fer keksoz parey prosedir i devret ganny fer. E ou, ou pe - mon bezwen dir Mr Speaker - malerezman, malerezman mon bezwen dir, pour dir ou pe *aid and abet* Gouvernman. Ou pe *connive* ek Gouvernman.

E mon war ou pe swiv Gouvernman, zis pou fors nou pou pran bann Lalwa, pou pran bann provizyon bidzeter zis pou satisfer *schedule* Gouvernman. Par egzanp - e mon oule fer sa pwen la, nou'n ganny nou en Onorab taler ki'n koz lo *rental* pou sa *regulatory agency* e nou'n mansyonn R2milyon. I byen, ou'n mansyonn R2milyon. Be lala nou problem, nou problem nou napa en Lazans! Nou napa en Lazans.

E mon war i drol ki nou pa pe vwar sa en problem koman Lasanble ozordi, ki si sa ti'n aktiv dan sizyem Lasanble oubyen okenn lezot Lasanble, ki Onorab Georges ti pou dan Lopozisyon i ti pou proteste. Me ozordi *everything is being done is* pou satisfer L'Egzekitiv.

E mwan nou pou proteste kot sa kote latab, ki sa ki nou pe fer i mal e i kont nou *Standing Order*. E ki la aprezan la nou pe vwar nou privilez koman Manm Lasanble ankor enn fwa ganny vyole, par lefe ki non pa en Lazans ki'n ganny kree. Nou napa en *CEO* pou sa Lazans. Nou napa en *governing structure* pou sa Lazans. Nou pa konnen kote sa Lazans pou baze.

Sa ki nou pou bezwen fer e al demann kestyon an relasyon avek en Lalwa ki'n ganny pibliye e sa pou vedir ki nou pe antisip en Lalwa.

E mon lot pwen lo sa size Mr Chairman, nou'n ganny dir ki poudir si nou ti'n war Lalwa avek lamannman. Be sa i *presume* ki Lasanble in fini pas sa bann lamannman, in fini pas sa Lalwa. Ankor enn fwa sa i al kont lespri Konstitisyon. Anba nou Lartik 85 avek 86 ki dir poudir pouvwar Lezislasyon i avek Lasanble Nasyonal, pa avek Gouvernman.

Gouvernman pa kapab kre en antite san ki nou aprouve pou li fer. So, ki mannyer ou kapab dir nou Mr Speaker poudir i korek pou nou prosed dan sa fason, kan nou napa sa antite devan nou? Mon krwar sa ki ou devret pe fer se onor sa ki nou *Standing Order* i dir.

E si mon war ou par egzanp ozordi, ou deside dir ek mwan poudir be ou pe *disregard* Lord 60 nou *Standing Order* e ou pe

*disregard* Lartik 85 nou Konstitisyen, napa problem.

Be akoz ou forse parfwa pou enplimant nou *Standing Order* ki kan in ariv ler pou pini Manm lo mon kote latab, me ler in ariv ler pou fer Gouvernman onor son langazman anver nou Konstitisyen, ou pa pare pou fer li?

Mr Speaker mon enplor ou nou pa devret pe pran sa Bidze *until* ki nou war lekel ki pran sarz sa antite, lekel ki pou vin abord sa antite. Ki pou son fonksyon, ki pou son rol, ki mannyer son Lalwa pou ganny enplimante;- tou sa bann keksoz nou bezwen ganny li kler e pour le moman la nou napa en sou nosyon lo ki mannyer pou ganny fer.

E mon dernyen pwen final lo la, mannyer mon pe get Lalwa sa antite pou anba kontrol Biro Vis-Prezidan. So ki mannyer ou kapab dir mwan vot lo en keksoz ki mon pa konnen? Mon pa dakor ek sa Mr Speaker. Ou pe vyol mon drwa!

### **MR SPEAKER**

Mersi. Mon krwar bann pwen ki ou'n leve i pa afekte son alokasyon Bidze. Onorab Georges in lev lanmen. Pa antre dan en deba.

### **HON BERNARD GEORGES**

Mersi Mr Chair. Ler bann Onorab a kontan pou ekout mwan koze, mon ava koze. Mr Speaker nou pa kapab fer kankan dan sa Lasanble, ler napa rezon pou fer kankan. Onorab in lev en pwen lo *Standing Order* 60 in lir premye 5 ou 6 mo sa *Order*.

Sa *Order* i dir ou pa kapab antisip en *Bill* dan deba lo en Mosyon. *That's what it says.* Si i ti'n lir sa *Standing Order* i ti an konnen ki li i *out of order* - eskiz mwan pou dir. Napa Mosyon ki

devan nou la ozordi nou dan *Committee Stage* lo en *Bill*. Mon repete nou dan *Committee Stage* lo en *Bill*.

E Onorab Pillay bomaten ler in fer en lentervansyon, ki nou pa kapab fer en deklarasyon in blye ki nou pa dan *Question Time* la, kot nou zis demann kestyon. Nou dan *Committee Stage* lo en *Bill*. Ler nou kapab koz otan fwa ki nou anvi e ki ou, ou permet nou koze lo size ki devan nou. I pa en kestyon ki fodre ou zis demann en kestyon e ki nou ganny en repons parey Onorab in demande taler.

Lo kestyon antisipasyon pou mwan reponn Onorab ki asiz laba o bor laport, Mr Speaker i senp. *Order* 60 i dir ou pa kapab antisip en deba lo en *Bill* dan en Mosyon. E nou pa pe demann en Mosyon, *but in any event* si i ti lir pli lwen ki li i ti'n lir *Order 60(3)*, *Order 60 suborder (3)* i ti ava'n vvar ki nou kapab fer li ler sa keksoz *will be brought before the Assembly within a reasonable time. Set egzakteman sa ki pou arive.*

*Communications Bill* pou arive dan 2 semenn so is that not a reasonable time? Eskiz mwan Mr Speaker annan de fwa- e sa mon bezwen enplor *Leader* an fas mwan, annou aret sot lo tou pti keksoz ki arive pou rod en pwen, en pinez, en pis ler napa!

Annou fer bann propozisyon ler i merite, pou ki nou Lasanble i ava kapab devlop dan en fason normal e soutenab e rezonnab. Pa zis rod tou sort pwen, zis pou akiz Sekreter Zeneral Parti oubyen Mr Speaker ou Prezidan Parti. Se tou ki zot pe fer. Silvouple *grow up!* Mersi Mr Speaker.

**(APPLAUSE)**

**MR SPEAKER**

Mersi. Mon pe donn laparol VP i ti'n lev lanmen nou a ekout son pwen. VP.

**THE VICE-PRESIDENT AHMED AFIF**

Mersi Mr Chair. Mr Chair mon ti oule zis donn en pe lenformasyon, petet ki a ed Lasanble pou zot konnen ki mannyer nou pou pran sa size ki devan nou.

Mon krwar nou pa pe *anticipate* okenn *Bill* sertennman dan sa ka. Nou pe *anticipate* en *expenditure*. E sa *expenditure* i R9.3milyon e i annan 2 fason ti'n kapab ganny fer. Enn ki nou'n fe,r se pou *anticipate* sa *expenditure* pou met li dan sa Bidze, ki i pa vin koman en sirpriz an 2023 ki prezant ou pou bezwen al rod en Bidze Siplementer pou en Lotorite, ki ou ti annan lentansyon pas en *Bill* e prezant devan Lasanble Nasyonal.

Nou ti kapab fer sa lot opsyon espere pas en *Bill*, al evalye konbyen ti pou arive pou fer sa Lotorite, met son kou, komans *run* li tou, komans fer li apre pas en *Bill* Siplementer pli tar. Tousala i posib. Gouvernman ti kapab fer, me nou prefere fer li dan en fason onnet, pli byen.

Nou'n fini dir zot i annan en *Bill* ki deza ganny pibliye *Communications Bill*. Lentansyon se pou annan en *Regulatory Authority* e nou, nou'n deza si nou kapab diskit sa ozordi annan serten detay ki nou kapab donnen, akoz i arriv sa sif. Prezan byensir si zot aprouve, i pa vedir ki nou komans depans sa larzan - nou pa pou kapab depans sa larzan de tout fason.

Parske i pou bezwen non son Lotorite ki i pou ganny etablir, i pou bezwen annan son bann

apwentman administrativ. So tou sa bann keksoz i pou bezwen fer. I pou bezwen annan en warant i pou bezwen an en Bidze ki'n ganny kalkil byen lo zot kote ki'n ganny revize ki prezant tou sa bann keksoz.

E tousala se bann kontrol, pou napa okenn labi e mon pa krwar lentansyon prezant sa ozordi, se pour fors sa dan labous Lasanble, nou pa pe sey fer sa. Nou pe fer keksoz transparan. Nou pe dir si nou anvi fer en travay ki serye, nou krwar poudir lannen prosenn si nou tonm dakor pou annan en *regulator* i pou arriv R9.3milyon.

Nou pe met sa deza la dan Lasanble nou a depans li ler tou keksoz i an plas selman nou'n fini ganny son laprouvassy. Si zot pa oule fer li koumsa nou pa a konsider sa, apre nou vin ek en Bidze Siplementer apre ou a tann tou sa bann- "be zot pa ti konnen ler zot ti vini poudir ti pou annan? Pa ti dir pou napa sa bann sonm?"

Tousala i monte apre. Tou kalite fason fer li, me nou krwar nou pe fer sa dan en fason transparan, onnet, fran. E mon krwar annou fer li pli vit. Mersi.

**MR SPEAKER**

Mersi. Nou ti fer en gran deba o sa pwen lotrozour ler nou ti konsider *Homecare Agency*. Nou'n pas en kantite letan lo la, mon pou repet mon konklyzon.

Mwan mon pe prosede akoz mon war nou'n pran *Appropriation Bill*. Nou'n aprouv li dan *general merit* dan *Second Reading*. E prezant nou pe pran *Committee Stage* lo sa ki annan dan sa *Bill*.

Sa bann kestyion ki nou pe *demande* in ganny aprouve dan *Second Reading* e mon persyade ki

nou kapab kontinyen annord avek konsiderasyon lo *Committee Stage*. Bon wi mon a ekout Onorab Loze, Onorab Pillay apre nou a termin sa deba. Onorab Loze.

### **HON JOHAN LOZE**

Mersi Mr Speaker. Mr Speaker anba *Order 8* lo kondwir zeneral Lasanble mon'n poz a question to the Chair regarding ou ruling Mr Speaker.

Now mon bezwen konnen mwan, *is it on order* pou en Manm poz a friendly question to the Chair in the polite manner possible?

Si sa i posib e akseptab dan nou Lasanble, san ki Onorab laba ki kontan koz lo pis, *shampoo* e lisyen, pet son plon avek ou letan ou'n poz en kestyion byen poli to the Chair. Mon pa ni'n adres Onorab mwan.

Mon pa konnen akoz i pe vid son ral *ball* lo Lasanble Nasyonal la apre midi. Mersi Mr Speaker.

### **MR SPEAKER**

Mersi Onorab. Mon remersye ou e mon felisit ou pou legzanp, ki ou'n donne dan pou ou kestyion poliman e avek tou respe. Mersi. Onorab Pillay ou pwen?

### **HON SEBASTIEN PILLAY**

Mersi Mr Chairman. Mon krwar petet Onorab *Leader* lo sa lot kote latab, i pa'n war poudir i ti pe al mars ladan direkteman be sanmenm ki mon ti anvi fer.

Mr Chairman en keksoz ki Onorab pa pe dir ek ou se ki nou ti annan nou en *Motion for Second Reading* ok. E sa Mosyon ti for *Second Reading* ti anmenn avek li en deba. Right now nou pe move towards en *Motion for a Third Reading*.

Ler nou war en lenterpretasyon sa clause ki nou pe koz lo la dan nou *Standing Order* la, savedir i pe dir ou poudir ler en *Bill* i pa ankor ganny pase devan Lasanble, napa okenn dimoun ki kapab koz lo sa *Bill* apard ki Lasanble. Akoz se Lasanble ki annan *custodianship* sa Lalwa e selman Lasanble ki annan drwa pas en Lalwa dan sa pei.

Prezan dezyenmman, tou Lalwa nou bezwen an en commencement date oubyen i poi komans ler Lasanble i aprouv li, apre ki Prezidan in donn assent. Ok?

Now mwan mon pa konnen kan ki Prezidan pou donn en commencement date sa Lalwa mwan. Tro bokou keksoz i lo petet la. Sa ki nou, nou pe zis dir napa naryen pou fer ek *shampoo*, avek pis, avek lisyen la, tou sa ki nou pe zis dir tou senpleman, nou pe zis dir avek zot poudir sa prosesis ki nou fer ki konfirmen si en budget line i vin en parti sa schedule, ok?

Se la ki ou, ou demann sa kestyion avek Lasanble, pou demann Lasanble, eski sa laliny ki la ki lir 79milyon *whatever, it should be a part of the schedule* e la Lasanble i vote i dir wi oubyen non. Ler nou'n aprouv *merit* nou'n aprouv zis *merit* sa *Bill*. Nou pa'n prouv son bann budget lines nou. Akoz Lasanble i annan drwa sanz en Bidze by reduction.

So kestyion ki nou bezwen demann nou lekor, par egzanp Vis-Prezidan in dir nou se antite pou ganny kree eksetera, be Mr Speaker sa we stand la there is no entity. There is nobody doing that job.

Nou pe al met 9milyon dan Bidze ki pou ganny zis mete dan en budget line apre pou ganny

*managed par lekel nou pa konnen. Kote i pou ete nou pa konnen.*

*So ou pe demann nou just to go on the basics of trust avek Gouvernman e dir Gouvernman pou al fer sa dan sa fason? But this is not how Lasanble i devret operate. Lasanble i bezwen operate endepandaman avek Gouvernman! E si mon koleg lo lot kote latab pa ti'n ziz keksoz avek lakoler e sey vin donn nou en lesson i ti ava war dan kwa nou ti pe fer li marse.*

*Be senpleman anyway be that as it may nou, nou'n prezant nou pozisyon devan ou, ou pe ensiste pou al dan sa direksyon ki oule ale, akoz ou ki Speaker finalman ou ki pou determine ki mannyer ou anvi ale.*

*Be selman eventually Mr Speaker, eventually nou pou napa swa, me komans demann judicial review dan serten desizyon ki ou pe fer, akoz nou pe war.*

*(Off-Mic)*

### **HON SEBASTIEN PILLAY**

Mon pa pe menas Speaker mwan!  
Ki ou problemm?

*(Interruption)*

### **MR SPEAKER**

Ale silvouple, annou ekoute.  
Onorab ok ou'n al en bon pe letan  
lo la. Terminen silvouple.

### **HON SEBASTIEN PILLAY**

Mr Speaker, sa i an okenn ka en menas sa. Sa i zis en realite, akoz i paret poudir ou pare pou rule dan en serten fason kot Gouvernman i konsernen e dan en lot fason kot Lopozisyon i konsernen.

E zanmen ou pare pou ekout nou pwennvi, nou konsern an

relasyon ek en size ki vin devan Lasanble. E se sa nou problemm ki nou pe gannyen ozordi. So nou napa ankor pou dir ou lo la.

So si oule pran sa Bidze parey i ete ou pran li parey i ete, bann Manm i a bedwen al dan sa *Bill* pou zot konnen kwa ki sa Lazans pou fer, ki pou son fonksyon. ZOT ava debat sa ki pas dan *Bill*. And then byensir koz Gouvernman i annan son mazorite i presume poudir tou son Lalwa pe aprouve.

Me Lepep Seselwa i note poudir prezan nenport keksoz ki Gouvernman i dir Lasanble pou aprouve. Malerezman nou pe vin en rubber stamp.

### **MR SPEAKER**

Mersi. Mon'n terminen lo sa silvouple, Onorab Henrie. Nou a kontinyen avek konsiderasyon dan budget lo *Appropriation Bill* dan *Committee Stage*. Vis-Prezidan si ou annan en lントrodiksyon lo sa laliny Bidze nou a ekoute silvouple.

### **THE VICE-PRESIDENT AHMED AFIF**

Mersi bokou Mr Chair. Mr Chair sa provizyon ki'n ganny fer 9.3milyon pou Seychelles Communication Regulatory Authority i senpleman pe fer provizyon, pour ki nou bann fason ki telekomunikasyon i marse Sesel, se sa ki nou annan en Lotorite separe, san enterferans direkteman avek Gouvernman kot li i annan en *Board*, kot zot a regard tou bann laspe ki annan pou fer avek kominikasyon telecommunications dan pei.

Savedir zot pou responsab tou bann regilasyon, ki konsern par egzanp ki bor, ou lekel bann frekans ki ganny servi par bann diferan operater. Kote zot met bann

*tower.* Ki mannyer zot pou etablir zou fason *operate* dan Sesel avek tou bann kalite teknolozi ki annan.

Nou anvi fer li dan en fason kot nou pa'n ganny akize konmkwa Gouvernman atraver Minis, oubyen PS, i annan pouwvar pou entervenir dan sa domenn telekominikasyon. Ki ou annan ou en *regulator* ki en *impartial*, ki annan en *Board* kot ou annan *minimum* lenterferans avek Gouvernman.

En pti pe parey *Planning Authority*, kot i annan serten Manm dan sekter prive ki lo la kot Minis son pouwvar entervenir dan bann keksoz *Planning* i ganny redwir. Pareyman dan *telecoms*, lide se pou annan en regilater ki annan *minimum* lenterferans Gouvernman.

Kot bann operator zot santi zot konfortab ki avek sa novo *Board*. Sa novo lorganizasyon, zot santi zot konfortab pou al diskrit tarif, pou al diskrit zot bann frekans, pou al diskrit zot bann problem, san ki zot ganny vwar konmkwa sa regilater li i form parti. Konmsi li i kapab ganny enterferans Gouvernman. Se tou, se sa ki nou pe fer atraver sa.

Alor byensir pou ou annan en novo lorganizasyon, i pou bezwen annan en pe *staff* e sirtou bann *staff* teknik pou fer sa kalite louvraz. I pou bezwen al en pe lenfrastriktir. E dan sa provizyon ki nou pe fer pou 2023, se son *staff* teknik ek son *wages and salaries* pou annan en total R4.8milyon preski lanmwatye.

E larestan bann depans 9.3milyon i pou vin 4.5milyon e an gran parti i pou tonm anba sa ki nou apel '*other uses of goods and services*'. E anba la i pou bann fason ki zot pou servi, pou zot rod

bann *software*, bann keksoz ki kapab ed sa lorganizasyon pou li fer son travay regilatwar.

So se sa vreman sa Bidze i R9.3milyon, i pou tir en pe anba sa ki *DICT* pe deza fer ozordi. Parski sa travay i la, la i en travay ki *DICT* pe deza fer sa;- pa petet dan la fason ki i pe ganny anvizaze fer. Akoz ozordi i ganny vwar koman en Departman Gouvernman, ki pe fer sa.

Anba la i pou ganny vwar koman en regilater endependan. Byensir ou annan *budget heads* i annan en *Reporting Minister* ki vin avek. I pa vedir ki zot pou rapport avek Minis toulezour kot ki mannyer pou administre zot Lotorite. Parey *Planning* pa *report* avek Minis toulezour ki mannyer pou administre zot Lotorite.

Parey *Planning* pa *report* avek Minis toulezour pou konnen si pou dir wi si pou dir non, dan en *Planning Authority*, dan bann laplikasyon *Planning*. I en pti pe koumsa.

Mr Speaker so mon dernyen pwen lo la se senpleman pou dir ki, i annan plizer lokazyon kot Lasanble i aprouv bann sonm. Pa parey R9milyon, me parey R50milyon - R100milyon pou bann proze kapital, ki plan pa ankor ganny fer, *tender* pa ankor ganny fer, me i plito bann sif ki ganny mete dan Bidze, pe antisip en depans ki kapab ariv tan.

E sa i parey i pe antisip en depans si i pou al dan en direksyon, si Bidze Lasanble i aprouv en Bidze pou al dan en direksyon, kot nou pou annan sa separeman - i ganny fer separeman koman en Regilater - i pou ariv 9.3milyon, se tou ki nou pe fer.

E nou pe met sa fran onnetman devan zot, pou zot vwar

poudir sa se direksyon - si zot aprouve. Byensir avan premye sou i ganny depanse, i pou bezwen annan tou son bann eleman ki'n tonm an plas.

Nou pa pou kapab zis depans larzan. Nou pa kapab dir nou pou met 9.3, apre nou kontinyen *business as usual* parey nou dir. Parske i pa koumsa ki Gouvernman i devret marse.

Alor vwala Mr Speaker i 9.3milyon. Lanmwatye ladan i saler. Lanmwatye i *goods and services*, ki pou kouver tou bann kou ki nenport ki *regulator* pou rankontre; *rent*, elektrik, delo e bann lezot keksoz pou siport sa loperasyon. Mersi bokou.

### **MR SPEAKER**

Mersi. I annan kestyion lo sa alokasyon? Onorab Pillay.

### **HON SEBASTIEN PILLAY**

Mersi Mr Chairman. Mr Chairman mon oule zis klarifye en keksoz, akoz i riske ganny raporte koumsa. Baze lo sa ki'n fek ganny dir mon pa pou retourn dan okenn deba sa ki'n pase oparavan.

Vis-Prezidan in dir ki plizyer fwa ki nou aprouv Bidze 50milyon oubyen 40milyon pou ganny servi pou en proze. Be sa bann Bidze ki nou aprouve dan sa bann konteks pou sa bann dimoun i pe swiv nou, i an relasyon ek en antite ki deza egziste. I pa an relasyon ek en Antite ki deza egziste i pa an relasyon ek en antite ki pa egziste.

Par egzant 40milyon pou en proze kapital ozordi, i pou anba par egzant en Departman Lenfrastriktir. Ouswa i par anba SLTA, oubyen i pou anba en lot Lotorite. Menm i pou anba par egzant DICT si i konsern en proze

ki annan pou fer avek *cable* kab soumaren.

So i pou annan en Antite ki nou konnen poudir son *accounting officer* i responsab i annan en responsabilite pou sa Bidze. So mon ti a kontan ki nou pa konfiz le demenm si- mon konpran son largiman kote i pe vini. I bezwen defann Bidze Gouvernman i son rol koman Vis-Prezidan.

Be i mon rol pou fer sir poudir piblik pa ganny *misled* dan lafason ki keksoz i ganny dir dan Lasamble. Savedir keksoz i ganny dir dan en fason drwat e nou pa sey fer lekonomi avek sa ki devret ganny dir pou dimoun. Mersi Mr Chairman.

### **MR SPEAKER**

Mersi. Vis-Prezidan, mon asire ou'n ekout sa komanter ou'n note. Eski ou annan okenn... Yes, Vis-Prezidan.

### **THE VICE-PRESIDENT AHMED AFIF**

Mersi Mr Chair. Mr Chair mon bezwen dir poudir sa pratik in deza egziste. Par egzant si *Road Transport Commission* i ti dan Bidze *Appropriation head* pou plizyer lannen li. Selman ti annan en Act pli tar ki ti form li.

*IECD* byen bann nou letan ti dan *Appropriation Act 2014* ki ti ganny soumet avek Lasamble 2013, me son *Act* ki menm ti ganny aprouve an Desanm 2014. I annan presedans ki'n ganny fer.

Bon personn nou pa'n kestyonnen sa, personn pa'n kestyonnen tou sa bann keksoz. "Arr ki mannyer zot pe aprouv sa?" Akoz ou pe aprouv en sonm lo en prensip anba ki sa sonm pou ganny depanse. La nou pe propoz en sonm

R9.3milyon. E nou pe eksplike anba ki kondisyon i pou ganny depanse e akoz.

Napa naryen sekre dan sa ki sa *Regulatory Authority* pou fer, napa naryen ekstraordiner ki i pou fer. Me solman nou pe fer li dan en fason ki pli byen, ki bann operator ozordi i santi zot pou pli ale avek, akoz ou an en *regulator* ki endependan e i en keksoz ki pou bon pou Sesel.

Nou pa pe sey kas okenn Lalwa, mon pa krwar nou pe kas okenn Lalwa an fezan sa. Nou pe senpleman fer keksoz byen, transparan. Demen i pou annan en Lalwa ki devan zot, zot kapab kestyionnen, zot kapab fer bon keksoz.

Sa i zis en provizyon ki ganny mete. Si nou pa met li la nou kapab met li apre. Me nou pou bezwen vin ek en Bidze Siplementer. Nou pe dir, be fer li drwat e fer li senp. Mersi.

#### **MR SPEAKER**

Mersi VP. En fraz. Ale Onorab. Wi.

#### **HON SEBASTIEN PILLAY**

Mersi Mr Speaker. Sa en fraz. Seselwa ti vot pou sanzman pou fer keksoz diferaman. Mersi.

#### **MR SPEAKER**

Mersi. Onorab Henrie nou pa pe prolong deba ou annan en kestyon lo sa Bidze? Wi.

#### **HON GERVAIS HENRIE**

Mr Chair mon annan en kestyon lo Bidze. Parski mon vwar dan Bidze *DICT* ki nou'n vote avan dan *program 1*, non, *program 2* apre dan sa *regulatory body* ki pou kree son *program 1* i annan en similarite.

So mon anvi ki zot dir mwan eski sa 2 programm pou fer menm zafer, ouswa i annan enn ki pou ganny aboli, ouswa si lot ki pou pran? Akoz menm son bann *outcome indicator* i egzakteman parey. So mon oule zis en klarite silvouple. Mersi bokou.

#### **MR SPEAKER**

Thank you. PS i adrese.

#### **PS BENJAMIN CHOPPY**

Mersi Onorab. Pou an term *DICT* ek *SCRA*. *DICT* parey *VP* in endike, *DICT* deza pe fer sa louvraz *regulatory*. So li son *program head* ti *program 2*. So sa program si ou get byen dan pou *DICT* mannyer Finans in met li, i annan en *discontinuation 2023*.

So tou bann keksoz ki 2022. Akoz *SCRA* pa ankor an egzistans so i *still file* anba *DICT* e 2023 an montan ou pou trouve tou keksoz ki ti anba *program 2 actually* in transfer dan *SCRA*.

Lo kote *program 1* akoz *program 1* i zeneralman menm keksoz plito administrativ, zeneral. So, sanmenm tou Bidze okenn *MDA* ou annan en *program 1*. Sa fason ki nou'n ganny montre ler nou ti pe fer sa bann fason servi *RBM*.

So sanmenm sa *program 1* ou pa pou trouv sanzman *as such*, i pou *still* sa. Selman son *material change* pou dan plas, pou *DICT* pou nepli annan en *program 2*, pou ganny en nouveau *program 2* pli tar lo kote *SCRA*. Obviously sa i son *program 2* ki ti *ex-DICT* i vin ladan. Sanmenm sa Onorab.

#### **MR SPEAKER**

Mersi. Prezan nou a prosede avek vot lo sa Bidze. Manm ki an faver lev lanmen silvouple? Mersi. Manm

ki kont? Vot lo Bidze pou *Seychelles Communication Regulatory Authority* pou R9milyon 276mil, 19 Manm in vot pour, 0 kont e 11 in *abstain*. Mersi. Vot in aprouve par Lasanble.

Nou a kapab pran en poz la e nou a retournen dan en pti moman. Madanm Clerk mon konpran dapre *final schedule* nou pou pran *Seychelles Intelligence Service* avan e apre *Public Service Appeals Board*.

Bon mon remersye bann zofisyen *DICT* ki'n la avek nou pou sa e mon swet zot bon depar e bonn kontinyasyon. Nou a pran poz la e nou a repran 4er. Mersi.

**(BREAK)**

## **SEYCHELLES INTELLIGENCE SERVICES (SIS)**

### **MR SPEAKER**

Byenveni zofisyen *Seychelles Intelligence Service*. Mr Benediste Hoareau, son *Director General*. Leres nou'n rekonnnet.

Bidze *Seychelles Intelligence Service* i lo paz 38 ziska 41 pou en total R19milyon 376mil. VP ou lentrodikssyon silvouple?

### **THE VICE-PRESIDENT AHMED AFIF**

Mersi bokou Mr Chairman. Bonn apre midi ankor tou bann Manm Onorab e tou dimoun ki pe swiv nou.

Mr Chairman, Bidze *Seychelles Intelligence Service* ti R14.7milyon an 2022, son Bidze revize e an 2023 sa sonm pe ogmante pou vin R19.4milyon.

Sa logmantasyon i an 2 parti. Anfen zot a vwar son repartisyon ant saler avek *goods and services*.

Saler an 2023 i pou sorti R9.1milyon pou vin R13.4 milyon. Me son *goods and services* ki R7.7milyon an 2022, li i pou vin R6milyon, environ R300mil an plis an 2023.

Mandan *Seychelles Intelligence service* i pa sanze. Son manda i reste egzakteman parey i ti ete e parey Lalwa i donn li. Se pou anmas lenformasyon ki apre i ganny konverti pou vin lentelizans, ki kapab servi par bann diferan Lazans e Lotorite dan pei. Sa i ed nou pou nou ed Lotorite pou kapab fer travay non selman Sesel me pou ed lezot pei kot fodre. Me selman son bi prensipal se pou li ede dan defans sekirite Sesel kont tou bann kalite menas ki swa enteryer oubyen an deor ki pou afekte Sesel.

So, vwala Mr Chair, sa logmantasyon sorti dan *wages and salaries* ki 9.1 pou vin 13.4, i prensipalman pou donn plis resours SIS. Plis resours imen pou li kapab fer son travay pou rod lentelizans.

I enportan ki nou regard sa dan konteks sa lalit kont bokou tranzaksyon ilegal ki pe arive, non selman Sesel, me otour lemonn. Me son rol li se pou donn siper tou bann Lotorite e Lazans Sekirite isi Sesel.

E pou li kapab fer sa i pou bezwen plis resours pou li kapab fer sa e se pour sa rezon ki i annan sa logmantasyon.

Mon konnen poudir sa size ti osi ganny diskite lo nivo Defans - Komite Defans e alors mon mazinen i annan serten lenformasyon osi ki'n ganny pase avek zot.

Vwala Mr Chair, 14.7 ki vin ozordi 19.4 en pti logmantasyon, me selman nou satisfe poudir sa

pou ed sa lotorite pou fer son travay dan en fason efikas. Mersi bokou.

### **MR SPEAKER**

Mersi VP. Onorab Paul Ernesta.

### **HON PAUL ERNESTA**

Mersi Mr Chair. Bonn apre midi Mr Chair, VP, bann delegasyon. Tou bann koleg onorab, bonn apre midi.

Mr Hoareau i annan bokou konplent la deor ki dimoun pe dir zot telefonn pe ganny ekoute. Mon pa vwar naryen dan sa Bidze ki pou *deal* avek sa sityasyon. Eski ou kapab eksplik nou ki mannyer zot pou fer pou zot kapab adres sa bann problem. Mersi Mr Chair.

### **MR SPEAKER**

*Thank you. DG ou pare pou reponn. DG a pran laparol.*

*Carry on.*

### **THE VICE-PRESIDENT AHMED AFIF**

Mr Chairman, mon krwar i fer dezyenm fwa, trwazyenm fwa ki mon vin dan Lasanble pou defann Bidze SIS e sak fwa i menm kestyion. Eski nou pe ekout telefonn dimoun? Larepons, non. Lalwa i kler lo ekout telefonn.

I annan en Lalwa ki anba SIS ki dir poudir si zanmen zot bezwen entersepte telekomunikasyon konsernan en dimoun, i annan drwa fer li avek en warant ki i gannyen avek en Ziz.

Wi i kapab ganny fer, avek en warant avek en Ziz e sa i anba Lalwa SIS. So, vwala. Parey ou konnen, dan sa lemonn kot nou ete avek bokou telekomunikasyon, kriminel ozordi i 20 lepa par devan bokou dimoun. Pa neseserman lotorite, me zot pe fer keksoz dan diferan fason.

Fodre nou azour avek tou sa bann devlopman pou nou konnen ki pe pase, pou zot kapab efektivman zwe zot rol lentelizans pou pas lenformasyon avek bann Lazans konsernen pou kapab fer zot louvraz.

Napa okenn moman ki SIS oubyen nenport Lazans Sekirite, i ganny servi pou en lot bezwen apart son fonksyon nasyonal. SIS pa pou ganny servi pou en rezon prive, pou fournen dan keksoz ki napa naryen pou fer avek Leta. Se pa bi SIS. Nou pa pou fer li, nou pa pe fer li e mon kapab asir Onorab ki tou sa ki nou fer, nou pou fer li selon Lalwa ki egziste. Mersi.

### **MR SPEAKER**

Mersi VP. Onorab Andr?.

### **HON CLIFFORD ANDRE**

Mersi Mr Chair. Bonn apre midi panel. VP avek ou delegasyon. Letan mon pe get lo *new initiative funded* - parey VP in dir, ou annan en nonm *post* ki pe antisipe pou ou *fill* an 2023, 24 ek 25. Mon ti a kontan demann, atraver ou Mr Chair, VP avek DG, ki bann mekanizm ki zot pe met an plas pour ki zot ganny kalite bann travayer, ki pou delivre lo sa lobzektif e sa manda ki SIS i annan?

Apre mon ti a kontan donn mon lasirans avek Mr Hoareau ki nou etan Komite Defans nou pou donn nou sipor pou ki zot *achieve* zot manda e lo sa kote latab nou, nou pou donn sipor sa Bidze, avek sa pti klarifikasyon mon annan. Mersi.

### **MR SPEAKER**

*Thank you. VP? DG a reponn, wi.*

**DIRECTOR GENERAL - SIS - BENEDISTE HOAREAU**

Mersi Mr Chair. Bonn apre midi *Leader Lopozisyon*. Bonn apre midi *Leader Government Business*. Bonn apre midi tou Onorab. Bonn apre midi tou dimoun a lekout.

Onorab mersi pou lekspresyon sipor, apre osi mersi pou ou kestyon.

Nou annan an plas e i kontinyelman pe en sistem *recruitment* ase *robust*, ki tou dimoun ki ganny pran i pas atraver ser ten prosedir *without any exceptions*. E sa prosedir i teste ser ten keksoz *and that's no secret*, ki nou fer tou dimoun konnen.

E tou dimoun ki anvi *apply* avek *SIS*, i pa neseserman *skills* ki nou rode, me primordyalman latitud. Akoz si ou *skill* i bon, ou latitud pa bon ou pa pou kapab travay dan sa kalite travay, dan sa lanvironnman.

Nou kapab *train* en dimoun ki annan en bon latitud, nou pa kapab *train* en dimoun ki annan en move latitud.

So, nou annan en *recruitment* tre *robust* ki pran *anything from 3man, 6mwan up to 1an*. So, si ou fer ou laplikasyon ozordi i pou pran ou *maybe 6mwan* pou nou donn ou en larepons. Nou pou dir ou nou'n resevwar, nou pou fer tou bann prosedir kourtwa pou dir ou nou'n gannyen, epi nou pou pas ou *through the system* ki enkli *vetting*, ki dan nou Lalwa. I dan nou Lalwa *vetting*. Dapre nou Lalwa.

E ladan apre nou pas bann letap, nou dir ou swa ou'n gannyen, swa ou pa'n gannyen. So, nou an kontinyelman pe *improve*. Anmezir ki nou ganny dimoun dan ladministrasyon, anmezir ki nou ganny bann keksoz ki nou kapab

met an plas. I annan ser ten keksoz ki nou bezwen met an plas. Sa sistenm pou vin pli *robust* ankor. En mannyer ki nou kapab *streamline* pou nou asire.

Mon pa konnen si mon'n reponn ou kestyon Onorab? Mersi.

**MR SPEAKER**

Byen, mersi *DG*. Onorab Cosgrow.

**HON WALLACE COSGROW**

Mersi Mr Chair. Mr Chair, mon pou oule ranforsi en pti pe lo sa kestyon ki Onorab Paul Ernesta in demande. Annefe *VP* dan son repons in konfirmen ki *SIS* zot ekoute telephon, akoz in dir i annan en Lalwa ki permet zot ekoute. So, i pa'n *dismiss* sa. I annan en provizyon Lalwa ki permet zot ekoute.

Mon ti a kontan demann *DG*, eski zot in fer bann *request* avek Lakour pou ganny en warant. I annan bann ka ki zot in fer, ki zot in bezwen entersepte telephon dimoun. Akoz deor i annan bann dimoun ki *feel* - i en santiman, i en lekspresyon ki dimoun pe eksprimen. Bokou dimoun ki *feel* zot telephon i ganny ekoute.

Petet la i en letan konmsi pou, *to put it to rest*. Akoz i annan en konsern deor e zot *feel* i afekte zot dwa laliberte lekspresyon e osi zot *feel* entimide. E pa zis telephon, zot pe mazin osi bann keksoz parey *social media*. Menm si ou pa kapab antre direkteman dan son *social media page or profile*. Me selman pe ganny sirveye.

So, eski sa i en keksoz ki *SIS* i fer? Ekliersi nou silvouple e konbyen petet *case* ki zot in anmenn devan Lakour pou ekout telephon *or*, dan zot travay mon pe dir ou. Mersi bokou.

**MR SPEAKER**

Thank you. VP lekel ki pou adrese?  
Ou a pas avek DG. DG?

**DIRECTOR GENERAL - SIS - BENEDISTE HOAREAU**

Onorab, mersi pou ou kestyon. Mon krwar parey trwazyenm voyaz mon ganny sa kestyon e trwazyenm voyaz mon larepons pou parey. Parey mon ti dir lannen pase, si nou ti probableman devan en Komite Sena Lanmerik, mon ti pou dir ou *I cannot confirm nor deny* sa kestyon. Me selman vi ki nou la, pour lemoman mon ankor kapab reponn sa kestyon.

Dan nou Lalwa i fer provizyon pou entersepte telefonn. I dan Lalwa sa. Kan i neseser, anba en keksoz ki nou apel, ou bezwen annan ou en, (ki mannyer i apele dan Lalwa?) Ou bezwen annan en rezon, sa mo pa pe vin dan mon latet la - '*reasonable suspicious*. '

So, nou Lalwa pa permet nou, deside get en dimoun lo semen pou dir *ok*, mon anvi ekout son telefonn, *bla, bla, bla*. Now, having said that, lannen pase mon ti dir, tou pei o monn, pei demokratik, i fer entersepsyon telefonn. Tou pei i fer sa anba Lalwa. Petet i annan lezot pei ki fer *otherwise*.

Nou, mon ti dir, *when we come to that bridge, we'll cross it*. Selman sa bann dimoun ki zot telefonn pe ganny ekoute, mon pa konnen lekel ki pe ekoute. I definitivman pa SIS. Zour nou pou komans ekoute, nou pou vin dan Lasanble nou pou dir ou nou pa kapab reponn sa kestyon. Mon pa konnen si in reponn ou kestyon Onorab.

**MR SPEAKER**

Mersi. DG. Bon mon napa lot kestyon lo sa Bidze. Onorab Pillay.

**HON SEBASTIEN PILLAY**

Mersi Mr Chairman. Premyerman mon oule swet labyenveni Mr Hoareau dan Lasanble Nasyonal pou vin reponn bann kestyon pou son antite ki i responsab. Petet Vis-Prezidan i kapab ed nou avek sa larepons akoz i annan en *statement* ki ti deza ganny fer dan Lasanble. Ler mon regard Bidze SIS, apart ki son konponan wages and salaries, son konponan rent, sa i paret petet bann pli gro konponan dan son Bidze, ki pran plis larzan dan son Bidze.

Me nou osi okouran koman Lasanble ki i annan lezot provizyon finansyel, ki Gouvernman i servi pou aste lekipman pou bann antite sekirite ki Minis Fonseka ti deza konfirmen avek nou devan Lasanble, ki annan sa kont labank ki egziste ki Gouvernman i servi.

Eski Vis-Prezidan i kapab dir sa ki nou pe *presume* pou demann okenn kestyon ki par son natir i sekre, me an vi ki i konsern larzan Leta, eski Gouvernman pe servi sa serten sonm dan sa kont, pou aste serten lekipman pou bann antite sekirite, ki nou pa pe vvar atraver bann Bidze ki la devan nou? Sa i mon premye kestyon.

Mon dezyenm kestyon i an relasyon avek sa 1.2 milyon pou *information awards*. Mon osi vvar ki anba lapolis nou annan en menm konponan *information awards*. Mon ti a kontan demann Vis-Prezidan e apre pou Mr Hoareau ed nou avek sa larepons, lekel ki *monitor* e regarde ki mannyer sa bann *information awards* i ganny depanse? Pou lenformasyon Lasanble e R1.2 milyon anba nou

konponan bidzeter. Mersi Mr Chairman. Sa i mon 2 premye kestyon.

### **MR SPEAKER**

*Thank you. VP, wi ou a komanse.*

### **THE VICE-PRESIDENT AHMED AFIF**

Mersi Mr chair. Mr Chair, mon napa okenn lenformasyon ki dir ki *SIS* ozordi pe servi okenn *special account* ki pa dan Bidze. Mon'n demann *DG* ki la o bor mwan, i pa pe servi okenn *special account* pou li aste okenn lekipman e okenn zouti pou travay avek ki zot pe servi en *special account*.

Tou sa ki zot depanse pou zot ozordi, i dan sa Bidze e se pa atraver en kont Gouvernman, *special account* ki nou'n abitye vwar dan lepase ki zot pe *operate*. Sa lo premye.

Lo *information award* mon mazinen i annan diferan *budget head*. Par egzanp ou'n mansyonn Lapolis i annan pou li. I annan serten travay ki Lapolis i fer ki endepandan avek travay lentelizans.

Kekfwa zot annan zot *CID*, zot lezot keksoz ki zot pe fer, ki napa naryen pou fer ek lentelizans e zot, zot administre zot prop *information award*. *DG* petet i kapab donn plis lenformasyon lo ki fason son seksyon i zer sa kont. Mersi.

### **MR SPEAKER**

*Thank you. DG ou a kontinyen.*

### **DIRECTOR GENERAL - SIS - BENEDISTE HOAREAU**

*Thank you, Mr Chair. Thank you Leader Lopozisyon pou ou kestyon. Parey mon ti eksplike lannen pase, nou *information award* avek pou*

Lapolis i de diferan antite. So, nou pa pou konnen mannyer Lapolis i zer pou li. Me selman mon konnen normalman zot zer pou zot koman en rekompans, pou zot letan zot in dekouver en *case*, mon mazinen, mon pe prezimen.

Pou nou i tout en konponan kot i *start from recruitment, developman - selection, recruitment, developman of potential sources*. I pas antye ladan e tou sa bann *sources* zot bezwen ganny proteze dan en fason oubyen en lot, zot idantite.

E nou annan nou bann rikord nou kite of course somewhere e i la. I pa en antite ki pou devwal avek nenport ki dimoun. Selman lodit ti pas kot nou, zot ti ganny en apersi lo *general spesifisite*.

E osi lot konponan ki kapab *request* pou vwar sa *fund* ki mannyer in depanse, se *National Security Council*. I kapab vwar e demann en leksplikasyon si zot santi poudir i annan en labi ladan.

Me selman pour lemoman mon krwar malgre ki nou napa ase dimoun pou nou kapab ankadre keksoz byen, nou rikord i *up-to-date*, i annord e i ganny accounted for ki mannyer in ganny depanse. Mon pa konnen si in reponn kestyon.

Mon pa oule al tro an detay pou mon pa donn serten *operational secrets*. *Thank you, Mr Chair.*

### **MR SPEAKER**

*Thank you. Wi, ou pwen kalifikasyon Onorab.*

### **HON SEBASTIEN PILLAY**

Mersi Mr Chairman. Mr Chairman, mon ti lo premye Komite Defans ki

ti travay lo - an relasyon ek sa Lalwa. So, mon konn tre byen bann size operasyonnel ki nou ti diskite avek Mr Hoareau ler ti ganny apwente. Vis-Prezidan Afif ti la sa letan.

Be mon ti ava kontan Vis-Prezidan petet konfirmen pou nou, nou ti ganny dir a en sesyon kestyion dan Lasanble Nasyonal, ki i egziste en *special account* atraver ki Gouvernman i fer serten *acquisition*. E i annan bann signatories ki lo sa kont - ki mon pa pou al dan detay la akoz i ava pli pertinan pou mwan koz lo la ler Minister Finans i vini.

Sa ki mon oule fer sir nou ganny byen la. Mon pa ti a kontan met ou dan pozisyon ki pou konprometan Vis-Prezidan pou konfirmen *or deny* i annan sa kont, akoz apre ou pou dir mon pe fer politik bonmarse avek.

So, mon ti a kontan fer sir ki nou klarifye ki ler mon pe regard *internet* pe monte. Mon pe regard lezot aktivite ki sa Lazans pe fer, mon konsernen ki i annan lezot akizisyon lekipman ki pe ganny fer *off the books*, ki nou koman Lasanble nou pa pou vwar.

E mon pa ti a kontan ki sa i arive, san ki menm Komite la Defans i ganny loportinite pou li eksplor kwa ki pe arive.

So, mon ti a kontan zis ganny sa konfirmasyon avek Vis-Prezidan ki sa pa pe arive. Zisteman ki a dan laliny pwen ki'n ganny souleve par Onorab Cosgrow, ki byensir *DG SIS* pa kapab *neither deny or confirm*.

Me in *actually* dir nou poudir zot annan kapasite pou fer li. *That is* ekout telefonn dimoun si i annan en nesesite pou fer li. Sa i kler, in al dan domenn piblik, tou dimoun i konpran sa.

So, eski Vis-Prezidan i kapab konfirmen ki napa akizisyon ki'n ganny fer, oubyen eski i ti a prefere al regarde pou vwar si i annan?

Mon dezyenm kestyion Mr Chairman. Mersi bokou pou donn mwan loportinite pou klarifye mon bann kestyion. Ler mon vin lo sa pwen *information awards* ki mon'n koz lo la, nou konpran ki i annan *cultivation of a source* dan prosesis pou etabli li koman en *source*.

Mon kestyion pou ou, eski parmi sa bann *cultivation of* sa bann *sources* ki ou pe rode atraver sa R1.2 milyon, eski sa i enkli osi *cultivate* bann *source* parmi bann parti politik, dan en fason etabli kwa ki sa bann parti politik i annan lentansyon fer e ki pou *direct* an direk konfli avek drwa lasosyasyon dan nou pei? Mersi Mr Chairman.

#### **MR SPEAKER**

*Thank you. VP ou ava adrese?*

#### **THE VICE-PRESIDENT AHMED AFIF**

Mersi bokou Mr Chairman. Mr Chairman lo premye kestyion mon krwar mon'n deza reponn. Nou pa pe servi e *DG* in konfirmen. Nou napa okenn *special account* ki zot pe servi pou aste lekipman. Mwan sertennman mon pa okouran. *DG* i dir poudir i pa pe servi okenn *special account* pou li aste lekipman.

Par kont i posib ki atraver bann Lagreman ki annan avek lezot pei ki zot travay avek i posib ki i annan lezot pei ki etabli serten fason loperasyon, parski zot konteks loperasyon i pa zis Sesel li. I aletranze.

So, i annan tou kalite kolaborasyon ki ganny fer. Me sertennman tou larzan ki zot

depanse pou SIS ki zot bezwen depanse, i pas atraver Bidze. Si i annan *special account* ki ganny servi, mwan mon sertennman. Sa bann ki'n ganny etabli dan lepase, mon pa okouran ki Gouvernman pe servi okenn sa bann *special account* pou *purposes of* sa Bidze ki la devan nou. Mon pa kapab dir ou, mon pa konnen. DG i dir zot pa pe servi.

So, mon kapab asir ou Onorab, nou, nou fer keksoz selon Lalwa. Nou fer keksoz dapre Lalwa. SIS ki selon son manda e *rien d'autre*. Mon a permet avek ou permisyon ki DG i a kapab reponn larestan kestyion lo bann sour. Mersi.

### **MR SPEAKER**

DG ou ava pran laparol.

### **DIRECTOR GENERAL - SIS - BENEDISTE HOAREAU**

*Thank you Mr Chair. Thank you Onorab pou ou kestyion. Mr Chair, ler mon dir nou annan provizyon anba Lalwa, nou legally authorized to do. Mon'n pa'n definitivman dir poudir nou annan kapabilite pou fer. Sa i 2 diferan keksoz. E mon'n fer kler poudir when we come to that bridge, we will cross it. Selman pour lemoman nou pa pe fer.*

Prezan en pti keksoz mon ti a kontan met devan Lasanble Nasyonal, *the fact* ki mon pe asiz la, reponn sa kestyion *to* en *certain extend*, i met nou pei a risk. Akoz *as part of counter intelligence* tou dimoun ki deor, *whether i i en pei etranze, whether i en biznes, whether i en kriminel, i en dealer or whatever*. I kapab *assess* ou kapasite e ou pei ki kapab fer epi ki i pa kapab fer.

Nou, nou en pti per poudir dimoun pe ekout nou telefonn.

*Right now deor dimoun pe servi dark web pou order zot bann marsandiz ilegal. So, nou way behind en ta lezot zafer. So, si nou ti Izrael. En pei parey Izrael, tou lede kote latab ti pou annan en threshold ki nou ti pou dakor poudir we don't cross. Akoz i afekte - i pou annan en lenpak a longer ditan lo sekirite pei.*

Lo kestyion award servi pou ekout, swiv parti politik. *Seychelles Intelligence Service* i en servis pou *United Seychelles*, i en servis pou LDS, i en servis pou - mon pa konnen konbyen parti politik i annan. I en servis pou Larelizyon, tou Larelizyon ki annan Sesel. I en servis pou tou Seselwa.

So, nou pa fer okenn keksoz ki annan pou fer avek politik. Par kont si zanmen Onorab Pillay i ganny menase, i pou nou louvraz pou fer sir ki Onorab Pillay i ganny proteze. Si Onorab. Pardon?

Si Onorab Adelaide, nou bezwen. - Si en nenport sitwayen, si en Prêt. So, nou a la mezir dan lentelizans, nou bezwen dan en pozisyon *as much as possible* pou nou kapab fer sa.

Nou, nou pa distenge ant ou kouler politik. Nou pa get sa ditou. Mon'n deza dir sa e i en lapriyer ki mon fer tou nou bann dimoun. Zot ganny fer, mannyer ou apel sa, *induction*. Dimoun i kapab asiz kot Lorloz - avek respe *of course* mon dir sa, dir tir Wavel. Sa i son problem sa. Politisyen i kapab dir, fer zot stratezi ki mannyer zot pou tire 2025. Sa pa nou problem sa.

Nou problem i pou vini zour sa dimoun i dir fodre nou met en boulet dan son latet. La i sanz. Akoz parey pou dir pou met en boulet dan latet Prezidan, dan latet VP, dan latet Onorab Pillay, dan

latet Onorab Lemiel, dan latet Onorab Georges, dan latet en sitwayen Seselwa, i vin en lentere nasyonal e *this changes the game*.

Si ou debout kot Lorloz, ou kriye, ou zour Prezidan. Sa *sorry*, sa Lapolis ki a *deal* avek. Pa nou. Akoz politisyen i fer politik, zot ki dan Lopozisyon ozordi, zot anvi vin dan Gouvernman demen. So, zot bezwen fer zot politik pou vini.

Tou Onorab dan Lasanble e tou Seselwa krwar mwan, nou annan problemm bokou pli grav Sesel pe arive, ki nou pa pe vvar, pou mwan oubyen *the service focus on* en zafer koumsa, partizan oubyen ekout telefonn.

Nou annan etranze *right now* dan en fason *very* diplomatik, pe anvai nou pei, nou pa pe vvar. Pe aste tou nou later, nou pa pe vvar. *Loan* pe ganny donnen pou naryen, *interest free* avek serten landrwa, zis avek serten group.

I annan en kantite keksoz ki pe pase ki en zour, zour nou *wake up* i pou'n tar. E nou dan lentelizans i form parti nou louvraz pou alert Gouvernman, pou alert Lasanble, pou alert tou kous lasosyete pou dir, *this is happening* e i vin pour tou Seselwa, Onorab.

Pa *whether* ou sipor sa enn, akoz dan nou servis - dan nou servis i annan dimoun, ou dominasyon Larelizyon. Tou dominasyon politik e zot travay tre byen. Napa person ki lager ek personn akoz naryen e zot kapab dir ou, napa personn ki'n deza ganny arvoye poudir al gete ki Onorab Pillay pe dir. *Well at least* sa ki mwan mon konnen.

Mon pa konnen si mon'n reponn kestyon Onorab.

### **MR SPEAKER**

*Thank you DG.* Mon sansib ki ou'n eksprim osi rezervasyon ki pa devret dir tro bokou. So, nou a satisfe ek sa.

Mersi, mon napa lot kestyon, mon a pran vot lo Bidze pou *Seychelles Intelligence Agency*, lo paz 38 ziska 41, pou en total R19milyon 376mil. Manm ki an faver lev lanmen silvouple? Mersi. Okenn Manm ki vot kont? *Thank you.*

Lo vot pou *Seychelles Intelligence Service* pou R19milyon 376mil - 21 Manm in vit pour, 0 kont e 8 Manm in *abstain*. Lasanble in aprouv sa laliny Bidze.

Mon a dir mersi Mr Hoareau, *DG*, sa servis e mon swet li bonn kontinyasyon dan son travay. Nou pou pran en *pause sanitizing*. Mersi.

(technical break)

### **MR SPEAKER**

Mersi. Madanm Clerk in donn mwan lenformasyon ki lot delegasyon *PSAB* i *on the way*, zot pres pou arive. Nou a pran en *technical break* 10 minit. Nou a re pran 4er 45. Mersi.

(technical break)

### **OFFICE OF THE PUBLIC SERVICE APPEALS BOARD (PSAB)**

### **MR SPEAKER**

Byenveni bann zofisyen *Public Service Appeals Board*. Mr Brian Julie, son Chairman. Mrs Lisette Belle e Mr Gerard Julie, Manm *Board*. Nou pe pran Bidze pou sa antite ki lo paz 118 ziska 120 pou en total R1milyon 137mil.

*Chairman, ou a fer en pti lentrodiksyon lo ou Bidze silvouple.*

### **CHAIRMAN PSAB BRIAN JULIE**

Mersi Mr Speaker. Mr Speaker, mon byen kontan mon vin devan zot ankor pou la dezyenm fwa. Donn zot en pti apersi lo kwa ki nou'n *achieve* depi ler nou'n ganny elekte. Depi ler nou'n ganny nominen lannen pase.

Parey mon ti dir dernyen fwa, nou ti bezwen komans depi *from scratch*. Sa ki nou ti obtenir avek ansyen *Board*, parey mon ti dir, ti annan en *dispenser* apre 4 madanm. Nou'n reisi servi nou 4 madanm, nou pa'n kapab servi *dispenser*.

So, parey zot konnen *PSAB* i ganny etabli anba Lartik 145 dan Konstitisyon. Pandan sa dernyen lannen ki nou'n bezwen fer, nou'n bezwen avek led Minister Finans, nou'n ganny en pe larzan ki nou'n kapab re meble nou landrwa. Nou'n aste computer. Nou'n aste *furniture* e nou'n sanse pou nou ganny en biro ki nou'n transform li koman en pti Lakour.

E mon fyer pou dir ki sa pti Lakour i byen zoli akoz nou'n akey Minis, nou'n akey *PS*. Nou'n akey *DGs* e bokou zofisyne dan Gouvernman.

E pandan sa dernyen lannen nou'n kapab etabli en sistenm, kot nou'n kapab *deal* avek bokou bann *case* ki pa ti pou nou. E menm ki nou ti konnen sa bann *case* pa ti sipoze tonm kot nou, nou ti bezwen resevwar sa bann dimoun e eksplik zot ki nou napa sa manda pou ekout zot *case*.

E nou ti annan apepre, parey zot a vvar dan sa pti rezimen, apepre ti annan 34 nouvo apre 64 vye *case* ki nou'n *deal* avek.

A ler aktyel la nou annan nou zis apepre 5 ou 6 *case* ki pa ankor *deal* avek, pou serten rezon ki nou bezwen pran en pti e plis letan pou pas lo bann *submission*.

E la pour lemoman nou bann *challenges* ki nou annan, se nou pa'n ganny letan kree en *website* ki nou espekte fer lannen prosen. Nou'n ganny sans al Praslin pou nou ekout bann *case* Praslin. Nou'n etabli en bon sistenm, kot sa *case* ki antre i antre lo en sistenm kot tou manm i annan akse avek, tou manm i annan en *laptop* kot zot, zot kapab ganny akse avek *verbatim* e zot kapab delibere e apre pran en desizyon lo sa *case*.

An se ki konsern nou finans, nou fyer pou dir ki nou'n servi li byen e mon ti a kontan osi remersye Minister Finans ki'n konpran nou. Nou ti bezwen en pti pe larzan an plis, akoz nou ti'n ganny sa lasal pou fer nou *hearing room*. E nou ti bezwen en pti pe larzan an plis kot in kout nou apepre 16mil pou tou biro ki nou annan e Minister Finans in ed nou e nou'n kapab *meet* nou bann *expenses*.

A ler aktyel nou napa okenn problem, okenn konsern. Nou pe zis fer sir ki la koman en dimoun i vini avek en *case*, nou dir li la pou la, *sorry* nou pa kapab etabli lot *case*. E la mon bezwen osi demann en lapel pou bann dimoun ki anmenn *case* devan nou, sirtou bann *Union*. Menm si zot konnen sa bann dimoun pa kapab met *case* devan nou, zot *still* vini.

E nou pe demann zot pou edik en pti pe zot lekor, pou fer sir zot konnen en pe Lalwa. Lartik 55 dan Konstitisyon i dir ki bann *case* ki nou kapab resevwar e kapab *deal* avek.

So, petet a lavenir zot a pli konpran e sa bann dimoun pa pou vin kot nou, perdi 3mwan, 4mwan apre pou dir zot ki zot *case* pa sipoze vin devan nou.

Mr Speaker, mon krwar sa en pti lentrodiksyon ki mon ti a kontan fer amwen ki apre nou a kapab reponn kestyion. Mersi.

### **MR SPEAKER**

Mersi. Tre byen Mr Chairman. Nou a pran kestyion bann Manm. Onorab Cosgrow.

### **HON WALLACE COSGROW**

Mersi Mr Chair. Bonn apre midi panel. Mr Chair, zisteman mon pe get Lartik 146(1) nou Konstitisyon an se ki konsern sa dernyen pwen ki Mr Julie in refer lo la.

Ou konnen nou Konstitisyon i enn ki ti vin an fors depi an '93 e sa letan petet, letan ti pe drafte sa bout *PSAB*, zot in met sa bann fonksyon or sa bann *case* ki *PSAB* i kapab ekoute.

Ozordi nou pou preski dir, konbyen 30an apre ki Konstitisyon in vin anfors. Now, eski akoz mon konnen i annan en kantite dimoun ki vin kot zot, ki vvar zot dan en milye, ki zot *case* pa kapab ganny ekoute par *PSAB* e zot napa en rekour devan Minister Lanplwa.

Ti annan serten rekour kot *Department of Public Administration*, akoz zot ti annan en prosedir ki zot kapab ekoute serten *grievance* anba la. Me ou ava dakor avek mwan ki si sa dimoun in ganny dezavantaze dan *public service*, then i pa kapab al kot *DPA*. Ti ava bon annan en rekour an deor.

Now, eski zot *PSAB* zot anvizaze petet revwar sa levantay *issues* ki zot ekoute. Par egzanp la

zot pe ekout *appointment in office, promotion, disciplin proceedings in respect to an officer, termination of employment*. Me selman si en dimoun i annan en *grievance* an term son larzan, son peyman saler, son bann *overtime*. Son bann lezot benefis. Zot pa kapab antre ladan.

So, eski zot, zot pe fer demars pou petet revwar sa pour ki nou sitwayen, sirtou bann ki dan sekter piblik i a kapab annan en rekour, e en rekour dan en landrwa spesifik kot zot kapab *sort out* zot problem. Mersi bokou Mr Speaker.

### **MR SPEAKER**

Thank you Onorab. Chairman.

### **CHAIRMAN PSAB BRIAN JULIE**

Mersi Onorab pou ou kestyion. Nou is nou en pti pe konsernen, akoz aktyelman la nou annan ka devan nou ki dimoun ki'n ganny *terminate* zot in dir nou koumsa si nou kalkil zot benefis. Nou pa fer zot ale. E dan bon pe ka, menm nou pa ganny drwa *deal* avek, nou konstate sa bann anplwayer pou dir zot koumsa si zot kapab *at least* donn en *breakdown* sa dimoun son benefis.

Me selman nou, nou menm nou, nou pa kapab fors en anplwayer pey en dimoun son bann *terminal benefits*. Akoz *right now* mwan mon'n bezwen al devan Lakour 3 ou 4 fwa pou reponn bann ka ki *judicial review* pou bann *case* ki'n pase avan nou - ki pa ti pou nou.

Pou nou ziska aprezan nou napa okenn *case*, okenn ka kot dimoun in *judicial review* kont nou desizyon. Me selman mon konpran Onorab ki ou pe dir, i annan de ka zot vini, zot pa konnen konbyen zot devret gannyen e nou, nou pa

kapab sey kalkile pou dir avek sa anplwayer pey li.

So, sak anplwayer ler i *terminate* en dimoun i bezwen donn li en *breakdown of son benefits*. Petet la par ler i annan en koumsa, en pti *cap of kwa* ki nou kapab fer e kwa ki nou pa kapab fer. Mon espere ki si Lalwa i amande, nou, nou pou kapab ed sa bann dimoun ki dan bokou ka, zot pa kapab pran en avoka, oubyen zot pa kapab vin linyon, zot vin kot nou. Nou pa zanmen pouz zot. Nou fer sir ki nou ed zot otan ki nou kapab.

Parey mon'n dir, nou annan ka la kommela ki nou pe ed sa bann dimoun ganny zot lapey. *Thank you.*

### **MR SPEAKER**

*Thank you.* Onorab Gill.

### **HON CHURCHILL GILL**

Mersi Mr Chair. Bonn apre midi *rather* tou dimoun lo *panel*. Ler mon'n ekout ou, ou'n fer nou konpran ki i annan bokou *case* ki vin kot ou, me selman zot pa *the right channel*. Me selman tout fason dimoun in vin kot zot.

Mon kestyion se, si ou pou donn nou en analiz lo bann *case* ki'n vin kot ou. Bann ki ti devret vin kot ou *against* bann ki pa ti devret vin kot ou. Si sa ki pa ti devret vin kot ou, li ki outweigh sa ki devret vin kot ou?

Apre dezyenm kestyion se, mon pa vwar okenn provizyon kot ou lofis i fer en pe sansibilizasyon, pou dimoun konn zot rol, kwa ki zot fer e ki bann kalite case spesifik ki devret vin kot zot. Mersi.

### **MR SPEAKER**

*Thank you.* Chairman?

### **CHAIRMAN PSAB BRIAN JULIE**

Mersi Mr Speaker. Onorab to be fare. Bann ka ki nou'n *deal* avek ki pa sipoze vin kot nou, i plis ki sa bann ki'n vini kot nou. So, an se ki konsern ledikasyon bann travayer in a way, mon ti dir lannen passe ki nou pou eseye annan en programm kot nou pou al dan bann Minister, dan bann landrwa travay, pou mwen eksplik bann dimoun kwa ki zot devret fer konsernan *PSAB*.

Me selman parey mon'n dir, nou letan in tro ganny atrape avek sa bann keksoz ki pa konsern nou, ki nou pa'n kapab ganny letan pou nou fer sa programm.

Me selman parey mon'n dir, nou pou annan en *website* nou pou komans travay lo la, plus lannen prosenn nou annan sa posibilité pou nou komans fer *training*, pou dimoun konnen. En pe piblise pou konnen ki bann *case* ki devret vin kot nou.

E mwan, tou kou nou dir avek bann travayer. Ler ou sorti, ler ou ganny met deor, fer sir ou al ek ou *letter of termination* e ou osi vin avek en let ki dir ki ou *breakdown* ou bann *benefits*. Si ou sipoze ganny tel *benefits*, fodre i mete lo sa papye. Si ou pa gannyen i deza en lofans devan nenport ki Lalwa. Menm *Employment Act*, si ou pa donn en dimoun son *breakdown*, son bann dokiman ki i bezwen ler ou'n *terminate* la, then *Minister Lanplwa* i kapab pourswiv ou. Met ou Ankour.

So, nou pou annan sa programm *training* pou edik bann dimoun konnen kwa ki nou fer. Mersi.

### **MR SPEAKER**

Wi Onorab Gill?

**HON CHURCHILL GILL**

Baz e lo larepons ki ou'n donn mwan - mersi *by the way* - i kler ki sa problem pe koz akoz dimoun zot pa vreman konnen ki rol. E mon'n konpran ou pe fer *website*. Me selman li i en keksoz ki pou pran en pe letan. Petet ti a bon *come up* avek bann mwayen sansibilizasyon en pe pli, ki kapab vin pli vit, ki target dimoun direk. E sa i ava ede pou redwir lakantite *case* ki pa devret vin kot ou.

Akoz mon santi petet si nou pa fer en pti pe plis zefor, ban dimoun i kapab vin la ek zot *case* e *ultimately* si zot pa sipoze vin kot ou, *then* zot pa ganny en solisyon, sa bann dimoun i vir an ron. Mersi.

**MR SPEAKER**

Mersi. Chairman ou annan en sizesyon la ki Onorab Gill in mete, ou le reazir lo la oubyen ou a zis aksepte?

**CHAIRMAN PSAB BRIAN JULIE**

Onorab mersi. Mon krwar i en sizesyon ki nou ava pran li an konsiderasyon. E mon ti ava osi azoute ki dan bokou ka kot Minister Lanplwa, zot menm anvoy dimoun kot nou. E zot, zot konnen poudir sa bann dimoun pa vini kot nou. Alors nou ti a osi demann zot pou si sa bann dimoun pa devret tonm kot zot, dir zot kote pou ale.

I annan de ka kot i annan *breach of contract*. I pa devret vini kot nou. Savedir zot devret al Ankour. So, nou - mersi pou ou sizesyon - nou a *take it onboard* dan nou program ki nou organize pou lannen prosenn. Mersi.

**MR SPEAKER**

Mersi Chairman. Onorab Henrie?

**HON GERVAIS HENRIE**

Mersi Mr chair. Bann pwen ki pe leve i fer mwan sanz en pe mon lapros mon kestyion. Olye annan en kestyion spesifik, petet mon ava fer en sizesyon akoz pou okenn nou bann Manm Lasanble ki serye dan nou travay, nou pou avoue ki problem bann *public servant* koman bann travayer souvandfwa i arive kot nou.

E i ariv kot nou koman en *MNA* akoz zot pa neseserman konn antyerman zot drwa. Zot pa pe pran zot responsabilite 100 poursan serye. Me an menm tan zot anplwayer, setadir *public service* osi, ou vvar bann dimoun ki dan pozisyon *Management* pa pe fer zot louvraz, oubyen pa pe konn zot bann rol ek responsabilite byen.

Donk anmezir ki nou prezan nou devlope koman en Nasyon e nou koman Lasanble Nasyonal nou pe donn bann antite ki pe vin devan nou pandan Bidze larzan, nou oule vvar bon servis pou publik Seselwa, ki *tax payers* pe pey nou saler nou tou la anndan, *right now*.

Eski nou kapab gannyen en parol avek *PSAB*, ki zot ava annan en konversasyon avek bann responsab dan servis publik, bann Linyon Travayer, menm ki reprezent bann travayer *public service* avek bann lezot antite Konstitisyonnal parey *Ombudsman* e *Human Rights*. Akoz kestyion ki Onorab Cosgrow in demande i fer en sans.

Apre tou sa letan ki Konstitisyon in ekrir, zot koman en Lotorite ki pou bezwen regarde pou dir eski zot rol pa'n evolye, ki bann propozisyon zot kapab met devan Lasanble pou nou sanze. Afen ki sa antite Mr Chair - mon ava fini avek

sa, i vin efektiv e delivre lo non pep Seselwa.

Akoz nou, nou parti la, nou anvi solisyon pou pep Seselwa. *We provide the money to you, give solution in a timely fashion;* tir fristrasyon, napa politik, nou pe travay pou Sesel, pour Seselwa e sa mon dir avek tou senserite. Napa politik dan sa zwe la. Nou fer sir ki Sesel i epanouir. Mersi Mr Chair.

### **MR SPEAKER**

Mersi Chairman. Ou le met en parol?

### **CHAIRMAN PSAB BRIAN JULIE**

Mersi Mr Speaker. Mersi Onorab. Mon krwar sa ki ou'n dir i fer en sans. Nou i pa ti pou kas nou lebra si responsabilite pou nou ed sa bann travayer, pou kalkil zot benefis. E ki nou ti annan sa pouvwar pou nou fors sa anplwayer vin devan nou, pou li pey sa dimoun. Akoz pour lemoman napa dan nou manda.

Me selman sa ki ou'n dir i fer en sans. Nou devret petet annan en dyalog avek sa bann antite ki ou'n mansyonnen, pou fer sir ki piblik omwen i ganny sa servis ki zot merite. Me selman mon a dir ou fransman, bokou bann *case* ki vin kot nou, nou pa pran bokou letan pou *deal* avek, akoz i annan de ka ki, mon pa pe dir i sitan fasil. I annan de ka kot ler i vini, *within* en semenn nou'n fini *deal* avek e zizman in gannyen donnен.

So, mon krwar pou ed piblik, akoz lezot antite pa pe fer zot louvraz. Zot pa konnen kote nou pe ale. Nou, nou kapab pran sa *onboard* e si Lalwa nou amande pou nou fer sir nou donn en pli bon servis bann travayer. Mersi.

### **MR SPEAKER**

*Thank you. Yes.*

### **HON GERVAIS HENRIE**

Zis en pwen vitman ki anfet mon ti'n note koman en kestyon parski Konstitisyon i dir zot bezwen fer en rapor anyel e soumet avek Lasanble Nasional. Zot bezwen fer sa akoz si non, *next time* si zot pa vini nou pa pou donn zot larzan. Mersi.

### **MR SPEAKER**

Mersi Onorab.

*(Interruption)*

### **MR SPEAKER**

Ou'n fini Onorab Pillay? Mersi. Onorab Georges, ou kestyon.

### **HON BERNARD GEORGES**

Mersi Mr Chair. Bonn apre midi *panel*. Mr Chair, mon pran laparol apre midi pou mon dir 2 keksoz. Premyerman pou mon felisit sa *PSAB* ki la devan nou ozordi. Mon'n, e nou'n vvar. San ki mon kritik bann ki ti vin avan, i pa mon rol. Mon ti anvi selman soulinyen profesyonnalism sa enn *PSAB* e mon dir sa fransman akoz mon'n aparet devan zot plizyer fwa.

E a sak fwa ou vvar ki zot profesyonnel, zot kourtwa e zot angaze avek sa *case* ki devan zot. E sa toultan i donn nou en bon *feeling*. So, congratulations! Well done! Keep it up! Zot vreman byen.

Me sa ki'n fer mwan pran laparol se Onorab Cosgrow e avan ki i krwar mon pe vin atak li, o kontrer mon pe vin siport en pwen ki in fer e ki *is food for thought*.

I annan definitivman parey *PSAB* zot menm zot, zot konnen i annan sa *overlap* e parfwa sa *gulf* ki

egziste ant *Employment Act* e zot travay *PSAB* ek *PSO*. E i pa devret.

Laliny demarkasyon ti devret bokou pli senp e bokou pli fasil. E sa i vin pir ankor Mr Chair akoz i annan serten antite dan sa pei ki teknikman zot endepandan, me akoz swa zot budget *dependent ouswa* zot Lalwa i dir ki zot *public servants*, zot tonm donk anba *PSAB*, dan en serten fason *PSO*.

E si nou regard rezon akoz *PSAB* ti ganny kree. Lafason ki in ganny kree i en pti pe parey *CAA*. Sete a en lepok kot nou pe re envant larou, akoz *technically; technically* tou sa ki annan pou fer avek *public service*. I devret annan en *Public Service Commission* ki annan son *Appeal Board* e ki li menm li *in-house* i *deal* avek bann ka bann *public servants*.

Tel parey Zidisyer i devret annan en *Judicial Service Commission* ki li osi i fer son *recruitment*, i fer son bann konplent, eksetera.

Me malerezman bann dimoun ki'n *frame Konstitisyen*, pa ti anvi kontinyen avek sa sistenm, mon sipoze neokolonyal e nou ti anvi re envant en sistenm. E dan en serten fason nou'n re envant sa ki bon, dan serten fason i annan son defayans.

E enn bann defayans ki nou tande tanzantan se lefe ki *PSAB* e *CAA* i ganny konpoze par bann dimoun ki ganny nonmen par bann politisyen. E kestyion filozofik se eski sa i devret leka *or not*.

E apre 30an, eski nou *still* devret pe fer sa? Me sa se en kestyion pou en lot zour. Kestyon ou plito sizesyon ki mon annan ozordi pou sa *PSAB* se, anmezir ki zot vwar zot rol, anmezir ki zot antre dan zot rol - zot pa'n la pou lontan,

zot pou vwar sa bann defayans e menm zot in mansyonnen la ozordi.

Silvouple, anmezir ki zot vwar sa, kekfwa a dan bann *annual reports* ki annan, zot a kapab fer bann propozisyon pou amelyor lafason ki zot travay; pou fer sa distenksyon ant *case* ki tonm anba *Employment Act* e *case* ki tonm anba *PSO* i pli kler.

Pour ki sa travayer ki annan en *grievance or whatever*, i konnen egzakteman kote i devret ale e i konnen ki pou annan en rekour ase vit e a en nivo akseptab.

Vwala Mr Chair mon ti anvis fer sa pti remark apre midi e demann zot, gid nou. O plito gid Gouvernman, akoz se zot ki *at the sharp end*. Anmezir ki zot vwar bann fason pou amelyore, mon krwar premye koudanvwa i devret sorti kot zot. Mersi Mr Cahir.

### **MR SPEAKER**

Mersi Onorab. *Chairman* ou anvi pran laparol an reaksyon?

### **CHAIRMAN PSAB BRIAN JULIE**

Yes Mr Chairman. Mersi Onorab. Onorab, parey mon'n dir, nou'n vwar sa. Mon pa konnen mannyer mon pou apel li. Sa, mon krwar i en keksoz ki pa drwat. Par egzanp ou al devan Lalwa Lanplwa. *Employment Act*, en dimoun i annan li en *grievance*. Ler i al laba i kapab sorti depi kot Minister Lanplwa, al *all the way to Tribunal* e *Tribunal* i pou *solve* tou son problem. Son problem *termination*, son problem *whatever*, larzan depi ...

Me selman ler en dimoun i vin devan nou, menm si nou vwar i mal, *termination* i pa *justify*, an se ki konsern son benefis, nou'n ganny limite lo la. So, si nou ti

kapab ganny sa pouvwar parey *Employment Act* i annan, akoz la ou pe get de sekter. Ou pe get sekter piblik avek sekter prive. E li *Employment Act* i pirman avek sekter prive avek enn de bann antite.

Me selman *public service* zot bezwen tay, tay partou. Vin kot nou, nou dir ou koumsa non ou pa kapab. Prezan ou bezwen al fer *judicial review*. Ganny permision pou fer *judicial review*. Si ou pa gannyen ou *case* i tonbe.

So, mon krwar i devret annan serten amannman kot nou kapab *deal* avek sa problem sa travayer komansman ziska finisyon. Ler i sorti la, si in perdi, si in gannyen i pa pou bezwen al pli devan. I konnen nou'n reponn tou son kestyon. Me selman mersi pou ou sizesyon.

### **MR SPEAKER**

*Thank you, Chairman. Onorab Pillay?*

### **HON SEBASTIEN PILLAY**

Mersi Mr Chairman e bonn apre midi tou bann Manm *PSAB*. *Chairman*, Mr Julie, Mr Julie e Ms Belle. Premyerman mon ti a kontan petet Minister Finans i klarifye en keksoz pou mwan; ler mon regard Bidze *PSAB* mon vwar poudir *in actual fact* i reprezent en rediksyon apepre R200 mil e i zis R1.1 milyon.

Ler mon'n ekout *Chairman PSAB*, mon ekout bann Onorab ki'n koze, ki zot oule *PSAB* i vin pli performan, fer plis keksoz, mon ti a kontan klarifye, demande akoz ki Bidze *PSAB* in desann?

Mon prezimen kekfwa i annan en kek sanzman dan kek, petet *emoluments or something like that*. Me 1.1 milyon, i pa vreman en

Bidze ki permet *PSAB* par egzanp anploy *researchers* pou ed li dan son travay. I pa ase pou petet pou li anploy *case officers*, ki kapab pran bann *case* e katalog bann *case*.

So, nou oule donn *PSAB* sa rol ki i oule zwe, akoz ki nou pa'n met en konponan bidzeter en pe pli signifikan pou li kapab anploy ankor *at least 2, 3 staff* pou ed li avek bann konplent le ri gannyen.

Mon ou le siport mon pwen Mr Chairman avek en pti resers ki mon'n ganny sans fer, an se ki konsern bann *case* ki'n al ver revi devan Lakour Siprenm. Enn resaman an 2021. Kot ler mon regard zizman ki Ziz Dodin ti donnen, i en zizman ase konpreansiv, me i osi montre ki mannyer *PSAB* i bezwen sipor adisyonnal pou li kapab fer travay ki i fer.

*So, sa i mon premye kestyon akoz ki nou pa'n met ase larzan ladan.*

Dezyenmman Mr Chairman, mon ti a kontan petet ganny en klarifikasiyon osi lo la; Konstitisyon i dir ki *PSAB* i annan manda pou li akte lo serten ka an relasyon avek bann par egzanp *disciplinary proceedings* ki'n ganny *taken in respect to an officer*. E byensir apre *PSAB* i donn en lord.

*Be when it comes to enforcement of sa lord;- par egzanp i annan ka kot zot in fini donn lord me en antite Gouvernman i kontinyen refize pou abide by sa lord ki *PSAB* in donnen.*

Par egzanp *case in point*, i annan bann *case* ki involve Departman *Internal Affairs*. So, ki mannyer *PSAB* will go about enforcing sa bann lord e mon konnen *Chairman* i annan

konpetans dan domenn legal, me eski Minister Finans pa'n-. Mon pa konnen, i tou depan lo sa ki zot in prezant avek Minister Finans.

Eski in napa konsiderasyon pou osi donn *PSAB* en sipor legal, pou li kapab *enforce* oubyen revwar konpozisyon Lalwa, pou li kapab *enforce* sa bann lord ki i pou donne? Akoz byensir *once* ou donn en lord baze dapre, swa dapre *PSO*, swa dapre desizyon *PSAB*, Gouvernman pou retalye. Gouvernman pou anmenn ou *case* Ankour, i pou dir i pa dakor ek ou desizyon, eksetera.

So, ki mannyer nou pou *go about* pou ganny *redress*, pou bann dimoun ki'n vin kot *PSAB* ki zot ka in fini pase? Mon annan se de kestyion pour lemoman Mr Chairman. Mersi.

#### **MR SPEAKER**

*Thank you* Onorab. *Chairman PSAB* ou le adrese premye? Si i annan pwen Minister Finans i a kapab *follow up*.

#### **CHAIRMAN PSAB BRIAN JULIE**

Mersi Mr Chairman. Onorab mersi pou ou kestyion. Sa ki nou'n - ki devan zot la, i sa ki nou nou'n demande Minister Finans. Nou pa'n anvizaze demann plis larzan, akoz nou pa krwar ki nou ti pou bezwen. Me selman par rapor avek sa ki *Leader Lopozisyon* in dir, parey mon'n dir, ziska aprezan napa zizman ki nou'n donne, ki'n ganny *challenge* devan Lakour. Swa par *judicial review* ou par lezot mwayen.

Nou'n al Ankour pou reponn en *application for review* pou bann ka ki'n pas avan nou, me selman mon pe konpran ou pwen. Si a lavenir - si a lavenir nou annan sa

manda pou ouver en pti pe nou loperasyon, pou al en pti pe pli profon dan ka sa bann dimoun, petet i ava annan en nesesite pou nou rod dimoun adisyonnal. Akoz nou, nou 3 nou asize nou ekout *case* e nou pas zizman.

Si i annan sa posibilite parey mon dir pou donn nou en pti pe plis, pou ouver en pe nou manda, sa posibilite i leve, *then* mon pou dakor avek ou ki nou a demann Minister Finans en pti pe fon an plis pou nou *meet* sa bann ...

I annan de ka osi kot byento petet i ava bezwen. Mon a donn zot en legzant par egzant. I annan de ka kot ti vin devan nou e sa kliyan, enn antre nou pa kapab ekout sa *case* pe dir *conflict of interest*. So, la i pou annan zis 2 nou, Lalwa i permet nou zis 2 nou ekoute. .... 2 nou ki pou ekout sa *case*.

Be si i annan diverzans lopinyon ant sa de. Si par egzant i vin mwan, mon pa pou kapab entervenir akoz petet i pou annan *conflict of interest*.

So, la nou bezwen rod dimoun an deor, pou gete levidans e fer rekondasyon *as to* ki mannyer sa *case* pou ale. So, mon krwar ou rekondasyon i valab. Me selman *at this point in time*, sa ki nou'n demande, i sa ki nou nou'n gannyen. Kontrer nou'n ganny en pti pe plis, akoz parey mon dir i annan en pti pe depans ki nou'n fer.

Minister Finans i ava eksplike akoz i annan sa rediksyon. En se rezon akoz en manm, en *staff* in *resign* e nou pe pran en lot dan son plas. Me sa saler ki i ti pe gannyen i pou bokou pli mwens ki sa enn ki pe komans dan lanplwa. So, sa enn bann rezon. Petet Minister Finans a kapab azout en

pti pe lo sa ki mon'n dir. Mersi Mr Chairman.

**MR SPEAKER**

Mersi. Minister Finans ou annan pwen pou azoute.

**COMPTROLLER GENERAL**  
**ASTRIDE TAMATAVE**

Mersi Mr Chair. Zis pou azout lo sa ki Chairman in dir, rediksyon i annan anba *minor caps*. 2022 parey Chair in eksplike boner, zot in ganny larzan pou aste *IT equipment, furniture* e sa i bann *one-off expenses*. So, lannen prosenn sa bann depans pa pe *reoccur*. So, *this is where* ou vvar sa gran rediksyon R359mil dan zot *minor capital outlays*. Mersi.

**MR SPEAKER**

Mersi. Ok, wi Onorab Pillay *follow up*?

**HON SEBASTIEN PILLAY**

Mersi Mr Chairman, mon *follow up* i direk lo Bidze. Premyerman ou'n mansyonnen poudir ou le etabli en sistem kot dimoun i kapab fer en konplent *online*; etabli en katalog, annan *database of cases* ki tou bann Manm i kapab ganny akse avek partou kot zot ete. Sa i bezwen ganny fer avek lenvestisman.

Kestyon ki mon pe demande se, akoz napa sa lenvestisman pou nou kapab fer sa? Dezyenmman, ler mon regard par egzanp ou pe dir nou. Mon konpran nou tou nou oule fer lekonomi. Me ozordi *as it stands PSAB*, nou annan Gouvernman, Gouvernman i ekstrememan *powerful*.

E in arive dan lepase osi kot nou'n annan bann Gouvernman ki ekstrememan *powerful*. E ler ou annan en Gouvernman ki

ekstrememan *powerful*, *PSAB* i sa sel *body* ki kapab debout ant en travayer Gouvernman avek ganny pouse. Si son pouse i merite, i en lot zafer, me si son pouse pa merite zis *PASB* ki kapab debout la. I pou al sey rod lezot rekour. Me si ou annan en *body* ki for, sa *body* i kapab *fight* son lager pou li.

*Now, as it stands* la, mon pou admet ki dan lepase in annan en fot ki'n ganny fer, ki nou pa'n met ase larzan dan *PSAB*. Me petet la i moman pou nou koriz sa e pou nou met ase resours pou *PSAB* kapab fer sa louvraz ki bezwen fer dan en konzanptir demokratik kot ou kapab annan en antite ki kapab tenir latet avek Gouvernman. E dir be non, mon dir be reinstate tel dimoun, ou bezwen *reinstate* li. E Gouvernman pou bezwen *comply or pey* sa bann dimoun zot konpansasyon san ki ou al dan en lot problem.

So, Mr Chairman, mon pa kapab fors *Chairman PSAB* pou demann plis larzan Gouvernman. Me dan mon *humble* lopinyon, mon vvar poudir i pou difisil pou travayer ganny en rekour si nou napa en *PSAB*, ki Gouvernman i santi poudir i kapab morde. E mon pe dir poudir zot pa pe fer en bon travay - *far from that*.

Mon pe dir poudir zot bezwen konsidere zot dan en moman *unique* dan listwar pou kapab elev nivo sa lofis. Mersi Mr Chair.

**MR SPEAKER**

Mersi. Chairman *PSAB* ou ti a kontan adres sa.

**CHAIRMAN PSAB BRIAN JULIE**

Mersi Mr Chairman. Onorab mon antyerman dakor avek ou. Nou annan ledan, nou pa kapab morde.

E ki mon pe dir, mon pe repeete, agrandi nou manda e nou ava kapab al kot Minister Finans dan *Mid-year Review*, demann zot en pe plis larzan. Akoz nou manda pou'n agrandi, nou pou annan plis responsabilite. Menm kapab *enforce* nou Lalwa.

Akoz sa zizman ki nou, nou donnen nou pa kapab *enforce*. Nou dir ek sa Minister oubyen ek sa departman vwar la sa zizman e zot, zot pa forse zot. Zot pa fer li e nou, nou pa kapab al tay deryer zot. Sa travayer li i bezwen prezan al Ankour, al rod *judicial review* e nou pa krwar sa i devret le ka.

Si ti annan kantite travayer ki annan dan sekter piblik, mon krwar i devret annan en sistem ki meet tou zot *needs*. Selman mon pran ou sizesyon e nou ava anploy li letan nou ganny posibilite pou nou fer en pe plis pou bann travayer piblik. Mersi Mr Chair.

### **MR SPEAKER**

*Thank you Chairman.* Onorab William? Byen, Onorab William in pass lo son kestyon. Mon krwar mon pa'n mank personn. Alor nou pare pou pare pou pran vot lo sa laliny Bidze pou *Public Service Appeals Board*, ki pou en total R1milyon 137mil. Manm ki an faver lev lanmen silvoupe? Mersi. Tou Manm in vote.

Lo sa Bidze pou *PSAB* pou R1milyon 137mil, 27 Manm in vot pour, 0 kont e 0 *abstain*. Donk Lasanble in aprouv sa Bidze.

Well i reste mon pou remersye bann zofisy'e *PSAB*. E mon'n vwar li vreman enteresan mannyer zot in dekrir posibilite pou zot agrandi zot manda e lannen prosenn petet son Bidze i ava pli konsiderab. Bonn sans *PSAB*.

Bon nou pou termin la. Madanm Clerk i touzour kontan ki mon souliny bann antite ki pou la demen, sirtou pou nou piblik. Bann Manm i okouran sa. Nou annan *Public Service Bureau e Other Wages and Salaries, Office of the Mayor of Victoria, Seychelles National Institute of Culture, Heritage and the Arts, Seychelles Broadcasting Cooperation e Seychelles Media Commission*.

E osi nou annan *Information Commission*, mon sansib ki Onorab Pillay menm ki nou ti'n met sa koman en antite ki nou pou zis vot lo la, Onorab Pillay in eksprimen ki i anvi poz en kestyon lo zot manda. Mon vwar tan ki nou pe pas lo zot Bidze, mon'n demann Madanm Clerk pou demande ki zot la. Nou a pran kestyon ki neseser. Lo *Media Commission* sa. Ou'n mete, ok. Tre byen.

Bon avek sa nou a *adjourn*. Mon swet zot tou bonn antre dan lakour. Nou a pas dan Staz Lasanble e Lasanble i a re pran demen *matin 9er. Adjourn*.

### **(ADJOURNMENT)**

